



ИВЫВ КОДЗУВ

5
МАЙ
1980



Великой Отечественной войны ветеран, Сыктывкарса олысь Александр Иванович Лосев.

Снимайте В. Вещицкий.



ТАЙО НОМЕРЫН

ВЕЛИКОЙ ПОБЕДАЛЫ — 35 ВО

Павел ПЕШКИН. Морякъяс тышкасьёны му вылын	3
Михаил ЕЛЬКИН. Василий Елькинлы. Ас вой- тырлы. Билур дорын. Тодса ныв (кыв- бурьяс)	12
Сергей МОРОЗОВ. Вок шынельён	14
Екатерина САМАРИНА. Сылы вöлі кызь арöс	18
Владимир ПОПОВ. Квайт октава (кывбурьяс)	20
И НАЛÖН СЫЛАН ЮРГÖ-КЫЛÖ	22
Геннадий ФЕДОРОВ. Востым (роман) . . .	24

Публицистика

Александр АНУФРИЕВ. Унджык ас көрым	44
-------------------------------------	----

Комиын Карелиялөн культура луньяс кежлö

Яакко РУГОЕВ. Став олöмыс водзын (висьт)	50
--	----

Критика да библиография

А. К. МИКУШЕВ. Выль коми роман йыльсь кыв	56
Николай ПУНЕГОВ. Нёбдинса Виттор — жур- налист	61

ЛИТЕРАТУРНО-
ХУДОЖЕСТВЕННОЙ
ДА ОБЩЕСТВЕННО-
ПОЛИТИЧЕСКОЙ
ЖУРНАЛ

ЛЭДЗÖ КОМИ АССР-са
ПИСАТЕЛЬСЛÖН СОЮЗ

ПЕТÖ 1926 ВОСЯНЬ

5

МАЙ

1980

СЫКТЫВКАР

СЕВЕРНАЯ ЗВЕЗДА



ЕЖЕМЕСЯЧНЫЙ
ЛИТЕРАТУРНО-ХУДОЖЕСТВЕННЫЙ
И
ОБЩЕСТВЕННО-ПОЛИТИЧЕСКИЙ
ЖУРНАЛ



ОРГАН
СОЮЗА ПИСАТЕЛЕЙ
КОМИ АССР

Главный редактор П. Шахов

РЕДАКЦИОННАЯ КОЛЛЕГИЯ:

*А. Ванеев, М. Игнатов, Н. Куратова, В. Попов, С. Попов,
С. Раевский, И. Торопов (зам. главного редактора),
Г. Юшков.*



Апрель тóлысын Сыктывкарын муниципалитетин Вуктыльскöй да Усинскöй районъяслöн культура луньяс.

Снимок вылын: Сбылö Вуктыльскöй районьса Савиноборса да Подчерьса фольклорной группа. Снимайтис Ю. Осетров.





Павел ПЕШКИН

МОРЯКЪЯС ТЫШКАСЬОНЫ МУ ВЫЛЫН

Великōй Отечественнōй войналон кузь историяын уна мича лист бокъяс, гырысь вермōмъяс, кодъяслон гым шыыс юрōбтывліс му шар пасьталаын. Быд ичōт и ыджыд тышын вōліны и коми салдатъяс. Москва и Ленинград дорйгон, Сталинград вōсна да Киев вōсна тышъясын, Войвылōс оккупантъясысь весалигон, Малōй земля вылын, Курск дорын, Варшава и Прага мездигон, Берлин штурмуитигон.

Ме помнита, кызди 1945 вося апрель 16 лунō заводитчис Берлин вōсна тыш. Тайō лон 5 час асылын. Уна тысяча орудие, миномет, «катюша» отпырысьон восьтісны би. Гōгор ставыс югдіс. Сыркакыліс да вōрис муыс. Сэсся миян юр весьтти лэбисны асланым бомбардировщикъяс. Бōръя тышō петісны советскōй салдатъяс.

Мōд луннас фашистъяс заводитлісны сувтōдны миянлысь войска Зееловскōй высотаяс дорын, но нектор нин эз вермы сувтōдны советскōй салдатъясōс. Му вылын эз вōв сэтшōм выныс.

Апрель 20 лунō советскōй артиллерия заводитіс лыйлыны Берлин кузя. Война воис сэтчō, кысянь заводитчис — фашистъяслон позйō. Апрель 23—24 лунъясō тышъяс пансисны карса уличаяс вылын.

Ленинградса Кугузов нима 38-ōд артиллерийскōй бригада, кытчō пырис и миян 7-ōд батарея, фашистъяслон сотчысь столицаō пырис 5-ōд Ударнōй Армиякōд. Ми отсалім гвардеецъяслы, восьтім налы туй, пōдталім огневōй точкаяс, жуглім дотъяс, пōдвалъяс, кысянь фашистъяс лыйлісны миянлы воча.

Артиллеристъяс лыдын вōлі и ме — Сыктыв вожса коми сиктын чужлōм морт, 7-ōд батареялон бион веськōдлысь взводын командир.

Кузь да сьōкыд вōлі туйыс Берлинōдз. Унаон эз адззывны тайō шудсō — сетісны олōмнысō миян Рōдина вōсна тышъясын. Но найō вōліны миянкōд жō, ми радлім и на пыдди, кор фашистъяс юр вылō мōдōдалім снаряд бōрся снаряд.

Велōдча лоны морякōн

Салдатъяслон стройō ме сувти война заводитчытōдз на, 1940 вося сентябрын. Меным сэки вōлі 27 арōс. Сыōдз велōдлі посни челядьōс школаясын, сэсся помалі пединститут Сыктывкарын, а сы бōрын директоралі Троицко-Печорск сиктса среднōй школаын.

30-ōд вояссянь школаясын велō-

дысьясёс армияё эз босьтлывны, сетлісны отсрочка. Страна пасьтаын став челядьёс школаын быть велёдны заводитём бёрын учителяс эз тырмыны. Сэки од став советской том йёзлы шор образование сетом йылысь ми и думыштлыны на эг лысьтлөй. Сёрниыс на эз мун и быд том мортос сизим во велёдом йылысь. Челядьёс коліс велёдны коть нин начальнөй школаясын, нель во. Лыддысьны-гижны кужтомыс на сэки вөлі тырмымон, торйон нин гырысьяс пөвстын. Ми, школаясын велёдысьяс, быд рыт велөдим и гырысьясёс, пуктім та вылө вын да кад. Ме вот öні гижатайö кывьяссө и думайта сы йылысь, кутшөм ыджыд воськов вочис миян страна став народос велөдомын. Том йёзос öні ми велөдам среднөй школаясын, профтехучилищеясын, техникумьясын, институтьясын. Быдөнлы туйыс восьса! Быдөнлы эм право та вылө! Та йылысь висьталө и миян Конституция.

1940 вося арын вөлі армияё спецнабор. Кутісны босьтны и учителясёс, мед наысь велёдны регыдья кадон советской армиялы запаса командирьясёс. Советской народ төдіс: фашистьяс Германияын дзикөдз вельмисны, Гитлер көйсө пөкөритны став мирсө, дасьтысьө война кежлө.

Печора йывсянь Эжва вылө ми петім подөн. Вөрса няйт туй кузя, позьö шуны, собим некымын лун. Локтім Помөсдинө да пуксим машинаяс вылө.

Ме сэки вөлі нин партияса член, тушанам крепыдкодь. Гашкө, та вөсна Сыктывкарса военкоматын меным сетісны пакет аслам киö, тшөктісны мунны Кронштадтө.

Кутан велөдчыны да служитны Балтийской флотын,— шуисны меным.

Регыд заводитчис менам служба Либава карын командирьясөс велөдан курсьяс вылын. Төдөмысь, сьөкыд велавны флотской дисциплинаö да порядокьясө, но ме гөгөрвои: ставыс сетчас кокниа, ачыд кө ёна көсьян. А ме, том коммунист, көсий велөдчыны командирө, лоны флотын, коть эськө, төдөмысь, флотской

служба йылысь некор эг думыштлыв. Миян группаын ставыс вөлі помалөмаос институтьяс, велөдісны велөдчөм морякьяс жө, велөдчыны вөлі интереснө.

Помнита татшөмтор. Отчыд миян группаын муніс семинар баллистика кузя. Менө петкөдісны дөска дорө, тшөктісны висьтавыны снарядлөн сынөдті лэбан законьяс йылысь. Ме ачым физик, материалсө бура төді, заводиті тэрмасьтөг висьтавыны. Воссис өдзос, классө пырисны гырысь командирьяс. Кыліс команда: — Встать! Смирно!

Миянөс велөдысь офицер, коймөд ранга капитан, доложитіс пырысьяслы, мый группаын мунө семинар, дөска дорын курсант Пешкин.

— Водзө нуөдө уроктө, ми кывзыштам,— шуис адмирал формаа морт, кодын ми төдім Балтийской флотын командуйтысь адмирал В. Ф. Трибуцос.

Миян капитан локтіс ме дінө, шуис:

— Водзө висьталөй, курсант,— и ещө читкыртліс синсө, быттьо шуис: «Эн пов, збойджыка висьтав».

Ме висьталі водзө.

— Быд курсант тіян тадзи төдө материалсө?— бөрыннас юалис адмирал.— Тайө зэв бур. Желайта ставныдлы бура велөдчыны.

1941 вося июнь заводитчигон ме висьми, веськалі Кронштадтса Главнөй военно-морской госпитальö, а июнь 22-өд лунся асыводзө Кронштадтын лои медводдза боевөй тревога. Гөжся югыд войыс ещө лои югыдджык, енэжсө писькөдісны биа ньөвьяс — миян прожекторьяс. Заводитісны лыйлыны зениткаяс. Вражеской самолөтьясөс крепость весьтө эз лэдзны, бөр вөтлісны.

Заводитчис война. Регыд мысти Кронштадт колльөдіс сухопутнөй фронт вылө морской пехоталысь 1-өд бригада. Ме пыр жө петі госпиталысь, веськалі тайө бригадаас связистон.

Морякьясөс Кронштадт колльөдіс бура. Торжественнөй маршон бригада муніс карса уличаяс кузя. Кажитчө, став карыс петөма миянөс колльөдны. Миянлы шыблалісны

мича дзоридзьяс, сеталисны негырысь пöдаркияс. Юргис дзик выль сыланкыв, кодi муртса на чужис, «Священная война». Тайö сьолöмтö вёрзöдан сыланкывйис миянöс колльöдис бойяс вылö. Сьолöмыд топавлас, кор кылан сылысь кивъяссö, быттьökö тэнад дас пöв содö выныд, зумыдджык лöв воськолыд. Ыджыд вöли выныс тайö сыланкывйислөн!

Дерт, ми быдөн кöсйим паныдасыны врагкöд, венны сийöс, пасьвартны. А шуны кö веськыда, збойлуныд мрян вöли уна, а вот му вылын воюйтны миянöс эз велöдлыны. Ми эг кужö шыблавны гранатаяс, карабьяс вылад найö оз ковны, эг кужö кодйыны окопьяс, море вылад окспьясыд оз жö ковны, эг кужöй и сайöдчыны пуляясысь. Позьö шуны, миянöс эз велöдлыны и штыкөн петны атакаö.

Таллинö поездөн воём мысти заводитисны сетны миянлы салдатскöй наука. Öтчид ми велöдчим шыблавны гранатаяс. Миян киясын вöлины «лимонка» гранатаяс — киад чабыртана, неыджыд, чугуной дорышьяса. Велöдисны пуктыны капсульсö гранатаö. Öти матрос босьтас да капсуля гранататö öшöдас тасма бердас. Бур ещö, предохранитель вылын вöлöма гранатаыс. А кор матросыд выльысь босьтас гранататö, предохранитель кольчаыд кыкысяс, гранатаыд мöдас шыавны. Матросыд оз и тöд, мый вöчны. Тайöс казяли командир, горöдис матросыдлы: «Вод!» Матросыд гөгөрвотөмповзьöм синьясөн видзöдлас ёртьясыс вылö, кусыньтчас, топöдас гранататö кынöм бердас. Дерт, сийö взорвитчас. Аслас смертьөн матрос спаситис орччөн сулалысь ёртьяссö.

Та бöрын миянöс ещö на некымынысь петкöдлісны кар сайö, стрöгджыка велöдисны вöдитчыны гранатаөн. Быдөн сдایتис экзамен. Дерт, бөрья экзаменыс вöли бой поляс вылын, бöрынджык.

Июль 10 луно морякьяс сувтисны обороная Пярну кар динö. Ротаяс разöдчисны дась окопьясö, кутисны лöсьöдчыны бой кезлö. Ми, связистьяс, нюжöдiм кабельяс, йитiм ротаясöс, батальоньясöс.

Öтчид ме вöли которта кытчökö

да кодкö менö нимөн чукöстис неылын сулалысь моряк чукöрсянь. Видзöда да, корö кинас ас дiнас. Матыстчи. Тöдi Миша Батмановöс. 1943 воын, Сыктывкарö пединститутö мунiгөн, ме сылы коли Кибраса ШКМ (öни Куратово). Вöлөмкö, куим во директоралöм бöрын Миша мунöма велöдчыны военно-морскöй политическöй училищеö да öни служитис флотын политрукөн. Сёрнитыштим недыр, казтыштим важьясö. Уна сёрнитны некор, колiс вöчны ассыным удж, мый вылö локтим да сувтим татчö. Шум аддзысьлыны бой бöрын, висьталiм öта-мöднымылы ассыным ротаяс. И бара торьялiм. Миша Батмановкöд ми сэсся эг аддзысьлöй. Гортас абу жö волöма.

Некымын лун мысти фашистьяс заводитисны матыстчыны миян позицияслань. Тыдалö, кöсйисны öдийö путкыльтны морякьясöс. Флотскöй бригада сулалiс крепыда. Матыстчыласны фашистьяс, колясны унаöс виöмьясөн, öдийö бöрыньтчасны. Ена ковмис телефонистьяслы котравны: öтилайн орö телефон кабельыд, мöдлаын.

Некымын лун мунiсны тышьяс, но морякьяс эз вёрзыны позиция вылысь. Фашистьяс дугöдисны атакаьяссö.

Сэсся бригадалы воис приказ: бöрыньтчыны. Вöлөмкö, фашистьяс мöдлатi орöдöмаöсь фронтсö, заводитöмаöсь пискöдчыны водзö. Мед не веськавны пленö, бригада колана ногөн бöрыньтчис.

— Энлыв, ми паныдасылам на!— шуисны морякьяс.

Меным ковмис торйöдчыны бригадаысь. Кыдзи артиллерист-пржектористöс менö мöдöдисны Осмусаар вылö.

Гангутса геройяс

Тани колö неуна бöрыньтчывыны Россиялөн историяö.

Петр I-лөн Балтийскöй море дорö Россияöс петкöдöм вöсна Швециякöд тыш, кыдзи ми тöдам, кыссис уна во. Тайö тышас тöдчана места босьтö роч да шведскöй флотьяслөн

1714 вося гожомын Гангут полуостров дорын тыш, кызди сэки вөлі шусьё өнія Ханко полуостров. Гангут дорын ыджыд морскөй тышыс помасис роч флотлөн вермөмөн. Та бөрын и Гангут пырис роч народлөн историяё сідзи жө, кызди Куликовскөй поле либө Бородино.

Ханко полуостров 1918 восянь лон Финляндия кийн. 1940 вося мирнөй договор серти Финляндия лэдзис миян страналы стрөитны Ханко вылын военно-морскөй база, мед видзны Ленинградос мореладорсянь. Ханко эз вөв өтнас. Финскөй заливлөн мөдар берегланьын, матынджык Эстониялань, вөлі нейджыд ді Осмуссаар, көні сідз жө сулалисны советскөй артиллеристьяс да морякьяс. Ханко да Осмуссаар кутисны орудиеяслөн би улын Балтийскөй мореясы Финскөй заливө пыран ва туйсө. Гөгөрвоана, кутшөма вөлі тайө колө сэки, кор страна вылө уськөдчис фашистскөй Германия, а сөсөя войнаө пырис и Финляндия, кутис отсавны Гитлерлы. Ханко да Осмуссаар ді, позьё шуны, тупкисны туйсө фашистскөй военнөй корабляслы, эз лэдзны найөс Финскөй заливө, матө Ленинград кар динө.

Уна мужество да героизм петкөдлисны советскөй морякьяс Ленинградос мореладорсянь дорйигөн. 164 лун да вой кыссис тайө тышыс. Сөсөя, кор Ленинградос кытшалисны фашистьяс да матыстчисны кар бердөдзис, Ханкоыс да Осмуссаар ді вылысь морякьясөс да артиллеристьясөс вайисны Ленинградө. Найө сувтисны Ленинлысь карөс дорйысыя радө. И тышкасисны карсө кытшысь мездытөдз.

Эз вөв ыджыд Осмуссаар дйис, кытчө ме веськалі: кузьтаыс 3 километр гөгөр, пасьтаыс этшаджык. Тайө ичөтик ді вылас фашистьяс быд сутки лэдзисны куйм сюрс снарядөдз. Первой мореладорсянь, а кор матыстчисны Ленинград динө матө, тшөтш и сыладорсянь.

Кык төлысь чөж бомбаясөн да снарядыасөн став дісө гөрөм бөрын фашистскөй адмирал сетис ультиматум дивывса гарнизонлы: либө сет-

чөй, либө ми вөйтам дісө ваө, море пыдөсас. Сетчад — коляд ловйөн.

Гөгөрвоана, эз вермыны советскөй морякьяс сетчыны враглөн милөсть вылө. Ультиматум срок помасьөм бөрын, мөд лун асывнас, ді весьтын вылө кыптис Гөрд знамя! Тадзи вочавидзис фашистскөй адмираллы Осмуссаар ді — Ханколөн ичөтджык вокыс. Ми и збыльысь вөлім быттө кык вок — Ханко (Гангут) да Осмуссаар. Ми, Осмуссаарса гарнизон, дзик ставөн, өтитөг, көсийм лоны важья Гангутса геройяс кодьөн жө.

Ичөтик ді вылө мөдисны гылавны ешө унджык бомбаяс да снарядыас. Но ми вөлім ловьяөсь, ми водзсасим, тышкасим. Помнита, өтчид ми асьным десантөн чеччим эстонскөй му вылө, бура ылөдз пыралім фашистьяслөн тылө, жугөдİM нейджыд гарнизон, некымын военнөй постьяс, сөсөя бөр вуджим асланым ді вылө.

Миянсянь Ленинградөдз вөлі нельсө саяс километр, но ми тасянь көсийм отсавны ленинградсаяслы мыйөн вермим да мый вөлі вын серти. Ми быдөн көсийм лоны ленинградсаяс кодьөн жө.

1974 воын Ленинградын петис книга «Гангут. 1941». Тайө книгаас чукөртөма Гангутса геройяслысь фашистьяскөд чорыд тышьяс йылысь казътылөмьяс. Гижө сәні и Осмуссаар гарнизонса вөвлөм командир, өні отставкаын полковник Е. К. Вержбицкий.

Миян вөвлөм командир тадзи гижө Осмуссаар ді вылын өти лунся тыш йылысь:

«Ноябрь 14 лунө югдандорыс ми казалим противниклысь десантнөй отряд. Ме сэки вөлі 314-өд батареялөн вышка вылын. Эстонскөй береглань топөдчөмөн миянлань матыстчисны противниклөн 18 судно. Осмуссаарлөн траверз вылын став судноыс другысөн өтвылысь веськөдисны нырьяснысө да куйм чукөр вылө торйөдчөмөн заводитисны матыстчыны. Оти чукөр, шөрсаяс, водзынджык, ныралысь пыдди. Ме сеті команда артиллеристьяслы: кодлы лыйлыны шуйгавывса суднояс кузя, кодлы — веськыдывывсаяс кузя, а

кодлы и шорсаяс кузя. Медводдза залпсө сетисны став дивизионон.

Грымобтис медводдза залп! И заводитчис. Зенитной пушкаяслысь шысө вевтисны сьокыд орудиеяс. Гераа укйодлисны сө комын миллиметра орудиеяс. Ме видзоди противниклон суднояс выло бинокльон да аддзыли, кызди десантной суднояс весьтын взрываютчисны зенитчикьяслон дистанционной гранатаяс, кызди враглон суднояс кузя сточа лыйлис 90-од батарея.

Пыр жө, позьо шуны, минут мысти озыисны некымын десантной судно. Суднояслон стройис дзугсис, враг шойовоши. Сэк жө кылис сигнальщикьяслон доклад: «Пелент 350, кум истребитель «И-16» матыстчоны мянлань».

Тайо отсөгсө мянлы сетис Гангут. Гөрд звездаа визув «варышьяс» лэчисны увлань суднояс весьтөдз да вурыштисны пушкаяссысь да пулеметьясысь суднояссө, вочисны кытш мян ди весьтын да лайкнитлисны бордьяснас, прощайтчисны мянкөд.

Тайо тышас ми вөйтим враглысь 6 мотобот, жугөдим да озтим нельос. Ещө нель мотобот шыбитчисны эстонской берег выло».

Тайо сөмын оти лунся тыш. А ташом луныс вөли 164. Быд лун мян ди выло, шуа тай, уси 3 сюрс снаряд да бомба, а то и унджык.

Толысь джын мысти мянөс шуисны петкөдны. Декабрь 1 лунө Осмуссаар вылысь Ханко выло мунис медводдза эшелон. Ди вылын коланы сөмын взрывникьяс старшой лейтенант В. Васерин да сержант Г. Вдовин команда улын. Найо взрываютисны ди вылысь стройбаясө да бөрынджык воисны Кронштадтө. Ме Осмуссаар ди вылысь петі медбөрьяяс лыдын гарнизонной штабкөд.

Ханкоысь (Гангутысь) ыджыд гарнизон Ленинградө Кронштадт пыр петкөдом сидз жө вөли ыджыд подвигон Балтийской флотлон, морякьяслон. Море заводитис нин дорсыны йион, товнас эськө базасө снабжайтны лоис сьокыд. Дай Ленинградлы колисны отсөг выло морякьясыс, артиллеристьясыс.

Уна боевой корабляс локтисны Ленинград дорө, кутисны пасьйыны фашистьяслысь позицияссө морской орудиеясысь. Уна тысяча моряк сувтисны карос дорйысыяс радьясө — морской пехота бригадаясө.

«Ми, балтийской морякьяс, сетам священной клятва: кырымьясысь оглэдзой оружие, кытчөдз типыкто мян сьолөм, видзөдоны синьяс — не пырлыны Ленинлон карө фашистской сволочьяслы!» — шуисны морякьяс, и портисны олөмө кывсө.

Эм приказ Ленинградской фронта войскалы, кони висьтавсьө: «Ленинградса фронтлон Военной Совет суетодис Гөрд знамя Балтийской флотлы мог — петкөдны Ханко полуостров вылысь гарнизон, коді виттолысь чөж тышкасис фашистской зверьяскөд.

Тайо ыджыд да кыв кутана могсө портөма олөмө. Көть противник өна зилис торкны да падмөдны, Ханко полуостров вылысь героической гарнизонсө балтийской морякьяс петкөдисны да вайисны рөдной му выло.

«Гангутса өртьяс! Тиян мужествоон, крепыдлунон да збойлунон гордитчө быд советской патриот. Тывыйо используйтей ассыныд ыджыд опынтө фронтлон выльучасток вылын Ленинлысь кар славной дорйысыяс радын!»

Миллион джын снарядьяс да минаяс шыбитисны Ханко да Осмуссаар дияс выло, но враг нинөм эз шедөд. Гангутса геройяс жө вочисны враглы төдчана урон: петкөдисны стройисы 5 тысяча сайо салдатос да офицерос, вөйтисны кык фашистской миноносец, сторожевой корабль, сө гөгөр посниджык суднояс. Враг воштис тани 53 самолөт да 7 береговой батарея.

Кронштадтын Осмуссаар дивывса морякьясысь котыртисны морской пехоталысь торья батальон. Командирон лои мян Е. К. Вержбицкий, штабса начальникон Г. Г. Кудрявцев. Менө индисны батальонса старшинаон. Но менө мөдөдисны Ленинградө помавны офицерской курсьяс, та вөсна батальонын вөли регыд. Всйналон медся сьокыд кадас мян

страна велодіс командиръясос. Война муніс сөмын на во джын, медся чорыд тышъясыс вөліны водзын на, колісны уна выль командиръяс.

Ог мөд тані висътавыны, кутшөм сьөкыд сэки вөлі олөмыс Ленинградын. Та йылысь и метөг уна гижисны, и өдвакө ме мыйкө висътала выльсө. Эз вөв кокни и миянлы — курсантъяслы. Ыджыд-ө сэки армейскөй нормаыд? Но ми велөдчим, дасътысим выль тышъяс кежлө. 1942 вося июль заводитчигөн курсъяс ме помалі, сетісны военно-морскөй флотса младшөй лейтенантлысь звание. Недыр служиті Кронштадтса крепостьлөн өти фортын, видзим крепостьсө, а сэсся бара веськалі морскөй пехота бригадаө, Колпино кар районө, артиллерийскөй дивизионө. Дивизионын вөліны 76 миллиметра пушкаяс. Бригада участвуйтис Ленинградса блокада ордөгөн 1943 вося январын 8-өд ГЭС районын да Марьино посёлок гөгөрын.

Ленинградөс блокадаысь мездөм вөсна тыш заводитчис январь 11 лунө. Некемын лун чөж тышъяс бөрын миян войска вуджисны Нева ю да өтлаасисны январь 18 лунө Волхов фронтса войскакөд. Радыс вөлі миян быдөнлөн ыджыдсьыс-ыджыд. Дырөн блокада лои ордөма.

Ленинград лолыштис кокниджыка: Ладога тылысь лунвыв берегсө лои мездөма, сэті пыр жө нюжөдісны автомобильнөй туй, кутісны вольсавны көрт туй. Карө кутісны воны нянь, сакар, мукөд прөдуктаяс.

Тайө тышъясас миян войска жугөдісны противниклысь квайт дивизия. Дерт, блокада ордөмыд абу на сійөс дзикөдз бырөдөм. Противник сулаліс лёка на матын, вермис лыйлыны весиг кар кузя, но лои туй, кыті позис вайны карса олысьяслы да салдатъяслы прөдуктаяс, мый сэтшөма виччысисны карса олысьяс.

Блокада ордөмын ыджыд пайыс и миян артиллеристъяслөн, кодъяс вөчисны ставсө, мый сөмын вермисны, мед лыйлыны противник кузя стөчджыка, пөдтыны налысь орудиеяссө.

Менам личнөй делөын кольөма сійө кадся чусалөм нин бумага лист.

Тайө — боевөй характеристика ме вылө, кодөс гижлөма миян ардивизионса командир майор Кокин 1943 вося январь 20 лунө.

Сэні висътавысьсө:

«Январь 11—17 лунъясө ардивизион жугөдіс фашистъяслысь 12 огневөй точка, 14 дзот, пөдтіс бисө 8 батареялысь, отсаліс пехоталы мунны водзө, босьтны противниклысь опорнөй пункт.

Тайө тышъясас дивизионлөн биөн веськөдлан взводса командир Пешкин өрт кужөмөн сувтөдіс разведка, бура веськөдліс дивизионлөн биөн, петкөдліс асьсө грамотнөй артиллерийскөй командирөн».

Меным донаөсь тайө кывъясыс: найө петкөдлөны и менсьым пай тайө зэв төдчана тышъясас.

1943 вося гожөм пуксигөн морскөй пехоталөн некемын бригада подув вылын лон котыртөма 124-өд стрелкөвөй дивизия. Менө сэтчө индісны первой штабнөй батареяса командирөс вежысьөн, а сөрөнджык 46-өд артполкын первой дивизионса штабын начальникөн. Жаль сөмын, меным регыд удайтчис лоны тайө дивизионас: гожөмнас, Синявиноса нюръяс гөгөрын тышъяс дырйи, ме сьөкыда ранитчи да веськалі госпитальө. Рана вөлі чужөмө да синмө. Көсйисны весиг дзикөдз босьтны шуйга синмөс, мед спаситны веськыдсө, но ме эг сөгласитчы. Надзөникөн веськыд синмыс лөнис, а шуйгаыс дзикөдз эз жө бурд — адзис омөлика, весиг өчки эз отсав.

Бурдөдчыны ковмис вель дыр. Сөмын 1943 во помын петі госпиталысь. Менө индісны огневөй взводса командирөн учебнөй артиллерийскөй частьө.

Колө шуны, батареяын кызвыннас вөліны 17—18 арөса Ленинградса том йөз. Омөликөсь блокада бөрад, вынтөмөсь да. Но кутшөм сьөлөмсяньыс тайө том йөзыс велөдчисны лоны бур артиллеристъясөн, виччысисны лун, кор кутасны лыйлыны фашистъяс кузя.

Миян орудиеяс вөліны 105 миллиметра трофейнөй гаубицаяс, и снарядъясыс трофейнөйяс жө. Фа-

Берлин вылө!

шистьяс вайлөмаось найос Ленинград кузя лыйлыны, ставсө абу уди-төмаось, быдса штабельясөн сюрө-маось миянлы. Оні сійө снаряжьяс-сө коліс лэдзны фашистьяс юр вылө.

Миян батареяяс сулалісны не-ылын карсяныс, та вөсна том ар-тиллеристьяс дінө волевлісны на-лөк бать-мамыс, ёна корисны:

— Найө од миян зэв на томось... Слабиникось, нинөм оз кужны вөч-ны. Велөдөй найос, пöжалуйста, батьяс моз, видзөй бурджыка...

Волысьяслы ми вочавидзлім, мый том йөзос некод оз обидит, но служ-ба эм служба. Дерт, сьөкыд вөлі том йөзлы велаптөгыд, но найө эз жалитны асьнысө, вөчисны ставсө, мый колө вөчны артиллеристьяс-лы.

Ленинградса фронт заводитчис лөсьөдчыны Ленинлысь кар враглөн блокадаысь дзикөдз мездігкежлө. Миян батареяяс сувтісны Пулков-сөй высотаяс дорө, дасьтісны ору-диеяс, снаряжьяс, огневөй позиция-яс. Удж вөлі уна, быд лун ковмис уджавны пөсь петтөдз.

1944 вося январь 15 лунө заво-дитчис медбөрья тыш Ленинградос мездөм вөсна. Со и час, кодос ми дыр виччым! Любө вөлі видзөдны, кызди радлісны миян том артилле-ристьяс! Быд залп бөрын найө гор-зісны: «Миян тшыгьялөм вөсна!», «Усьөм мамьяс да чой-вок вөсна!», «Гитлерлы капут!» Синьясыс быдөн-лөн өйөны, котралөны тэрыба. Кы-тысь сөмын выныс сы мында лои!

Сөветскөй артиллеристьяс вось-тісны сэтшөм би, кутшөмөс, гашкө, тані некор на эз восьтлыны. Коді пөдтас татшөм бисө? Некод.

Трофейнөй орудиеяс, снаряжьяс бырөм бөрын миянлы сетісны выль 122 миллиметраа отечественнөй гаубицаяс.

Дас лун муніс чорыд тыш. Январь 27 лунө Ленинградса фронтлөн Во-еннөй Сөвет юөртіс радио пыр Ле-нинградос фашистьяслөн блокада-ысь дзикөдз мездөм йылысь.

Воис и Ленинградса уличаяс вы-лө праздник! Ыджыд праздник быд семьяө, коді коліс ловйөн.

Казьтыштан оні ставсө тайос, чо-рыд тышьяссө, и думыштан: ок, сьө-кыд вөлөма салдатыдлөн туйыс Берлинөдзид. Сьөкыд и кузь. Эз на вөв матын и Победа лун, 1945 вося май 9-өд лун, кор Берлин шөрын кыптас Победалөн Знамя.

Фашистыд көть и бөрынтьчис Ленинград дорсьыд, но эз на пыш-йы сынисады, эз на көйы сетчыны, водзсасис став вынсьыс, көть и вы-ныс да збойлуныс эз нин вөв важ-кодьяс. Фашистскөй армияяс сув-тісны Псков да Остров карьяс дорө.

Помнита, өтчид гитлеровецьяс пе-тісны контратакаө. Миян пехоталы лои неуна бөрынтьчыны артилле-ристьяслөн позицияяс дорөдз. Миян-лы ковмис лыйлыны фашистьяслы веськыда «плешаныс»—«прямой на-водкой», кызди шуөны артилле-ристьяс. Уна фашистскөй танк сэки жугөдісны миян пушкаяс, уна фа-шист аддзисны аслыныс гу.

Сюрис и миян батареялы. Уси орудиеса командир комсомолец Ки-селев, радөвөй Попов. Попов куліс менам ки вылын. Ме сулалі бруст-вер вылын да командуйті батарея-өн. Ме дінө котөртіс Попов, кутіс горзыны меным, мед лэччи бруствер вылысь. Буретш сэки миянкөд орч-чөн взорвитчис снаряд, кодос лэдзис кысянькө фашистскөй танк. Попов, позьө шуны, видзис менө: топөдчис ме дінө. Снарядлөн осколок веська-ліс сылы, а менө сөмын кокниа ра-нитіс.

Вот тадзи овывлө бой дырйиыд.

Фашистьяслөн контратакаыс ни-нөм эз сет, налы бөр ковмис бө-рынтьчыны. Миян пехота петіс важ-пезицияяс вылө, муніс водзө.

Оз вунны некор Тарту кар вөсна сьөкыд тышьяс, Нарва- кар улын бойяс. Миян батареяяс вөліны 500—800 метр сайын фашистьяссян. Миян весьтын лэбалісны пуляяс, гө-гөр взрываютчисны снаряжьяс, а ми эг чинтылөй би, отсалім пехоталы мунны водзө—Рига карлань, Сө-ветскөй Латвиялысь столица мез-дыны.

Рига кар мездом бõрын регыд ме бара ранитчи. Шяуляйса госпитальын куйлигõн аддзиси õти коми тõдсакõд — Иван Васильевич Одинцовкõд. Ми казътывлим войнаõдзса уджалõм да олõм, бойясын ассыным участвуйтõм, кõть эськõ сёрнитны миянлы вõли сьõкыд: ми õд кыкнанным вõлим чорыд кантузияяс бõрын. Õни сийõ олõ Печораын.

Ми и õни, уна во мысти, паныдасылывлам Иван Васильевичкõд Сыктывкарын, кыкнанным õтвылысь радлам, мый олõм тайõ шуда лунъясõдзис. Миянлы пыр эм мый йылысь сёрнитны.

Õтчыд госпиталь õшиньясõд ме казяли ассыным артиллеристьясõс. Висьталисны: мунам пõ Варшавалань, мездыны полякьяслысь столица. Висьталисны сидз жõ, кõни кутасны пуксыны вагоньясõ. И кõть менам лечитчõм эз на помась, вõйыси врачьяслысь да мунõ госпитальысь, корси кõрт туй станция вылын ассыным батареяõс.

Поездьясõн муним Буг ю дорõдз. Ю саяс — фашистьяс. И бара ми отсалим пехоталы вõтлыны фашистьясõс ёна крепитõм оборонаысь.

Ме аддзыли, кызди маршал К. Рокоссовский аэростат вывсынь видзõдис миян артподготовка бõрся да сэсся веськõдлис Буг ю форсируйтõмõн. Ю сайõ вуджисны танкьяс, пехота. Ми аддзылим, кызди форсируйтис Буг ю да мунис Варшавалань польскõй дивизия.

Миянлы жõ индисны туй Пруссияõ, Гдыня да Кенигсберг вылõ.

Кенигсберг фашистьяс сидз жõ ёна крепитõмаõсь уна во чõж. Карын ыджыд гарнизон. Гитлер пõ сетõма приказ: быдõнõс, кодõ энотас ассыны позиция Кенигсберг дорйигõн, лыйлыны. Бойяс зэв чорыдõс. И век жõ фашистскõй генеральяс эз вермыны сувтõдны сõветскõй воиньясõс. Кенигсбергõ пырисны сõветскõй танкьяс, на бõрся и салдатьяс.

1945 вося мартын миянлысь артиллерийскõй бригада вуджõдисны Одер ю динõ, Кюстрин кар войладорõ. Одер ю саяс миян войскалõн вõли нин неыджыд плацдарм, кы-

сянь и лõсьõдчим наступайтны Берлин вылõ. Водзынджык ме висьталенин, кызди пансис Берлин вõсна тыш. Сэни ме участвуити кызди артиллерийскõй офицер. Ме тõдõ ассыным 7-õд батареяõс, ассыным артиллеристьясõс. Сьõкыдõсь вõлины тайõ тышьясыс Берлин карын. Фашистьяслы отсалисны уна судта гырысь керкаяс, бомбоубежищяяс пõшти быд керка улын, пõдвальяс. Но õд и миян вõли õти кõсийõм: пуктыны пом войналы, пасьвартны дзикõдз фашистьясõс асланыс позйын. И ещõ вõли быд салдатлõн õти дум: эк, кутны эськõ асьсõ Гитлерсõ ловйõн! Нинõм соссыны, тайõ думыс вõли быд сõветскõй салдатлõн!

Апрель 26 лунõ Александрплац площадь динын матын фашистьяс мян батареялань лэдзисны фаустпатрон. Жугõдисны õти орудие, сьõкыда ранитисны менõ.

Тадзи помасис меным война. Садьõ вои эвакогоспитальын, сэсянь нуисны Познаньõ. Та вõсна Берлинн бõрья луньясся тышьясас ме эг вõв, но бõрынджык тõдмалõ: миян батарея тышкасьõма бõрья лунõдзис, кытчõдз рейхстаг вылын эз мõд дõлавны Победалõн Гõрд Знамя!

Бурдõм мысти корси ассыным бригада, кодõ сулалис Шверин карын. Декабрь тõлысын демобилизуйтисны, вои Сыктывкарõ.

Коли бõрõ 35 во Великõй Отечественнõй война помасьõмсянь. Уна õн усины бой поляс вылын. Торьялим и ми 38-õд Ленинградскõй артиллерийскõй бригадаысь 7-õд батареяса артиллеристьяс. Но салдатскõй дружбаыд ён, сийõс крепитõма вирõн, и тайõ дружбаыс оз вермы кусны некор. Ми гижасям õта-мõдкõд, июнь тõлысын пõшти быд во аддзысьлам Ленинградын Центральнõй военно-морскõй музейын асланьм частьяслõн знамяяс дорын. Ленинградса вõвлõм том артиллеристьяс быдõн удитõмаõсь велõдчыны, босьтны колана мирнõй профессия. Воывлõ встречаяс вылõ и миян батареяса командирным — Леонид Кснонович Патрикеев, кодõ олõ Чу-

вашияын да уджалö среднёй шко-
лаын директорöн.

Гангутса ветеранъяслöн совет
корсис ловйöн кольöм ёртъясöс,
кодъяс вöлины и Осмуссаар дi вы-
лын. Этшаöнöсь ми сэтшöмъясыс,
но ветлывлам и öнi нейджыд дi вы-
лö, братскöй гу дiнö, кöнi куйлöны
миян дона ёртъясным. Таллин карын
öти уличалы сетöма «Осмуссаар-
ская» ним. Балтикаын ветлöдлö «Ос-
муссаар» теплоход. Эстонияса Ха-
апсауаса карын öти площадьлы се-
тöма «Непокоренный гарнизон Ос-
муссаара» ним, сэтчöсса музей
паськыда петкöдлö дивывса гарни-
зонлысь кувлытöм подвигсö.

Ме некымын во гижася Хаапса-
уаса среднёй школаса пионеръяс-
лöн öти отрядкöд. Эстонияса пио-
неръяс быд праздник лунö менö чо-

лöмалöны пöся, сиöны кузь нэм да
бур шуд.

Ленинградса 224-öд номера шко-
лаын Гангутса ветеранъяс отсöгöн
котыртöма Гангутскöй музей. Сэни
эм и Осмуссаар дiлы сиöм пельöс.

«Кольöны дас вояс, нэмъяс, а му-
шар вылын некор оз вунöдны, кы-
дзи повтöмъяслöн нейджыд котыр,
сöветскöй мулöн патриотъяс, победа
ним кузя смертысь повтöг, петкöд-
лисны некор вöвлытöм пример отва-
галысь да героизмлысь. Ыджыд-
сьыс-ыджыд честь да куслытöм сла-
ва Тiянлы, Ханкоса геройяс!»— та-
дзи гижлис «Правда» газет 1941 вося
ноябрь 13 лунö.

Öнi ми вермам шуны: тайö
кь:въясыс вынаöсь и талун. Гангут-
са геройяслöн подвигыс пырис кы-
дзи мича лист бок Великöй Отече-
ственнöй войналöн историяö.

Василий Елькинлы

*О, шуда му!..
Тэ — Рөдинай менам.*

Мед бара войыс кодзулөн оз гыб,
И весиг югөртөйөн
Кымөрыс оз писътлы.
Но ыджыд сьөлөмъяслөн
Унджык өзйысь лыд,
Кыз сийө кодзувъяс
Оз көдзыд югөр кисътны.

Эз сөмын кывбуръясын
Радейтөмыд ту.
Кор сьөкыд кадыс
Воліс пемыд руйн!

Поэт! Тэ славитін
И дорйин чужан му,
А өні асьтө видзө
Аслад чужан муыд.

Мед гу вылын салдатскөй обелиск,
Но сийө прөстлунөн
Көть мраморнөйөс венас...
И тайө сьөлөм сетөм
Кызди вечнөй би:
— О, шуда му! Тэ — Рөдинай менам.

Ас войтырлы

О, төдса войтырөй!
Ме тиянкөд быд лун,
Быд паныдасьліг вочаасьла киөн.
И менам нюмъялігтыр чолөмыс оз вун,
А ті став бурсө воча меным сияд.

Ме аслам сиктын абу на өд гөсть,
Ме аслам сикткөд өти олөм ола.
И воча ки пыдөслөн, ёртасьөмлөн пөсь
Зэв ыджыд шоныдөн пыр сьөлөм динө волө.

А шонді югыдтөгыс косьмө пулөн кор,
И өтка тури абу ылө лэбысь...
О, төдса войтырөй,— эм өти сиөмтор,—
Быд лунъя аддзысьлігөн нюмнытө эн дзебөй.

Эн дзебөй княстө — и сийө шуд оз быр,
Кор юрси эзысьмө, но сьөлөмөй оз пужъяв...
...Кык орчча пулөн сулалөмыс дыр,
Кор найө өта-мөдө йитсьөмаөсь вужнас!

Бипур дорын

Бипур дорын кылөны гитараяс,
Рытъя парма кывзө налысь гор.
Бипур дорын йөзыс абу варовөсь,
Медым мыла сыланкыв оз ор.

Лантö тöдса раскын олысь йöлöга,
Лöня кышакылö пипу кор.
Мыйкö аслыс, мыйкö быдөн сьöлöмас
Сьыланыскöд аддзö йитантор.

Ыджыд карлысь биа юöд катöмсö,
Саридз весьтысь каляяслысь зык.
Сöмын йöзыс — мыйла найö татөнöсь
Парма шöрын колльöдöны рыт.

Кутшöм вын нö нуö найöс му гөгөр,
Кытысь лои татшöм сяма мог —
Вөрьяс югзьöдны выль ордымьяслөн югөрөн,
Садьмöм му мед дзордзалас выль ног.

Войтырыслы олём бара гаралö:
Та вылö и чужö овны морт...
Бипур дорын кылöны гитараяс,
Рытъя парма кывзö мыла гор.

Тöдса ныв

Бара февраль,
Бара дурöны турöбьяс,
Лэчыд тöv восьтö мунысьлы сыв.
Тöдса öшиньын ворсöны Шубертöс,
Гашкö, ворсö
И тöдса мем ныв.

Сöмын öшиньыс
Югөрөн сöдзöдö,
Мыла шыясас мыйта пöсьлун!
Мыйла ме,
Мыйла ме рытъя кöдзыдас
Тані сулала, гортлань ог мун?

Öд и збыльысь —
И думайтны нинöмла.
Тöда: сэн сийöс кывзысьыс мöд...
...Сийö нылыскöд вочаа синмасьлём
Ме да рыт,—
Сэсся некод оз тöд.

Вок шынельён

Ме косья тані висътавны кык войнаса ветеран, инженер-капитан Владимир Семенович Русанов йылысь...

Владимир Русанов чужліс-быдмис Маджа сиктын, коді джыджвидзё Эжва веськыд берегын, джуджыд керёс йылын. Найёс нэмсё нимтылісны «Маджаса рок сёйысьясён». Мыйла? Та йылысь висъталё оти народной легенда.

...Важён, зэв нин важён Маджаны овлёма Юрка. Сійё вёлёма, позьё шуны, Яг-морт да Кёрт-айкасяма. Лёкысь кындзи, бурсё йёзлы нинём абу вёчлёма, век налы ёна пакёститчылёма. Сійё вёлём зэв горш яй вылё. Ветлас вөрё да лов петтёдзыс мыйкё кыскё-вайё пестер тырыс:

— Юрка, мый ваян?

— Тшаки-гоби! — вочавидзё Юрка, а збылысьсё пестер тырыс яй: гусьён начкалё пёскотинаяс вылын крестьяналысь ыжъяс да куканьяс.

Дырён-регыдён маджасаяс скёрмасны Юрка вылё пакёститчёмсыйс. И шуасны мынтёдчыны сыысь. Оти лунё Юркаёс кутасны, лэччодасны Маджа сикт горулын оти ты дорё, кёрталасны сы бердё зэв сьёкыд из, кыскасны пыжё, петкёдасны ты шорас да и вёйтасны сэтчё.

Юрка кыкысь кыпёдчылас ва веркёсас да горёдас:

— Мына кё изйысь — ставнытё ульён сёя!

Но коймёдысь кыпёдчывны оз нин вермы.

Маджасаяс та бёрын сэні жё пуасны ыджыд пёртйын рок да ставныс радпырысь нурьясясны. Сійё кадсянь Маджа горувса ты шушьё Юрка тыён, а маджасаясёс кутісны нимтыны рок сёйысьясён.

Маджасаяс, кыдзи и став коми йёс, олісны пемыд войын моз, а та вёсна эскылісны и енлы, и легенда-

яслы. Русановъяс семьяын быдмисны кёкъямыс чоя-вока. Ставён ичотсянь велалісны уджё. Тёдісны, кутшём сьёкыда тыласянь либё пашнясянь йёртёдёз воліс сю пудовня. Челядь асьныс ичотсянь ытшкисны, куртісны, юр кыскалісны, медым скётлы төв кежлё заптыны кёрым. Абу кё кёрым, эн виччысь йёв. Он кё вёдит шабді, лоан пасьтём. Оз асьныс воны кёбрегё пув ни сола тшак. Морттуй кё абу, оз ошйыны тув йылё кузов ни наберушка. Татцёмторьяссё сиктса олёмын водзысянь кутіс төдны и Владимир Русанов.

Кор лои революция, шонді югөръяс кутісны писькёдчыны ылі коми сиктыясё. Русановъяс семьяысь медыджыд пиыс — Василий — пыр жё лои Сёветской власть дорйысьён. Сійё добровольно мунё гражданской война вылё, пасьталё сэні руд салдатской шынель да босьтё киас трехлинейной винтовка. Но эз ло шуда судьбаыс сиктса зонлён. Василий Русанов героическёя пёгибнитіс Коми муын, Удораын, белогвардеецьяслы паныд тышын. Василий Русанов усьём йылысь шог юр семьяас воис 1919 во заводитчигён. Геройлысь колясьясё вайисны дзёбны рёдной сиктас. Уналён сёлёмас чужис помтём лёглун белогвардеецьяс дорё, кодьяс ен да царь нимён дорйисны озырьяёс.

Сэки ичотджык вокыс — Владимир — шуис асьыс чорыд кыв:

— Ме муна доброволечён Красной Армияё, босьта водзёс менам дона вок вёсна!

Владимир Русановлы муртса на тырис 19 арёс, сійё пасьталіс ыджыд вокыслысь руд шынельсё, прёщайтчис мам-батыскёд, ичотджык чой-вокыскёд да муніс служитны Красной Армияё.

— Вёлі 1919 вося кёдзыд төв. Но войналысь грымакылём кёдзыдьяс эз ланьтёдны, — казтылё Владимир Семенович. — Коми муысь уджалысь йёз, кодьясёс вёлі кытшалёмаёс белогвардеецьяс, тышкасисны враглы паныд. Тайё тышъяснас веськёд-

ліс Пинега-Печорскöй крайса войскаяслөн штаб. Тайö штаблөн командование улын вöлі куйм полк: Вашко-Мезенскöй, Ижмо-Печорскöй да Кай-Чердынскöй. Штабыс вöлі Усть-Сысоьльскын.

1919 вося арын став полкъяс лои вуджөдöма Войвыв фронт вылө, Красноборск районö. Тані боец Русанов веськаліс, переформировка бöрын, 54-өд стрелковöй дивизияö, коді 1920 во заводитчигөн тшöтш босьтис Архангельск.

Та бöрын том красноармеец Русанов, зептас комсомольскöй билетанин, восьлаліс кузь война туй. Сій вöлі Карелияын, Польшаын, Асывыв Пруссияын, Кубаньын да помаліс гражданскöй войнасö Закавказьеын. Уна быдяматорийыс вöлі сыкөд.

— Ми матыстчим Варшава бердö да кöсйим кытшавны сійс войвывладортыс, — казтылө Владимир

Семенович. — Но белополякъяс вичысьöмаөсь Краснöй Армияс. Найö чукөртöмны ыджыд вын да, англо-французъяс отсöгөн, торйөдисны мянлысь частьясö, кöсйисны босьтны кытшö. Пленö, дерт, сетчыны ми эгö кöсйöй, и быть лои бöрыньтчыны Асывыв Пруссияö. Бöрыньтчим квайт сутки чöж пöшти узьтөг да тшыгөн. Та бöрын мянлысь 54 стрелковöй дивизияс йитисны 18 стрелковöй дивизиякөд. Тайö дивизияын ми воим Кубаньö, а сэсья судьба мянөс шыбитис Закавказьеö, Азербайджанö — страналөн медся лунвыв районъясö.

Владимир Семенович кузь война туйсö прöйдитис эз сöмын винтовкаöй да салдатскöй нопйөн, но и пыр вöлі сьöрас ичөтик музыкальнöй инструмент, кодлөн нимыс корнет. Боец и музыкант! Татшöмнас Владимир Русанов лои пыр жö, мыйөн веськалі Войвыв фронт вылө, кöні



Кай-Чердынскöй полкса музыкантъяс.

Сулалöны (шуйгавывсянь): В. Петроканский, В. Амосов, Медведков, П. Шаламов, Н. Михеев, Н. Шаламов, Е. Тентюков.

Пукалöны: Б. Фадеев, П. Уродов, Н. Обросов, А. Доронин, Н. Забоев, В. Русанов, А. Токмаков, В. Едский, Н. Петроканский, П. Попов, А. Суханов.

Пукалöны джоджас: Тарабукин, И. Забоев.

котыртчис музыка гөгөрвоысь да радейтысь боецъяслөн группа. Бойяс дырйи — кыын винтовка, а шойчигъясөн — ворсö духовой оркестр: корнет, баритон да басовой труба. Бсецьяс пöвстын музыка радейтысьяс вöлины унаойн. Ворслисны медсясö кыпыд маршьяс. Музыка век гажöдлi: боецьясöс, кыпöдлiс ловнысö. Русанов эз торйöдчыв аслас корнет-трубакöд война чöж да весиг демобилизуйтчöм бöрас вайис сийöс гортас. Корнетлөн гөлöсыс и öнi на сэтшöм, кутшöм вöли квайтымын во сайын.

— Некор оз вун менам татшöм-тор.— казтылö Владимир Семенович:— Кор ми вöлим нин Азербайджанын, миянлысь оркестрöс нем виччысьтöг вайöдисны көрт туй вокзалö, медым кыпыд музыкаөн колльöдны турецкой делегацияöс, кодöс Турциясянь ыстöма государствоса главаыс Москваö, Ленин дорö. Кор поезд кутiс матыстчыны Гянджа көрт туй станция дорö, зэв кыпыда заводитiм ворсны советской марш. Поезд надзмöдiс öдсö, а сэсся сувтiс. Шöр вагонысь петiс турецкой делегацияса главаыс да вокзал водзас лöсьöдöм нейджыд постамент вывсянь висьталiс дженъыдик речь. Азербайджанецъяслөн ыджыд группа, кодьяс тшöтш вöлины танi, буракö, гөгөрвоисны турецкой кыв вылын сёрнисö да пöся аплодируйтiсны выступайтысьлы.

Поезд пыр жö вöрзис да заводитiс надзöник ылысмыны станцияысь, и сы бöрся выльысь юрöбтiс миян оркестрлөн горыс.

Армияысь Владимир Семенович демобилизуйтчис 1922 вося гожöмын. Öнi сийö вöли нин тырвийö верстыö мортөн. Гортö воигөн вокыслөн шынель пыдди, кодөн сийö осьлалис ыли войвывсянь уна фронт пыр да вонс Кавказöдз, сылы сетiсны матросской бушлат.

— Шуа ме налы,— казтылö Русанов,— мися, зэв дона меным тайö шынельыс, война чöжыс шонтiс и видзис менö...

— Приказ — эм приказ! Шынельяс ковмасны выль воём йöзлы,— шлопнитiс армянин-каптенармус.

— Да тайö жö шынельыс ыджыд

воклөн, кодi уси ыли войвылын белогвардеецьяскöд тышын. Тайö вок йылысь память — гөгөрвоан!?

— Воклөн көть батльөн, приказ — эм приказ!— дöзмис мöдыс, кодкöд Русанов вöли бура тöдса. Дöзмис сы вöсна, мый быд демобилизуйтчысь корис ассыс шынельсö.— Мунöй полковой командир дорö — корöй сылысь, мед вежас приказсö!

Но шынель корны гырысь командирьяс дорö, дерт, некод эз мун.

Тшыгыялöм да дурка олöм чужтiсны йöз пöвстын эпидемической висьöмьяс. На пöвстын медся страшнойөн вöли тиф. Гортас локтiгөн кузь туйын көвьясис сийö и Русановлы.

— ...Кöни ме?— öти асылö ас садяс воём бöрын Русановлөн лöз вом дсрьясыс шöпнитiсны муртса кывмөн шыяс.

— Гортад, муса пиöй! Рöднöй гортад!— сы чужöм бердын шöпкис мелi нывбаба. Русанов куйлис пу крöвать вылын, ыджыд пач дорын, а керкаас онялис шоньд сынöд. Сы дорын пукалис шог чужöма мамыс, кодi дас коймöд сутки чöж нин пöшти эз вешйыв садьтöг куйлысь пи дорсыс.

— Володя, тайö ме, мамыд тэнад! Тöдiн эн нин сэсся?

Красноармеец Русанов вуджис медбöрья вöлök — катiс пароход вылын Усть-Сы сольск карсянь аслас чужан сиктö — Маджаö, паныдасис сэнi ас сиктсаяскöд. Накöд кыпыда да гажаа сёрнитöм пыдди, сийö друг кутiс бледмыны, став туша-рожанас тiрзыны да сэсся воштiс паметьсö. Кор пароход сувтiс Маджаса пристаньö — Эжвалөн джуджыд берег дорö, матросской бушлата красноармеецöс тöдсаяс петкöдiсны ки выланыс, а сэсся корисны гортсыс вöла-телега, и Русанов вонс гортас...

Дас кум сутки чöж садяс вольтöг том морт тышкасис сьöкыд висьöмкöд. Кок йывсыс усьтöдз зiлис-старайтчис Марья тьötка ассыс дона писö спаситöм вöсна. Кутшöм сöмын турун ваясөн эз юктав, но пиис син водзас косьмис и косьмис. Медбöрын мам шуис, мед жö пиислөн лолыс райö веськалас... Садьтöг куй-

И налон сьылан юргö-кыло


КОМИ ГИЖЫСЬЯС, КОДЪЯС УСИНЫ РОДИНА ВОСНА
ФАШИСТЪЯСКÖД КОСЬЯСЫН.




Василий Иванович Елькин
(Иван Вась).



Ананий Прокопьевич Размыслов.



Владимир Павлович Латкин.



Иван Николаевич Симаков
(Сим Вань).



Иван Александрович Осипов
(Иван Вокан).



Александр Григорьевич Габов
(Гриш Сам).



Иван Гаврилович Подоров
(Гаврил Иван).



Михаил Иванович Шестаков
(Мивашков).



Яков Иванович Чупров
(Биа Огыр).



Иван Павлович Титов
(Тит Паш Вань).

Фотоысы И. А. Куратовлөн литературно-мемориальной музей фондъясысь.

лысь пи дорас весиг корис попос, медым ен проститас став вовлом грекьяссө...

Но Русановлон том организмыс, мед коть и Яков поп сылы восьтиснин рай одзос,— эз сетчы съокыд висьомлы. Тиф эз вермы ородны сылысь том олөмсө.

Владимир Русанов мирной олөмпуксьом бөрын кутис зия озырмодны ассыс төдөмлунъяссө: сийө велөдчө очнөя и заочнөя. 1930 воын ло инженер-геодезистон. Көни сөмын сэсса Русанов эз уджавлы! А сэк жө пыр велөдчис заочнөя водзө, коммунальной строительство кузя Московскöй институтын.

Великöй Отечественнöй война пансьом бөрын Русановос босьтöны Советскöй Армия радьясө. Вьскало Великöй Устюг карө, и сэни пыр жө аддзисны удж сылөн специальность сертиыс: война чөж сийө дасьтис командирьясөс, велөдис военнöй училищеясын топография. Владимир Семенович воис армияысь 1946 воын инженер-капитан званиеөн.

...Владимир Семенович кадысь кадө киас босьтлө аслас альбомысь öти фотография, кодос видзө кыдзи меддонатор. Тайö группөвöй фотоснимокыс, кодос вөчөма гражданскöй война кадө войвыв фронт вылын, ылө бөрө кольөм вояс йылысь память. Снимок вылын военнöй паськөма комын сайө морт — томиник красноармеецьяс.

— Тані унаөн мекөд тшөтшья землякьяс, комияс,— индалө важмөм нин фото вылысь Владимир Семенович.— Со Петр Уродов, Николай Михеев, Владимир Попов, Николай Осипов, Афанасий Доронин, Иван Юркин. Ме ставнысө найөс төдлі и комынөд воясө. И сөрөнджык. Петр Васильевич Уродов да Николай Афанасьевич Михеев вөлины ас кадө облоноса заведующöйясөн, Владимир Васильевич Попов местнöй промышленностьса министрөн. Но снимок вылын найө зэв на нэриник том мортьяс. Уна сө сюрс татшөм «нэриникьясыс» решайтисны

Сөветскöй власть первой воясө Октябрьлысь судьбасө.

...Владимир Семенович и талун на олө тыр-бур олөмөн, кутө йитөдьяс том поколениекөд. Советскöй Армиялөн да Военно-Морскöй Флотлөн праздник лунө, кодос пасйисны Республиканскöй театрын, Владимир Семенович тшөтш вөлі почетнöй гөстьөн.

Залын пукалөны местнöй гарнизонысь том салдатьяс да офицерьяс, Великöй Отечественнöй войнаса ветераньяс. Сцена вылө öти бөрся мөд кыпөдчөны вөвлөм пехотинецьяс, артиллеристьяс, танкистьяс, пулеметчикьяс, лётчикьяс. Найө казтылөны ассыныс боевöй туйсө.

Сцена шөрө петө офицерскöй паськөма конференсье да юөртө:

— Кык войनावывса ветеран Владимир Семенович Русанов!

Зал чөв ланьтис. Сцена вылө кыпөдчис шөркодь тушаа, шочиник еджыд юрсна, олөма морт. Тайö — Русанов.

Ас олөмас Владимир Семенович паныдасьліс уна йөзкөд, унаысь выступайтліс йөз водзын, и век жө öни волнуйтчис, шөйөвошис и оз вермы шуны ни öти кыв.

Сэки сцена сайысь воисны Русанов дорө да сетисны киас кык вьсэт кузьята музыкальнöй труба — корнет, кодос Владимир Семенович фронт вылысь коркө вайліс гортас. Ичөтик музыкальнöй инструмент важ моз на бура кывзысис ассыс көзяинсө. Ветеран матыстис мундштуксө вом дорас, чуньяссө пуктис лапөдьяс вылө... «Кутшөм мелодия ворсыштны?» — вирдыштис юрас. И сэк жө «Прощание славянки» маршлөн торжественнöй, мелі да нежнöй шыяс лэбисны залын пукалысьяс вьсэтті. А оркестр, коді пукаліс авансцена водзын, быттө тайө маршлысь мотивьяссө и виччысьөма. Залын кутис юргыны музыка, коді гажөдліс сьөлөмьяссө красноармеецьясысь гражданскöй война воясө на.

И зал пөся, дыр аплодируйтис кык войनावывса ветеранлы.


СЫЛЫ ВӨЛІ КЫЗЬ АРОС

Во-мөд сайын, И. А. Куратовлөн музейын уджалыгөн, ме заводити видлавны 1940 вося «Ударник» журналъяс. И нем виччысьтөг, коймөд номерын менам син водзө сюрис татшөм гижөд: «Н. Самарин. Мед олас мудрой Сталин (стих). Ульянов, сельхозтехникум». Да өд тайө менам вок, код йылысь ме зэв частө кывльвлі аслам батьсянь! Водзө кути листавны журналъяссө: со сизимөд номерын Н. Самаринлөн «Рөдина» кывбур. Сэсся көкъямысөд да өкмысөд номеръясын тайө жө воас «Сыланкыв» кывбур. Помасьоны Николай Самаринлөн гижөдъясыс 1941 вося первой да витөд номеръясын челядлы кывбуръясөн.

Ме шуи — помасьоны. Да, Великөй Отечественнөй война ородіс том оломсө и менам воклысь. 1942 воын сийө муніс фронт вылө, служитіс 112 артиллерийскөй полкын сержант званиеын. Но 1944 вося февраль 14-өд лунө кувсис сьөкыда ранитчөм бөрын, и дзебөма сийөс Калининскөй областьса Новосоколинскөй районын Похомово деревнясянь неылын. Сэки вөлі сылы сөмын на кызь арос.

Меным окота лои гижыштны аслам вок йылысь, кодөс ме, дерт, эг төдыв (чужи ме сылөн усьөм бөрын нин), но коді пунктіс ассьыс том оломсө мян шуд вөсна.

Чужліс Н. С. Самарин ыджыд да гажа Керчомья сиктын, Куломдін районын, 1923 вося май 18-өд лунө. Велөдчис школаын, гожьомъясын уджаліс колхозын. Бать казътывлө, мый вок



өна радейтліс ноксыны колхознөй вөвъяскөд, бура ворсліс гудөкөн, а бөрынджык — баянөн.

Керчомьяын школа-семилетка помалөм бөрын вок велөдчис Ульяновоса сельхозтехникумын. Тани первой курсын велөдчигөн сийө вөлі комсоргөн, мөд курсын — нуөдіс литературнөй кружок. Но Николай Самарин өна көсийс пырны велөдчыны Сыктывкарса пединститутө, и нелямынөд вося сентябрын сдаиталө сэтчө экзаменъяс, лоө литературнөй факультетса студентөн.

Но, кор пансис война, кор став сөветскөй йөз сувтисны дорйыны ассьыным Рөдинаөс, Николай эз вермы пукавны да велөдчыны. И 1941 вося октябрь 25-өд лунө сийө мунө институтысь, и мөдөдчө подөн Керчомьяөдз. Октябрь 26-өд лунө, Важкуръя прөйдитөм бөрын, сийө паныдасис батъыскөд, коді мунө вөлі ас сиктсаясыскөд фронт вылө. Тайө адзысьломыс ая-пиалөн вөлі медбөръя.

Коймөд лунас вок воөма

Вомынөдз да пырөма шойчыштны «Ён вын» колхозса председатель ордө. Көзяиныс абу вөлөма гортас, но көзьяйкаыс бура примитөма туй мортөс, вердөма-юкталөма. Челядыс көзьяйкаыслөн вөлөма уна и вок колөма сылы куим метра сатин, кодөс босьтлөма карысь. И вот меным окота төдмавны, гашкө, вомынсаяс помнитөны асланыс колхозысь сэкса предсө; вермас лоны, мый ловъя на и сийө шань көзьяйкаыс, колхозса предлөн гөтырыс, да и челядь пиысь кодкө, гашкө, казътыштасны сийө том мортөс, коді шыөдчис бур вылө бурөн.

Ставсө тайөс ме төдмалі важник записнөй книжкаысь, кытчө Николай Самарин гижавлөма кывбуръяс, некымын пародия, частушкаыс да Сыктывкарсянь Керчомьяөдз ассьыс подөн кайөмсө. Тайө важник записнөй книжкасө меным сідз жө сетіс бать, Самарин Степан Семенович.

И ещө өбитор, зэв донатор видзөма бать 36 во чөж. Тайө пиыслысь фронт вывсаянь медбөръя письмө, кодөс сийө гижлөма 1943 вося декабрь 25-өд лунө. Тайө — бать письмө вылө воча кыв.

Бать воюитіс Волховскөй фронт вылын, отдельнөй истребительнөй противотанковөй дивизионнын орудиеса командирөн, вөлі дивизионнын партбюроса секретарөн. Но 1943 вося август 21-өд лунө сьөкыда ранитчис юрас. Свердловскын операция вөчөм бөрын, неуна бурдыштөм бөрын, сийө гижө пиыслы госпитальсянь письмө. И со, воксянь

воё օтвет, кօні эмօсь та-
тшօм кывъяс: «...ме кута
повтօг тышкасьны фашист-
скօй зверьяскօд. Ме мын-
тыся налы тօнад ранаысь,
сօветскօй йօзлы став лօк
вօчօмысь...»

Тайօ пискмօас казтылօ
и асьыс вокьяссօ, тօжды-
сьօ на понда. А вокьяс быд-
мисны, велօдчисны, лоины
бур йօзօн, быдтօны асьы-
ныс челядь и некօр оз ву-
нօдны врагьяскօд тышын
усьօм ыджыд воксօ. Тані
жօ сійօ гижօ, мый мօдысь
нин индїсны наградитны
Слава орденօн, но тօлысьօн
джынйօн мысти сьօкыд ра-
наясысь кувсьօ и օнօдз ста-
выс кольօ помօдз тօдмав-
тօг. Но ме эска, мый бур
йօз օтсօгօн ме унатор на
тօдмала вок йылысь.

Да, ёна радейтлօма олօм-
сօ комсомолец Николай Са-

марин. Бօр кօсйылօма воны
война вылысь гортас. Сօ сї-
йօ кыдзи шыдчօ мамыс
дїнօ:

Муса мам, тօ ме вօсна
эн шогсыы,

Курыд синва сыргьяліг
эн кискт.

Эн шу сїдз, мый, пиук,
тօнад локсис,—

Пуля менам кучик пыр
оз письт.

Уна во коли сійօ кадся-
ныы, кор Николай Степа-
нович Самарин велօдчис
Ульяновоса сельхозтехни-
кумын, а сօссия мыйкօ мын-
да и учительскօй институ-
тын. И меным зօв օкота
тօдмавны, гашкօ, сјурасны
сїйօ йօзыс, кодьяскօд вок
велօдчыліс, помнитօны сї-
йօс и вермасны унджык
висктавны меным да менам
чօй-воклы сы йылысь. Ку-

там виччысьны юօртօмьяс-
сօ «Войвыв кодзув» жур-
наллօн редакция.

Улынджык сетап Нико-
лай Самаринлօн блокнотысь
օти кывбур.

Настялы

Югыд шондї моз,
Зарни ныланօй,
Меным мыччысьлін.
Рытъя кыа моз
Менам син водзысь
Кусін, саялін.
Кօдзыд асылօ
Сьօлօм дінсьым тай
Жбыргин кытчօкօ...
Эн мօй думыштлы,
Сօкօл-птицаօй,
Асья кօдзыдсօ?
Эн мօй думыштлы
Менсьым, ныланօй,
Шогсօ-печальсօ?..

КВАЙТ ОКТАВА

Тулыс оз шыблась кывйӧн

Бара сьӧлӧмӧ таркӧдчӧ муслун,
Кыззи том дырийи коркӧ.
Ӧнӧдз, тыдалӧ, биыс оз куслы,
Ӧнъя думӧс кӧ торкӧ.
Оз сет пуксьыны важ вылас буслы,
Мый нӧ ачым и дзор кӧ:
Тулыс, мукӧд моз, оз шыблась кывйӧн,—
Босьтӧ быдӧнӧс ас вына сывйӧ.

Кымын водзӧ...

Йи улӧ кор бара пырӧ юыс,
Шуштӧмкодъ сӧк овлӧ ывла сер.
Но и сӧк оз бырлы эскӧм руыс —
Лунысь-лун пыр матын тувсов зэр.
Кор нин ытва йисӧ жуглӧг нуас
Саридзлань — он воча нинӧм кер...
Но и сӧк нин юыс тӧдӧ, чӧв:
Кымын водзӧ — сымын матын тӧв.

Му шар пасьта жвучкӧ тӧлыс...

Кытчӧдз, ӧртъяс, вӧрыс-ваыс олӧ,
Тӧв ныр улын чӧв овны оз кут:
Ывлаыслӧн музыка шы колӧ
Сидз, кызд колӧ праздникса салют.
Вынйӧрнас мед сийӧ пырӧ лолӧ,—
Лов вылын сӧк оз ло сэтшӧм руд.
Му шар пасьта, чайтан, жвучкӧ тӧлыс —
Весиг ачым ассьым ог кыв гӧлӧс!

Биыс, кодӧ сотӧ ӧнӧ менӧ...

Мый ӧнӧ колӧ мен, кор ланьтӧдчис и карыс?
И мыйла ӧзйӧдча да корся ӧсьджык кыв?
То дзорга ывлаӧ, кызд войся варыш,
То чорзӧдла ас скӧрлунӧйла сыв.
Ог ас понда ӧд ӧзйӧдчӧмсӧ гарышт.
Но кӧсийӧ меын лыбысь сыланкыв,
Мед биыс, кодӧ сотӧ ӧнӧ менӧ,
Став бурсӧ кыпӧдӧ, а лексӧ венӧ.

Майшасьны ог дугды

Югдысь бвла моз сёлөмө надея пырö —
Талун рытөдз нин ньöти шог юөр ог кыв,
Шудөн, код вöсна нэмъяс чöж вермасям,
тырö
Веськыд йöзыслы веськөдөм
выль сьыланкыв...
Он на босът! Ловтö кодлыкö пемдöдны
дыр-ö?
Сэтшөм рöдыс на таялялö тшöтш
Му шар выв!
И ме, тыдалö, майшасьны сэтчöдз
ог дугды,
Кытчöдз му вылас гөгөрбок
дзыкөдз оз югды.

Асья кыалы

Век тэ син водзам ло, асья кыа —
Йöз кост лачалөн шевгөдөм борд.
Весиг шпоркнитөм шы тэысь кыла,
Сыысь сёлөмнас вынсялö морт.
Төв ни ру, а веж парманым — гыа:
Водзö долымдөд сийöс, кызд ёрт.
Век тэ ас кадö, кыаöй, пет.
Сэктö збыльысь ме лола поэт.

И налон сылан юрго-кыло

Миян журналын йозодом дас коми писательлон снимонъясыс бара тод выло усь-кодоны сийо воштөгъяссо, кодъясос вайис кольом война тшотш и гижысыяс котырлы. Коми мунымлон быд пельосысы воалисны-сибодчалисны литературао йоз, кодъяс зилисны шуны ашдор кыв, панисны быдон ас шыа-гора сылан. Тайо зильомсо-озйодчомсо торнис гитлеровецъяслон лекысы уськодчомыс. Комын гогор коми гижысы дорйисны Советской Родинанымос фашистыясыс. Эз ставныслы усь шуд бор локны гортаныс.

«Шуд йылысы сылом» — тадзи нимтис ассыс медводдза книгасо Василий Елькин (1939 воо петис). Том коми поэт пося, гораа нимодис чужан мусо, ыдждодлис выль геройясос, ошкис шуд всна косясысы войтырос. «Шуд всна» — буретш тадзи и шусис Василий Елькинлон поэмаис, кодос гижысысы сиис гражданской война темалы. Поэт усис 1942 вося мартын Волховской фронт вылын, орис шуд йылысы сыломыс поэтлон, кодлы эз на тыр и 30 арос. «О, шуда му! Тэ Родинаой менам!» — лов тырнас шулис поэт. Шуда муыс оло, Коми муным совмо-дзоридзало. Поэтлон пось сьолемыс тпкно сьлон строкаясын.

Унатор на зсыко сяммис вочны, унатор на зсыко восьтис-казьодис лыддысысыслы и поэт Ананий Размыслов. Ловъя дырийыс сьлон сидз жо петавлис дзик оти поэтической книга, кодос воли нимтома сэтчо пырём лирической поэма серти «Медводдза любовь». Книгаис петис буретш Великой Отечественной война заводитчан воас. 1941 вося июль 9 луно нин А. Размыслов, Паль сиктсоветува Сотчом грездысы петлом 25 ароса морт, «Коми комсомолец» газетса редакторос вежысы, муно фронт выло. Старшой лейтенант Размысловлон оломыс орис Украина му вылын 1943 вося сентябрь 30 луно.

Сим Вань. Медясо тайо псевдонимнас коми войтыр тодлсны Иван Симаковос, фельетон сяма кывбурьяслыс авторос. Сыктыв юдорса Лозым сиктын чужлом-быдылом морт, сийо уджалис Ижма районын избачон, районной газет редакцияса секретарон, сэсса Сыктывкарын «Вор лэдзысы» газет редакцияын да Коми писателяс Союз аппаратын. Война заводитчом борын регыд мысти и И. Симаков мунис дорйыны Родина. 1943 вося октябрь 15 луно сийо усис Мариуполь кар дорын.

Иван Симаковкод тшотшьяон (1906 воын жо чужлис) воли и Иван Подоров, ноди комынод вояс заводитчигон нималис кызди вор лэдзысы-звучникъяс бригадаын юралысы. Архангельскса комвуз прмалом борын уджалис школаын, избачалис, воли Коми книжной издательствоса редакторон. 1942 воын Гаврил Иван (тадзи сийо кырымавлис ассыс кывбурьясс) муно фронт выло. Погибнитис Советской Родина всна бойясын.

«Менам босычом» да «Вильмодом луньяс» — тадзи шусисны кывбура книга-ясыс Владимир Латкинлон, Спаспорубысы петлом агрономлон. Талантливой коми поэт мичаа, кыпыда петкодлис сийо выльсо, коди мыччысис и Комиын. «Ме висытала — збойлуныс, гажыс Мен сьолемо некыз оз тор», — радлитыр шулис В. Латкин. Тайо гажсо дорйыны воргысы поэт 1942 воын муно фронт выло да сийо жо вося сентябрын усис.

1942 воын жо немецко-фашистской захватчикъяслы паныд косын погибнитис и Иван Осипов, кодос медясо тодисны сьон чукорттом да лосьодом «Висер вожа сьыланкывьяс да мойдыкывьяс» книга серти (петис война заводитчан воас). И. Осипов неуна эз вевъяв помакны Ленинградын А. И. Герцен нима пединститут бердын аспирантура. Вокан (татшом воли сьлон псевдонимыс) война пансьом борас регыд мысти и мунис фронт выло.

Ижмаса «Горд Печора» газетын редакторалом, партия Усть-Вымской райком, «Сыктывса ударник» райгазет, Комилес трест — тайо, босытны ко веркосянь, уджалан туй визь пасьясыс Яков Чупровлон, изьватаслон. Босытчылис гижны Сыктывкарса совпартшколаын велодчигас на, 20-од вояс. Биа Огыр — тадзи кырымасьлис сийо гижодьяс улас. Я. Чупров сетис ассыс оломсо врагкод косын 1942 вося февральын.

«Вай ярджына дзирдалой, бордыяса луньяс», — чуксасьлис аслас кывбурьясас Александр Габов. Висер сиктысы петлом зонка уджалис типографияын, редакцияын.

Сэсса Гриш Саш (татшом псевдонимон кырымавліс кывбурьяссө) уджаліс Коми радиокмитетын, а Красной Армияысь воім бөрын «Коми комсомолец» газетын, радиокмитетын. Война заводитчан онас и А. Габов муніс фронт вылө да пунктіс юрсө Рөдина вöсна бойясын.

Мивашеков — ним-вич-овсьыс артмөдөм татшом псевдоним новліс Михаил Шестаков, коми прозаик да переводчик. Великой Отечественной война водзвылын сійө помаліс асьыс ыджыд удж — комиөдіс А. Первенцевлысь гражданскөй война тема вылө гижөм «Кочубей» роман, а регыд мысти и ачыс муніс фронт вылө дорйыны Рөдинанымöс вөрөгысь. 1942 вося март төлысьö сійө усис.

Война заводитчан воас жö и пöгититіс Иван Титов (псевдонимыс вöвлі Тит Паш Вань). Бөрья кадас сійө уджаліс Москваын партийной удж вылын, сзтысянь и муніс фронт вылө.

Усьöмаяс лыдын и литература уджö активнöя босьтчысьяс Иван Габов (Иван Комсомольский), Борис Ярасов (Биавир), Николай Старцев (Тикон Коляй), Александр Старцев (Тикон Олюксан). Налон снимокъясыс миянлы эз сюрны.

Сöветскöй Рөдина вöсна юрнысö пунктöм коми гижысьяслөн сьыланныс и талун юргö-кылö.

Яков ЧУПРОВ (Биа öгыр)

ТÖВСЯ МОТИВЪЯС

Вöрас кө ме петала

Вöрас кө ме петала,
Джуджыд вöрас,
Вөр шöрас кө пырала,
Сьöд вөр шöрас.
Сьöлөмön кө бордъясьла, —
Удж вын босьтчас,
Кодкө, дерт жö
Ордйысьны
Мекöд босьтчас.

Мөдөдчылöй
Ме бöрысь,
Мөдөдчылöй,
Вөтөдчылöй
Ме бöрысь,
Вөтөдчылöй.
Вöрас кө ме петала,
Джуджыд вöрас.
Вөр шöрас кө пырала,
Сьöд вөр шöрас.

Мича пусö

Мича пусö
Ачым бöрйи,
Ачым кута керавны.
Норма тыртны
Ог кө вермы —
Мусук кутас
Серавны.

Ачым черöс
Асьым кеслі,
Ачым кута
Керасьны.
Чер нуд пусö
Ачым вöчлі,
Ачым кута
Вермасьны.

Премиясö
Ачым перйи,
Ачым кута
Владейтны.
Муса зонсö
Ачым бöрйи,
Ачым кута
Радейтны.

ВОСТЫМ

РОМАНЛОН МӨД ЮКӨН

«Самсон»

1.

1863-өд вося январын Варшаваын выльысь ыпмуни польскöй восстание. Варшавскöй подпольеон веськөдлысь патриотьяс көйсисны öти-тор: мездыны царскöй самодержавие гыж улысь чужан му, Польша. Карса уличаяс вылө петисны уна сө да сюрс манифестантьяс, кыпталисны баррикадаяс...

Царскöй правительство мөдөдис восстание пөдтыны войсаяс. Салдатьяслы тшөктисны не жалитны патроньяс, лыйлыны кыпөдчысыясөс, пөдтыны мятеж. Уличаяс тырисны раненöйясөн, шойясөн. Каменнöй мостовöйяс кузя визувтис вир.

Восстание пөдтөм бөрын царь самодержец Александр II мөдөдис Польшаө нуөдны следствие генерал Муравьевөс, кодөс полякьяс нимтисны морт виысь, öшлысь, начкасысь генералон.

Муравьев поздысис аслас свитакөд Вильно карө, сэсянь кутис веськөдлыны кыпөдчысыясөс «раммөдан» уджөн. Корсисны да куталисны выль и выль повстанецьясөс. Öтиясөс лыйлисны, мөдьясөс öшлисны релльö, коймөдьясөс мөдөдисны катарга вылө Сибирө, Шөр Азияө, ылө вой-вылө. Дас көкьямыс сюрс мортөс — украинецьясөс, белорусьясөс, еврейясөс; рабочöйясөс, ремесленникьясөс, студентьясөс, учительясөс, музыкантьясөс — ыстисны сэки политическöй ссылкаө Сибирө, Архангельскöй, Вятскöй, Вологодскöй гу-

бернияясө, мукөд ыли местаясын изöймитны да кувны.

Тайö шуштөм гыс эз орды и Сыктывдінкарөс. 1863-өд во помө чукөр бөрся чукөр татчө кутисны локны ыстөм йөз. Усть-Сысольскöй уездса капитан-исправник Никитин, сылөн отсасысыяс, полицейскöй управлениеысь жандармьяс да чиновникьяс скөралисны. Таөдз карын да уездын олисны сөмын гоз-мөд политическöй ссыльнöй, ставныс син водзын тыдалисны. Öни локтисны, гашкө, сө сайө морт, и пыр выльясөс вайöны. Губернскöй начальство тшөктис сюся кыйөдны государственнöй преступникьяс бөрся, син улысь здук жежлө не лэдзны, стрөга видзны, медым татчөс олысыяскөд эз төдмасыны, мед некутшөм лектор эз вөчны! А сэся кытчө сы мындасө меститан? Кыдзи на бөрся кутан кыйөдны? Ставсө карын видзны он лысьт, öпаснө. А разөдавны сиктьясө уезд пасьтала сыысь лекджык. Мун да кыйөд сэки на бөрся! Унаон пышьясны, корсь сэся паськыд коми пармаысь. Таысь и скөралисны полицейскöй управлениеысь чиновникьяс, бьд ногыс лекөдисны ссыльнöйясөс, повзөдлисны карса да сиктса одысыясөс.

Сыктывдінкарса олысыяс первöйсө збыльысь полисны ссыльнöй чукөрысь. Колис кутшөмкө кад, төдмасышталисны да велавны кутисны, мөд ног кутисны видзөдны на вылө. Абу кутшөмкө злыднияс найө, кыдзи нимтисны ссыльнöйясөс полицейскöйяс, а сэтшөм жө бур войтыр — рабочöйяс, му гөрысыяс, учительяс, художникьяс, парикмахерьяс. Весиг ыстөмаөсь татчө ссылкаө кык ксендзөс, миян ног кө попьясөс.

Истөмъясөс позис сөмын жалитны. Сэтшөм жө нин коньөрьяс! Нешыштөмаось найөс чужан муысь, семьяяс дорысь, янсөдалөмаось гөтырьяскөд, челядькөд, бать-мамкөд. Йөз жө эськө вөлөмаось, абу повзөмаось асланыс мездлун вөсна косьө петны!

Следствие помасьөм виччысигөн, сэсся пересыльной тюрьмаысь тюрьмаө найөс вөтлөдлігөн, тшыгось, ниятось, киссьөм, важмөм паськөмаось, мукөдыс кымалөмаось көнсюрө туплясигад да висьоны, омольччөмаось.

— Коньөр йөз!— жалитисны карса олысьяс, вердышталисны тшыг кулөмысь, коді вермис — лэдзисны ас орданыс. Сыктывдинкар абу ыджыд. Озырьяс да поп-дяк чукөр, дерт, матө эз сибөдны ссыльнойясөс ас керкаяс дорө. Уналы ссыльнойяслы ковмис корсьны юр сюянин карбердса сиктъясын: Вильгортын, Чытын, Тентюково да Ганя грездъясын. Полициялы дзик веськодь, коді кытчө инасяс овны, мед сөмын ссыльнойяс воласны пасйысьны полицейской управлениө да мед оз пышйыны.

2.

Коркө сөрөн арнас нин, йи сувтан кадө, приходской училищын урокъяс помалөм бөрын учитель Куратов пукаліс карса библиотекаын. Корлоц библиотекарөн, удж бөрын сійө воывліс да ноксыліс пөшти быдыт: сеталіс лыддыны гортаныс карса учителяслы, чиновникъяслы, налөн гөтырьяслы книгаяс, журналъяс; пасьяліс, коді мый босьтө лыддыны; лөсьөдіс рекомендательной список. Таысь сійө некутшөм дон эз босьт, ас окотасьыс вөчис ставсө. Библиотекаын удж сьөлөм вылас воис сылы — книгаяс, журналъяс, пыр виль газетъяс. Мый ешө колө сылы?..

Усть-Сысольска библиотека воссьылөма 1837-өд воын на. Коді көсийө, сійө и вермө волыны босьтны лыддыны книга. Библиотека лөсьөдісны частной пожертвованиеяс вылө, коді мыйта сетыштас. Сэсся биб-

лиотекаө волысьяс быдөн мынтисны во чөжысь — нель шайт, во джынйысь — кык шайт. Карса интеллигенция радейтис волыны библиотекаө, торйөн нин кор сәні кутис уджавны Иван Куратов. Виль библиотекарь төдіс асьыс удж, вөлі вежливөй, быдөнкөд сяммис сөрнитны лыддьөм книга либө журнальной статья кузя. Но медсясө сы вөсна, мый сы дырйи кутисны локны библиотекаө кызь вит периодической издание, унджыкыс прогрессивной сяма. Унаөн, торйөн нин гөтырьяс, радейтисны «Весельчак» журнал. Ачыс Куратов выпишитліс аслыс «Современник», «Отечественные записки», «Русское слово». Лыддьөм бөрын сетліс библиотекаө, мед мукөдъяс тшөтш лыддьөны. И карса библиотека некор эз вөв куш, өти да мөд морт пыр нин воліс.

Тайө рытө Иван Куратов лыддис «Современникысь» роман «Мый вөчны?». Сэтшөма ылаліс, весиг вунөдіс, мый важөн нин кад пөдлавны библиотека.

Сөрөн нин, кор некод эз вөв библиотекаын, тэрмасьөмөн пырис ыстөм студент Войнаральский да видзаасис:

— Олан-вылан, учитель Куратов! Отнад? Кодкө эм абу бокөвөй?

— Некод абу. А мый?— дөзмыштөмөн юаліс сылысь Куратов. Сэтшөм нин некота вөлі сылы орөдчыны лыддянторйысь.

— Карө вайисны виль ссыльнойясөс. Аддзи землякөс. Колө отсыштны сылы, Иван Алексеевич!— шуис Войнаральский.

— Кодлы отсыштны? Кыдзи?— воча шыасис Куратов. Сійө век на оліс лыддьөмторйөн. Синъясыс ломзисны сьлөн, быттьө мыйкө ылысь аддзисны-видзөдісны. Войнаральский казяліс да босьтліс киас, видзөдліс, мый сэтшөм сьөлөмысь лыддьө другыс.

— «Мый вөчны?» лыддян Чернышевскийлысь?

— Кысь төдан, мый Чернышевскийлөн? Автор йылысь татчө нинөм абу гижөма.

— А ме төда: Чернышевскийлөн. Меным гижлісны.

— Сійө жө, ачыл шуан вөлі, Пет-

ропавловскöй крепостын, пукалö пö!

— Но и мый? Пукалö и гижö сәні...

— Збыль?! Гижан сям сертиыс, пöжалуй, сылөн!— ошкыштöмөн шуис Куратов.— «Вера Павловналөн вёт»... О, кызди гижöма!

— Лöсьыда?

— Эм мый йылысь мөвпалыштны, эм кө юрад мыйкö!

— Бöрыннас меным сетан лыдыны?

— Дерт жö, Порфирий Иванович! Лыддигөн ловнад сөстөммылан, бордсаялан быдөн!.. Да, тэ могөн öд локтін. Кодлы, мый колö отсавны, шуан?— важ сёрнианыс бергöдчис Куратов.

— Да вот... Эг көсйы тэнö беспокитны, а быть лоö. Тöдан кө, эстысь, миянладорысь морт, Львовысь. Ывлаын öнi, некытчö инасыны. Кызыштö, кынмöма. Не жö забор улын узыны сылы, чöрт подери!— сёлöмсяныыс сөткыштöмөн артмис Войнаральскийлөн. Висьталігас сiйö витнан чуьнаыс сыныштліс пашкыр сьöд юрсисö. Джуджыд кымöс, вежöра карöй синъяс, волевöй чужöм, кытшлöдлытöг веськыда сёрнитанногыс сёлöм вылас волісны Куратовлы. Мортыс кө скöралö, тыдалö, эм мыйысь. Прöстаысь некор оз гарыштлы чöртöс.

— Эн пу, Порфирий Иванович. Висьтав төлкөн, мыйөн колö отсавны?— зіліс лөньöдны другсö Куратов.

— Вай думыштам, мый вöчны. Львов карысь, позьö шуны, менам земляк. Ме эськö босьтi сiйöс ас дорö, да ачыд гөгөрвоан — оз позь. Полиция ме вылысь син оз лэдзлы, сюся кыйöдö. Гашкö, тэнад кутшöмкö тэдсаяс босьтасыны? Эскы: колö отсыштны мортыслы. Бöрыннас висьтала, кодi сiйö.

— Эска!— шуис Куратов. Öти здук мөвпалыштiс, сэсся чеччис, тэрыба идраліс пызан вылысь книгаяс, журналъяс, лампа би кусöдiгмоз чөвтыштiс другыслы:

— Ладнö, талун кежлö тырмылас, некод нин, тыдалö, оз лок. Вай ветлам видзöдлам, кодi сәні тэнад. Зем-

ляк шуан?— серöктыштöмөн шуис Войнаральскийлы.

— Земляк!— нюммуныштліс мөдыс. Найö игналісны библиотека да петісны ывлаö.

Вой улö лөсьöдчис көдздöдны. Егэжын йөгзисны нин дзырыд козувьяс. Куратов топыдджыка кизяліс пальтосö, лөсьöдыштiс шапка, мед пельсö тупкыны көдзыдөн чепольтöмысь.

Полицейскöй управлениесянь неылын найö казялісны морт мыгөр, забор бердö ляскөдчöмөн сулалö. Матöджык локтiсны сы дорö. Джуджыдкодь тушаа, ар кызь витьяса, гашкö, лоö, шылыд, кос чужöма устөм-тоштөм морт, паськөм сертиыс кутшöмкö мастерөвöй, буракö. Кок дорас нейджыд ноптор, киняулас кутшöмкö футляр. Ачыс мисьтöма кызышталö.

— Кытысь, паныс?— юаліс сылысь Куратов, кисö сылы мыччис.

— Львов кар дорысь!— киасигмоз вочавидзис важмөм, вушйöм бархат воротника пальтоа, косіник чужöма поляк. Сёрни горыс ён, чорыд, кызиджык сёрнитöны уна йöзайнын уджалысьяс.

— Музыкант?— синнас футляр вылö индöмөн бара на юаліс сылысь Куратов.

— Сидз, любитель. Кларнет тайö. Жаль лои янсöдчыны, кыскала, со, сьöрысь. Гажтөм босьтас, ворышта — сёлöм вылын личыдджык лоö. Ме музыкальнöй фабрикаын уджавлі,— гөгөрвоодіс сiйö.— Журавский, Олег Сигизмундович. А, позяс юавны, кодкөд ме сёрнита?

— Татчөс учитель Куратов. Ме аддза, кынман, Олег Сигизмундович?

— Да вот,— кияссö паськөдліс, полицейскöй управлениелань чужöмсö бергөдліс, синкымъяс зумыштöмөн видзöдліс сыланьö Журавский...— Вайисны, гижöдісны, тойыштiсны ывлаö. Ми пö тiяны патера эг лөсьöдöй!.. Кызди гажыд сэсся...

— Дыр-ö кежлö локтінныд?

— Көкъямыс во кежлö судитiсны.

— Но, сидзкö, удитам на бурджыка тöдмасыны да сёрнитны!— серöктыштöмөн шуыштiс Куратов.

— Тіянлы теш, а меным абу зэв!— мōдарō бергōдчис да кутіс кызны Журавский.

— Эн скōбрав, пан! Ме о̄д бурьысь шуи...

— Кутшōм нō ме пан?— дōзмōмōн кинас о̄втыштіс Журавский.

Куратов босьтіс Войнаральскийōс сойбордйōдыс, вешйыштіс неуна, кутіс сылы висьтаваны:

— Регьид сьōд вой пуксяс. А войнад оз радейтны восьтаваны о̄дзōсьяс. Карын ыстōм войтырыс о̄ні уна, патера аддзыны да ещō войын— сьōкьид. Тōдан, кьдзи вōчам, Порфирий Иванович? Ме босьта ас ордō земляктō. Войсō мекōд узяс. Аски думыштам, мый вōчны. Шогмас тадзи?

— Вай китō, учитель Куратов!— кмиōн нин шуыштіс гажмōм гōлōсōн Войнаральский, сывйыштіс Куратовōс да топōдліс аслас морōс бердō.— Бур зэв тэ, коми морт!

Льддысьысь эз на, кōнкō, ву нōл — ыстōм студент Войнаральский велōдіс коми кыв да бура нин кужис сѣрнитны.

— Ладнō, лэдз вай! Абу велалōма менам сентиментьясад! Да и абу кад о̄ні. Мун ас ордад, тадзи бурджык лō. А ми мунам Казаринова ордō, бōрдыштам, ышлолалыштам неуна да, гашкō, лэдзас узьны туй мортōс. Комияс некор оз йōртны йōрмōм мортōс!.. Казаринова абу жō нин сэтшōм чорьд сьōлōма ань. Став бурсō тэныд, Порфирий Иванович!

— Видза колянныд!— комиōн прōщайтчис Войнаральский, топыда кутліс кисō первой Куратовлысь, сэсья Журавскийлысь.

3.

Вьль тōдсаыскōд учитель Куратов кор локтис кōзьяйка ордō, аслас вежа ныв Сандракōд Казаринова буретш вōлі кухняс тасьтi-пань мыськō. Тыдалō, муртса удитōма ужынōн вердны олысьяссō. Сандра, водздōраа, юрсō чутōсь ситеч чышьянōн бōрлань помьясōн кōртыштōма, гусьōник чōвтліс синсō локтысьяс вьлō, чуймыштōмōн видзōдліс Куратов вьлō. Сюся видзōдліс сы вьлō и вежаньыс: кодōс пō нин

олысьныс сэтшōм сѣрōн вайōдōма сьōрсьыс сы керка помō.

— Екатерина Ивановна! Эн повзōй, ме талун абу о̄тнам. Этайō мортгыслы некōн узьны, а войыс кōсйō кōдзыд лоны. Сэзьдōдōма, кодзувьяс, пель чепōльтō. Тавой, чайта, йи нин сувтас.

Дзорман юрсисō лōсьōдигмоз Казаринова кывзис учительлысь висьталōмсō, сэсья юалис:

— Талун пō бара вьльясōс вайōмаōсь карō? Кытысь нин тайō, кодi?

— Львов карысь ме!— копыртчыліс кōзьяйкалы Журавский.— Музыкальнōй инструментьяс вōчан фабрикаын уджавлі.

— Музыкант? Менам о̄ти сэтшōмыс олō нин!— сьылыштіс Казаринова.— Скрипкаōн ворсō.

— А ме кларнетōн. Любитель,— бара на копыртчыштліс кōзьяйкалы Журавский.

— Музыка ме радейта, торйōн нин божественнōйōс!— ышловзьыштіс Казаринова.— Вичкоса хорын сьывла гырысь праздникьяс дырйи.

Оскерко, кывлōма да, тшōтш локтис кухняō сѣрнитысьяс дорō, морōс дорас кисō пуктылōмōн копыртчыштліс ставлы. Казаринова казьяліс сийōс, нюммуныштліс да шуис:

— Со тай, Бронислав Яковлевичкōд ми мукōд дырйи «Слава, вышних богу!» босьтєям сьывны. Сийō скрипкаōн, а ме сьыла. Божественнōй литургия кодь артмō!

Сы серти, кьдзи сѣрнитіс кōзьяйка, позис надейтчыны буртор вьлō. Куратов гусьōник синмалыштіс Сандралы, мед отсыштас сийō налы.

— Ме ордын олōны бур йōз!— Журавскийлы кутіс висьтаваны Казаринова.— Со, учитель Куратов. Мōд учитель Кикин. Доктор Джевецкий. Сэсья Бронислав Яковлевич. Некод оз куритчы, оз ю лѣкног. Керкаын кō табак тшын, менам сьōлōмōй гудыртчō.

— Ме ог куритчы, Екатерина Ивановна. А вина юны колō уна деньга. Кьсь сийō меным?— шуис Журавский.

— Бур инō!— ошкыштіс Казаринова.— Ог тōд, мый и вōчны!? Сандра, мый тэ шуан?

— Кьдзи тэныд, вежаньō, сідзи и

меным!— шуыштіс сылы Сандра, гусьоник довкнитіс Куратовлы юр-нас.

— Тэныд джоджъяс чышкыны, пелькөдчыны, мыськыны. Он дөзмь?— юалис вежа нылыслыс Казаринова.

— Меным өти сайысь, вежаньö!— бара на шуыштіс Сандра, разьліс чышъянсö да выльысь, бурджыка көртыштіс юрас. Тадзи сійö унаысь вöчлывлö, велалöма нин, тыдалö. Куратов радейтіс видзöдны, кутшöм пелька да öдйö сылөн тайö артмö, кьдзи лэбыштілöны гырджаясыс, киясыс.

— Ладнö, шуам, босьтам көть!— пьзан сайö пуксис да öтарö-мöдарö малыштіс пьзан пöv кузя көзяйка, думсыс, тыдалö, мыйкö мövпалис.— Сöмын кытчö меститам овны? Аслым кө нин дзескөдчыштыны а?

— Екатерина Ивановна!— шыасис татчö Оскерко.— Ме ола öтнам. Кыкнад эськö кутшöм лöсьыд лöм мянлы! Век жö ас морт кодь. Олег Сигизмундович сыланьысь, көні и менам чужан муöй! Сідз öд, пан Журавский? Кутан мекöд өти жырын овны?

— Ме сöмын аттьöавны верма ставныдтö тиянöс!— бара ставлы копыртчывліс Журавский. Казариновалы тайö сьölöм вылас воис, шуис:

— Тöранныд кө кыкөннад, олöй на здоровье! Кута вердны-юктавны, мьськавны-пеславны. Доныс менам быдөнлы өти. Сöмын бура овны!

— Пани Катерина мед оз пов, ми огö кутö дөзмöдчыны!— көсийсис Журавский. А Оскерко содтіс шмонöмөн:

— Кутам ворсны, тиянöс гажөдны! Ме скрипкаөн, пан Журавский кларнетөн. Вот аддзылан, кутшöм божественнöя артмас «Слава, вышних богу!»

— Метö, шуам, босьта,— дөжнэштіс Казаринова.— А мый полицейскöй управлениеын шуасны ешö?

— Тайö мян шог нин!— шуис Оскерко.— Ветлам, сёрнитчам!..

— Кутасны кө ырьянитны, ме ветла сэтчö!— көсийсис Куратов.— Көнкö öд колö мортислы овны!

— Зэв ыджыд аттьö тиянлы, учитель Куратов!— копыртчыліс сылы

Журавский.— Мөдысь мыйөн верма — вештыся став бурсыс!

— Нинöм меным оз ков! Зэв рад, узянин сюрис да! Аскиöдз! Аски бурджыка сёрнитам!

— Довидзене, Иван Алексеевич!— сьölөмсянныс кайтыштіс Оскерко.

— Сандра, дона ныв! Пырт Иван Алексеевичлы сёянсö!— вежа нылыслы тшөктіс Казаринова.— Удзöдім сійöс, мед ужнайтышта!.. Ичöt сёй гырничын шом йöv, ид нянь менам лöсьöдöма. Нуышт, бур ныв!

Тадзи Казаринова ордын лои ешö өти олысь. Рытьясын Куратов кутіс вслывлыны пукавны полякъяс ордö, кывзис, кьдзи найö ворсöны скрипкаөн да кларнетөн краковяк, мазурка, полонез, Шопенлысь, Штрауслысь вальсыяс. Сылөн аслас вöлі лöсьöдöма гитара да мукöд рытö аккомпанируйтіс налы. Налысь ворсöм кывзыны волісны и Сандра вежаньыскöд.

Казаринова керкаын олысьяс дорö шочиника пыравліс и Войнаральский, векджык пемдöм бöрын, мед эськö эз казавны полицейскöй управлениеысь сюсь синмаяс. Сійö век вайліс кутшöмкö да кутшöмкö вьлиторъяс. Куратовысь сійö нинöм эз дзед. Висьталіс, мый польскöй восстание пöдтöмаöсь вир пытшкын, веськөдлысьяссö лыйлісны, öшлісны. Польшаын, Украинаын, Белоруссияын — быдлаын на корсялöны да арестуйталöны быдөнöс, коді кутшöмкö ногөн көть йитчылöма польскöй кыпöдчысьяскöд.

Бөръя волігас Войнаральский висьталіс, мый пö кывсьöны вьлестретьяс.

— Арестуйтöмаöсь Петербургса университетысь студент Лонгин Федорович Пантелеевöс. Сылөн гöтырыс, Серафима Васильевна, лöвоча чойөн Сыктывдинкарса Антонина Латкиналы. Верöссö арестуйтігөн Серафима вöлöма ыджыд кынöма, повзёмлаыс кадысь водз пиалöма. Ичöt каганас и быдөн мунöма Вильноö. Сэтчö Пантелеевöс нуöмаöсь следствие вöчны, мыжалöны польскöй повстанецъяскöд йитöдьяс кутöмысь. Нинöм дивöыс абу — Петербургскöй университетын велöдчöны

коймод пайыс мында полякъяс. Антонина Латкина төрыт мунис воча чойыс дорө отсасыны. Тэныд, Иван Алексеевич, привет тшөктис висьтавыны.

— Кытчө сийө мунис, Петербург?— юалис Куратов.

— Эз, Вильноö, воча чойыс дорө. Пантелеевлөн тестыс — Василий Николаевич Латкин, миян карса гөлөва Латкинлөн вокыс, Сибириын зарни перйом помысь озырмылөма. Миллионъяс пө сылөн эм, висьталоны йозыс. А деньга вылө, төдан, быдтор позьö ньобны: адвокатос и следовательос, тюремщикос и палачос. Вильноö жө пө сийө мунөма Серафима нылыкөд. Но көты и миллионерлөн зять, а Пантелеевлы, ме чайта, не мынны каторгаыс. Ловйөн кө коляс, бур нин. Муравьев веськыда лютуйтө сэни, көсийө угөдитны царлы. Пантелеев, кывсьö, вөлөма «Му да вöля» гуся котырын, кодi зильö пуккыльтны самодержавие, бырөдны крепостной пöрадокъяс; тшөтш сувтөдө могөн мездыны и Польша. Со өд кызди ставыс йитчөма.

— Но и юөръяс жө тэ, другө, висьталин!— кывзис да шуыштіс Куратов.— А мый Чернышевский йылысь выльыс кывсьö?

— Петропавловкаын пукалө, өтка казематын. Абу на помалөмаөсь следствие. Мыждоны государственной изменаын, самодержавие бырөдны көсийомысь.

— Абу жө зэв гажа юөръяс!..— жугыля шуыштіс Куратов. Войнаральский сөмын вөрзьөдліс пельпомъяс, мый пө эм, сийос и висьтала. Сийө некор эз шулы, кытысь да мый ставсө төдө. Сөмын мукөд дырйи гарыштлывліс, эм пө сылөн верной другъяс Москваын и Петербургын. Найө оз вунөдны сийос, шочиника гижыштлөны сылы, гусьон, дерт. Кызди да мый локтө сылы татшөм корреспонденция, та йылысь Куратов эз юасылы сылысь. Тайө сылөн аслас делө. Дерт жө, оз веськыда ас ним вылас почта пыр локны письмөяс сылы. Полицейской управлениеын пукалысьяс видлалөны ссыльнойяслы воан став письмөяс да бандерольяс. Корреспонденция, колө

чайтны, ыстөны кодкө мөд морт ним вылө, а сийө сэсся сетө Войнаральскийлы. Гашкө, Назар Иван Лиза, а, гашкө, Антонина Латкина отсасыны сылы. Сюсь, варов да сибыд мортлөн, кутшөми Войнаральский, не этша и мукөд төдсаяс эмөсь карын. Да и ямщикъяскөд сийө лөсялө, найө вайоны сылы өти да мөдтор, гусьон жө, дерт.

Кодi веськыда участвуйтөма польской восстаниеын, сэтшөмъяскөд Муравьевлөн следственной комиссия уна эз сөрнит. Приговорыс өти вөлі: смертной казнь. Журавскийос кутөмаөсь Польшалысь граница вуджигөн, куш кион. Көсийлөма польской повстанецъясөс адзыны, накөд өтлаын косясьны, но следствие эз вермы докажитны тайос нинөмөн, да судитисны сийос ыстыны войвылө көъямыс во кезлө. Тадзи судьба нетшыштіс сийос ас чужан мусыс да вайөдіс Сыктывдинкарө, код йылысь сийө эз и куж чайтлыны водзджык. Оліганым ми унатор ог төдөй, мый виччысьö водзын...

4.

Гожөм лэбыштіс чикыш этшөн, а сыкөд бөрө колис и карса школьникяслы ывлаын котралан гажа кад. Локтіс ар. Сыктывдинкарса школаясын заводитисны велөдны. Дөра сумкаясөн челядь бара кутисны быд асыв котөртны велөдчыны: өтияс квайт класса земской школаө; мөдъяс, нывпосни — кык класса женской училищеө, көні велөдіс Назар Иван Лиза; коймөдъяс — духовно-приходской училищеө. Сэни уджаліс Иван Алексеевич Куратов.

Воддза воө Куратов өтнас велөдіс кыкнан классас. Сылы отсасис Заварин. Но Заваринөс Вөлөгдасянь тшөктисны вештыны, индісны выль учительос — Иннокентий Степанович Поповос велөдны первой классын. Куратов кутис велөдны мөд классын.

Выль учителькөд Иван Алексеевич первой каднас лөсяліс, чайтіс сийос прамөй мортөн, төлка велөдысьон. Бурджыка төдмасис да вежис сы йылысь думсө.

Учитель Иннокентий Степанович Попов вöлі поп рöдысь, аслысьяма морт. Куратовысь водздзык помалöма Вөлöгдаысь духовнöй семинария, велöдöма Яренскöй церковно-приходскöй училищын, сэсья ыстöмаöсь Усть-Сысольскö велöдны. Сидзсö мортыс эськö рам и быдöн, но вывтi нин кутшöмкö мырд юмов. Ыджыдзык начальствокöд паныдасигöн улöдз копыртчылö, ылысянь босьтлас шапкасö. Коньöртчöмыс зэв нин тöдчис сылөн, дöзмöдiс Куратовöс, а бöрыннас кутiс вöк сылысь петкöдлыны.

Иннокентий Степанович тадзсö вöчис, гашкö, сы вöсна, мый природа öбидитöма сiйöс туша статьянас. Кыдзи шуласны, чужлöма сiйö кос гожöмö: жебиник, косiник туша, кужиник ёсь ныр, тшöтшкöртöм гөрдов устор. Синъясыс быттьö пыр мыйкö воштöмаöсь да корсьöны. Нырыс гөрдов жö, чурвидзö чужöм шöрас, быттьö кодлыськö мöдлысь ляскöмаöсь сылы сэтчö.

Гашкö, и эз дзик татшöм вöв выль учитель Попов, но быдтор неуна юмор пыр аддзысь Куратов тадзи кымын Сандралы висьталiс сы йылысь.

Сёрнитiс Иннокентий Степанович небыдика, выя бордiён моз мавтышталö, а кывзыны дöзман. Сэтшöмъяс йылысь шуöны: небыда пö вольсалö да узынытö чорыд.

Кыдзи сёрндзык казялiс Куратов, Иннокентий Степановичлөн вöли ещё öти порча. Мортыд гуся мыжён висис, юышталiс, но сидзи, он гөгөрво — садь али абу сiйö? Дзик садьнас шоча овлö; юрас сылөн, кыдз шуласны, пыр ичöлика труньтитыштö. Кодөн он шу сiйöс, да и садьнас шуны кывйид оз бергöдчы. Тыдалö, мортыд радейтö гусьöник Бахускöд вашкöдчыштны, син на син сыкöд тетькöдчыштны. Но вöчö тайöс гусьөн, йöз син сайын. Кöкулькарса юмористъяс татшöм сяма йöз йылысь шуöны: эшкын улö дзесьöмөн пö юö. Сöмын вазыштöм син да вомсьяс кылыштан вина шом дукуыс и петкöдлöны, бара нин удитöма кода кö коста...

Иннокентий Степанович быд праздник ветлö вичкöй, зiля копра-

сьö да юрбитö, торйөн нин кор видзöдöны сы вылö йöзыс. Вежавидзöмөн окалö не сöмын крест, но и протоплысь берин чута гöна килутшсö. Куратовлөн вöкыс петö та вылö да сы вöсна некор эз лöсьöдчы сыкöд орчча лоны. Öти учитель окалö, мöд — оз, вывтi нин синмö быдөнлы шыбитчö. Колö шуны, Куратов ветлöмысь вичкo öдзöс дзирйис эз ёна быр.

И эз тайö ёнджыкасö дöзмöд Куратовöс. Морт — абу ангел. Быдөнлөн эм мыйкö тешкодьтор да тырмытöмтор. Челядьöс эз радейт Иннокентий Степанович. Найö элясьöны: печлалö пö, юрсiöd някралö, мукöд ног öбидитö.

Öтпыр, аслас классö мунiгөн, Куратов ачыс казялiс — Иннокентий Степанович кутöма вичкo стөрöжлысь писö, Спираöс, пельöдыс тракйö.

— Иннокентий Степанович! Иннокентий Степанович! — дивитöмөн шуис сылы сэки Куратов.

Бöрыннас, кор найö кыкөн лöсялины классын син на син, Попов кутiс элясьны:

— Мыйсяма тайö челядь! Этайö Спираыс переменаö лэбалö беспи моз, а юалi «Отче наш...» да синсö сöмын лапйöдлö!

— Детинкаыс визув, збой. Оз, пöди, гөгөрво тайö тарабарщинасö, сiйөн и лапйöдлö синсö, — шуис Куратов.

— Молитваыс тарабарщина? Но, другö, Иван Алексеевич! — юрсö кутiс катлöдлыны Попов.

— «Отче наш! Иже еси на небеси, да приидет царствие твое, да святится имя твое». Мый ичöt морт гөгөрвоас татысь? Ме ичöt дырйи вöли лыддя, лыддя, а мый лыддя — ачым ог тöд! Вот и някралiсны юрсiöd, кучкавлiсны, нöйтлiсны! — Иннокентий Степановичлы гарыштитiс челядьöс öбидитöм йылысь Куратов. — Нöйтöмөн велöдöмыд абу медся буртор.

— Миянöс нöйтöмөн велöдiсны да со кутшöмöсь быдмим! — паныд шуис Попов.

— Миянöс кö нöйтлiсны, мед и талуи нöйтны челядьöс?

— Му пуксьомсяньыс сідзи велө-
дöны.

— Му пуксьомсяньыс мыйыс эз
вөв да!..

Та бöрын Куратов ещö нин ёнджы-
ка дöзмис учитель Попов вылө. Асы-
лын локтас школаө, шуыштас сылы:

— Чолөм, Иннокентий Степано-
вич!

Урокъяс помасьом бöрын бара:

— Видза колян, Иннокентий Сте-
панович!

И сöмын. Асланыс школьнöй могъ-
яс йылысь сёрнитөм кындзи мукөд
сёрни на костын эз лыблыв.

Мукөд дырйи Иннокентий Попов
бурасьліс, быттö вунөдöма татшөм
нога вензьöмнысö, зіліс матөджык
ляскысьны, другасьны пырөдчис.

— Иван Алексеевич! — коркө
урокъяс помасьом бöрын аддзисы-
ны да, меліа юалис Куратовлысь сй-
йö:— Кызди олө-вылө поэтической
музаид? Мыйкө вьльтор гижин?
Гашкө, мыйкө лыддыштан меным?

Куратов видзөдліс сы вылө, лэп-
тыштліс пельпомъяссö, шуис:

— Нинөм вылыс. Ме öні гижа
коми грамматика. Эштöдны тэрмасы.

— А кытöні кöсьян печатайтны
сййöс?

— Та йылысь водзджык на сёр-
нитны, эштöдны на колө. Эштас да,
ыстыла Вөлггда.

— Но, а позяс юавны, кодлы ко-
лө татшөм грамматикаыс? Россий-
скöй империя пасьтала быдлаын ве-
лөдöны рочөн. Ме ог гөгөрво, мыйла
колө велөдны коми кыв?.. Унаөн та-
дзи сёрнитöны, не сöмын ме öтнам.
Кызди та вылө видзөдан, коллега?

— Локтас кад, кутасны и комиөн
велөдны! Истинаыс прөстöй: эм кö
йöз, налы колө образование, велөд-
чыны ас кыв вылын... Рочöс колө ве-
лөдны рочөн — та йылысь некод оз
вензы. А вот мыйла коми челядьöс
первой каднас колө велөдны ас чу-
жан кыв вылын — тайöс оз кöсьыны
гөгөрвоны сідз шуана «образован-
нöйяс!» Мый на йылысь позьö шуны?
Сэтшөм сёрниыс, ме ногөн, безнрав-
ственной. Куш асьныс вöсна төжды-
сьöны найö, «образованнöйясид»,
а прөстöй йöз йылысь вунөдöны. Да,
ми колимö бөрö. Миян абуөсь шко-
лаяс, книгаяс, абу весиг алфавит.

Сідзкө, колө не больгыны да не рёс-
суждайтны, а вöчны, лөсьöдны, тэр-
масыны мукөдъяскөд тшöтш кайны
цивилизация пос кузя...

Иннокентий Степанович кывзис да
сöмын чөв лэптыштавліс пельпомъ-
яссö, мөвпаліс — эз-ö нин торксьы
вежөрнас учитель Куратов: кутшөм-
кө цивилизация пос кузя лөсьöдчö
катöдны комиясöс, кодъяс ки-кокысь
чуныяссö оз кужны артавны? Кодлы
и мыйла колө коми грамматика, эм
кө роч грамматика?

Куратов асьсö бöрыннас видіс жö:
«Мыйла ме талы ставсö тайöс вись-
тала? Төлктөм сёрни — пур вылысь
ва койөм кодь!..»

5.

Куратовлөн классас вöлі шег кодъ
кызь öти детинка. Унджыкыс сэтшөм
бать-мамлөн, кодъяс, вичко бердын
вердчөм кындзи, видз-му уджалөмөн
тшöтш перйисны аслыныс кынөмпөт:
ытшкöны турун, көдзöны нянь, ви-
дзöны мөс, ыж, мукөдыс вөв — му
гöрыштны, турун да пес вайны. Олө-
ны, гашкө, оз нин сэтшөм бура да
озыра, но и оз тшыгъявны. Кресть-
яна моз жö найö уджалöны видз-му:
гөрöны-көдзöны, ытшкöны-куртöны,
вундöны-вартöны. Войвывса кузь
төвсö кö оз тшыг виньгыртны, бур
нин.

Коляс төв, воссяс ва — уськөдчö-
ны көвтымөн, кулөмөн, ветельөн
чери кыйны. Утка-дзодзөг лыйöны
тыяс вылысь. Сюсьджыкъяс зарава
вийөдöны, куз да коляоз вотöны, öне-
гум, шома турун чукөртöны, пожөм
ли лиалöны. Мый быдмө, вежөдö му
вылын, мый сетö тулысын вөр-ва,
ставыс шогмö сёйны. Тулысыд ко-
миын — бур, шань мам кодъ. Уджав,
эн дышөдчы, тшыг кувны оз лэдз. А
гожөм да ар йылысь и сёрнитны ни-
нөм: вöрын вотöс, тшак; сю, зөр, ид,
рудзөг воас, вартасны, изасны — ро-
кыд и няньыд, ид пирөгъяс, шыдöса
да рыська шаньгаяс пызан вылын.
Сідзи гөгыльөн и гөгыльтчö тулыс-
сянь арөдз, арсянь тулысөдз налөн
олөм-вылөмныс. Кутшөм локтас го-
жөм, сэтшөм и төв лоö. Шоныд, ми-
ча гожөмын ытшкасны турун, вар-

тасны нянь, сюрук пёт, и ачыл пёт. А кодзыд, лёк гожом — скор айка кодь, ни турун, ни нянь, ни вотос. Сэтшом лёк воясо тшыгъялоны не сомын карса голя олысьяс, но и став коми му пасьтала.

Эз ко откодя бура овны карса олысьяс, то и карса школаясын велодчысьяс эз жо откодьось вовны. Озырджык бать-мам зилсны челядь-со велодны инавны земской школао, кодй бурджыкон лыддыссис. Велодысьяс сэн по бурджыкось, да и ачыс школаыс бурджык, ыджыд-джык, нарошно сы выло тшупомаос. А приходской школалы сетомаось вичко сторожкаыс кык неыджыд вежос. Тёлын, лёк кодзыдъяс дырйи, челядь изоймитоны сэни. Посни синма ошиньясас гыорыс чунь кызта куйло. Каменной стеньяс кодзыдось, гыортоны жо джодж бердтыс. Сторож ломтыло жо эсько пошныдик пачьяс, да сторожка ёнасэ оз и шонавлы, классьясын кодзыд.

Бурджык бать-мамлон челядь шогманаджык ком-пасён волісны школао. Унджыкыс новлісны чорыд сера дором да визя гач. Лым сыломсянь да выль лым усътодз котралісны комтог. Весиг вичкоо сідзи волывлісны, комтог жо. Усяс лым да кмалоны мый гортаныс налы вичмо: кодлөнко коті, кодлөнко нинком, дора голёня гын юр. Вылысаныс кодлөн руд сукман, кодлөн лоз дукос, важ парка шой либо розьось соска ыжку пась. Кодзыд дырйи классын пукалісны порччысьтог. Шоньд луно школьникьяс порччылісны пасьяс да паркаяс, ас уланьс лабич выло пуктылісны, на вылын и пукалісны. Тадзи жо од корко Яренской церковно-приходской училищын велодчыліс и ачыс Куратов. Усть-Сысольскса училище ниномон эз вов бурджык. Учитель Куратов мый вермис зиліс шоньдджыкон да гажаджыкон вочны классо. Ошинь рамаяс ачыс сюяліс да клеитіс важ кабалаон, мед шоньд йортны; ичот пач тшоکتіс выльос тэчны да кодзыд дырйи ломтыны, стеньяс белитны известкаон.

Классын, коні велодіс Иван Алексеевич, ставыс коми челядь, рочон эз кужны сёрнитны, эз гогорвоны.

А велодны, кызди гарыштіс Иннокентий Степанович, тшоктоны рочон, ссмын рочон. Та йылысь Вёлөгдасянь эм торья индод.

Учитель Куратов вочис ас ногыс: мый оз гогорвоны челядь, висьтало комшон, ас кыв вылын гогорвоодо.

Мыкталом сорон школьник лыддяс:

— Кре-стья-нин па-шет... Око-тник стре-ляет... Со-бака ла-ет...

Лыддяс да видзодо учитель выло — абу гогорвоана, мый лыддис ачыс. Вомыс забедноысла лосьодчо вежынтчыны, ичот морт дась бордзыны. Зато кутшом нимкодя кутсны дзирдавны синьясыс сылон, учитель кор локтас, малыштас юродыс, висьталас комион:

— Абу «око-тник», а «охотник», муса пи. «Охотник стреляет — вора-лысь лыйо». «Собака лает — пон увто». Гогорвоин? Он вунод? Вайо ставон гораа выльысь лыддымо...

Иван Алексеевич оз дозмы, модысь дай коймодысь лыддяс, гогорвсодас челядьлы, мый гижома книгао. Велодіс сійо лыддысьсны, гижны школьникьясос. Арифметика урокьяс дырйи велодіс артасыны — чинтыны, содтыны, юкны. Пеніе урокьяс вылын велодісны нотной грамота, сылісны гамма, прстойниг сыланкывьяс. Иван Алексеевич важон нин казяліс: мый висьталас челядьлы чужан кыв выланыс, бура гогорвооны велодчысьяс, оз вунодны. Найо ёна сюсьджыка велалоны сэтшом челядь серти, кодьясос тшоктоны гогорвотомторсо зубритны, мырдон суйоны юраныс, борд да велод. Да и школьникьяс велалісны Иван Алексеевич доро, радейтісны сійос. Асылын гузь уськодчоны сылы паньд.

— Олан-вылан, Иван Алексеевич! — чоломасьоны сыкод нимкодя.

— Оланьд-выланьд, челядь! — меліа воча чоломасьо накод учитель Куратов...

Духовно-приходской школао смотрительон индомась Вёлөгдасянь Троицкой соборса протоиерей Вонифатий Георгиевич Кокшаровос. Мусянь тэчом латшкөсіник тушаа, пельпомодзыс быдтом юрсна, апостольской тошка да моросас эзысь

распятіеа протоиерей ветліс ньбж-
мьдика, эзысь набалдашника лаки-
руйтѳм беддѳн тотшкѳдчигтыр.
Смотритель кор воліс школаѳ, че-
лядь йѳжгыльтчѳмѳн пукалісны, по-
лісны сыысь.

Смотритель Кокшаров да учитель
Куратов костын ставыс артмис зѳв
дзугсьѳмѳн да гартолаѳн. Ѳти ног
протоиерей чорыда кутчысис ин-
дѳдьясѳ, кодьяс локтісны Вѳлѳгда-
ысь, эз кѳсйѳ сетны учительяслы
некутшѳм пѳтачка. «Мый шуѳма —
колѳ вѳчны!» — долис налы смотри-
тель. А мѳдарсянь, ачыс коми морт
жѳ, сьѳлѳмнас йитчѳма чужан муыс-
кѳд, мам йѳлыскѳд чурскѳма ас
пытшкас сылысь став бурсѳ да эз
вѳв сѳтшѳмьяс лыдысь, кодьяс ян-
дысьѳны коми кыв сетны. Прото-
иерей Кокшаров пыдди пуктіс поэт
Куратовѳс, кодлѳн кывбурьяс сьѳ-
лѳм вылас волісны сылы. Сыысь
кындзи, пыс сылѳн, Петр Кокша-
ров, Петербургскѳй университетысь
вѳтлѳм студент, другасис Куратов-
кѳд. Иван Алексеевич моз жѳ Петр
Кокшаров радейтіс да чукѳртіс коми
сыланкывьяс, ворсѳмьяс, тѳдмаліс
этнография, фольклор; гижаліс да
печатайтіс «Вологодские губернские
ведомости» газетын краеведческѳй
статьяс, кодьясѳс кырымавліс
Пель-де-Кок псевдонимѳн.

Петр Кокшаровѳс Петербургскѳй
университетысь вѳтлѳмаѳсь студен-
ческѳй волнениеяс дырйи, тшѳктѳ-
маѳсь батыслы сюсьджыка видзѳд-
ны пыс бѳрся. Куратовкѳд найѳ
тѳдмасисны Сыктывдінкарын да
кутісны лѳсявны. Найѳс унатор ма-
тыстіс да йитіс, медсясѳ нин коми
фольклор, этнография. Куратов
уджаліс-гижис коми грамматика,
мый гижѳма нин — лыддис сылы,
кывзіс сылысь индѳдьяс да сѳветья-
с. Петр Кокшаровлѳн вѳліны нин
тѳдсяяс «Вологодские губернские
ведомости» газетын, кѳсйысис Иван
Алексеевичлы отсавны печатайтны
сѳні сылысь удж.

Ѳтувья сѳрניים на костын уна
вѳлі. Петр Кокшаров тшѳтш жѳ вел-
лѳдіс земскѳй школаын арифмети-
ка. Кык учитель, Иван Куратов да
Петр Кокшаров, кык коми зон, вѳв-
лѳсм студентьяс, унаысь ас кежын

сѳрнитлісны ас чужан му йылысь:
кыдзи петкѳдны сйѳс гѳльлунысь,
пемыдлунысь югыдлань да мукѳдья-
яс моз жѳ заводитны восьлавны ци-
вилизация пос кузя.

Петр Кокшаровкѳд тадзи лѳсялѳм
вѳсна учитель Куратов эз ѳнасѳ ве-
жавидз да пов Кокшаров смотре-
тельысь, сылѳн батысь, веллѳдіс сідзи,
кыдзи лыддис бурджыкѳн.

Вонифатий Георгиевич Кокшаров
ачыс веллѳдчылѳма Вѳлѳгдаса семи-
нарияын, сѳсся веллѳдлѳма тайѳ при-
ходскѳй училищеын, сы бѳрын индѳ-
мѳсѳ смотрительѳн татчѳ. Выйь
учитель Иннокентий Степанович
локтытѳдз сйѳ эз ѳна дѳзмѳдчы Ку-
ратовлы, сѳмын шулывліс школаѳ
волігас:

— Иван Алексеевич! Вежѳра
морт тѳ, лѳсьыд кывбурьяс гижан и
быдтор. И челядь радейтѳны тѳнѳ.
Уджав, но мед школнѳй устав абу
вѳлі дзугѳма...

Иннокентий Степанович локтѳм
бѳрын смотритель Кокшаров тѳдчы-
мѳнъя вежсис, тшѳкыджыка кутіс
волыны школаѳ, стрѳгджыка кутіс
юасьны.

Коркѳ сѳрѳн арнас, йи сувтѳм бѳ-
рын, протоиерей Кокшаров асья
сьывсьѳм бѳрын думыштіс бара пы-
равлыны школаѳ, видзѳдлыны, кы-
дзи сѳні веллѳдчѳны. Соборсянь шко-
лаѳдз кызь воськов и эм. Пукалыш-
тіс сйѳ первой ичѳт классын, Инно-
кентий Степанович ордын. Перемене-
на бѳрын, кор стѳрѳж звѳнитіс урок
вылѳ, смотритель, гулю зѳб рѳма
рясанас кышѳдчигтырйи, пырис мѳд
классѳ, учитель Куратов ордѳ. Че-
лядьпиян повзьѳмѳн йѳжгыльт-
чыштлісны пызаньяс бердѳ, кор ад-
дзисны беддѳн тотшкѳдчысь попѳс.

Учитель Куратов тшѳктіс сувтны
веллѳдчысьясѳс, чолѳмасьны смотри-
телькѳд. Паськыд соска кисѳ лѳпты-
лѳмѳн протоиерей благѳслѳвитіс
классѳс, тшѳктіс пуксьыны, а учи-
тельлы шуис:

— Иван Алексеевич! Водзѳ нуѳд
урок, а ме эстѳн пукалышта!..

Смотритель тѳрмасьтѳг, ньѳжйѳ-
ник муніс медся бѳрѳ да пуксис
прѳст лабич вылѳ.

— Талун мяян, челядь, пеніе
урок. Кутам веллѳдны гамма!—

класслы шуис учитель, тшөтш и смотрительлы мед лои гөгөрвоана, мый кутасны велөдны. Дөска вылө мелөн гижтис нотной стан, скрипичной ключ рисуитис, нотаяс гижис өти до-сянь мөд до-өдз, висьталис, гөгөрвоөдис, мый ставыс тайө лоө, сэсся шуис:

— Челядь! Кывзөй, кызди ме кута сывны, сідзи жө ставныд сывлөй.

Куратов лөсьөдыштис русыд юрсисө, перйис пинжак морөс зептыс камертон, тринкерис сийөн, кывзыштис шыалөмас да сывлыштис:

— До-о-о-о!.. Со, этайө нотаыс тадзи шыалө. Ме бөрся тшөтш вай сывлөй.

Велөдчысыяс, первойсө полигтырйи, сэсся збойджыка нин сывлыштисны став классөн учитель бөрся:

— До-о-о-о!..

— Бур!— ошкыштис Куратов. Велөдчысыяс нимкодя нюммунисны.— А өни кывзөй: ме сывла этайө мөд нотасө. Тайө — ре-е-е!

— Ре-е-е!— збойджыка нин сывлыштисны велөдысыныс бөрся челядь. Пенне урок налы сьөлөм вылө воис.

Тадзи нота бөрся нота сывлысны классөн ставнас гамма: до, ре, ми, фа, соль... Мыйкө дыра кезлө мытшасылысны «фа» нотаө. Комияс сёрнын «ф» шыыс абу да, быдөн ас ногныс шуисны «фа» пыдди «па». Учителы вель дыр ковмис мырсыны, велөдны челядьөс шуны «фа». Отчид весиг видзөдлис смотритель вылө, киясө паськөдлис: со пө, аддзан, кызди артмө?! Протонерей сөмын дөзмөмөн малыштис асыыс паськыд тошсө, синнас шуис: велөд пө, водзө велөд вай...

«Фа» нота дыр эз сетчы челядьлы. Учитель тшөктис гортын велөдны, медым артмыны кутас. Тадзи нота бөрся нота сывлысны классөн некымын пөв ставнас гамма. Эз быдөвлөн бура артмы, но велөдыс век жө ошкышталис:

Бур пө, бур!.. Велаланныд да артмыны кутас.

Куратов казавны кутис — челядь мудзисны, бергавны пондисны, гусьоник кильксыны-серавны.

Заваринлөн пиис, батыслөн кодь жө пашкыр еджов юрсиа, лөз синма Веня урок шөрын друг сувтис да юалис:

— «Соль» нотаыс нө сов али мый?..

Веня вомсө вөчалө, серамсө кутны оз вермы, дурыштны телепит. Детиркаыс визув, дыр кезлө инас оз өшйы, кок пыдөссө кульпиян гильөдөны. Класс ланьтөма, виччысьө, мый шуас велөдыс сывлөн дурөм вылө.

Учитель гөгөрвоө — мудзөмаөс челядь, сералыштны налы колө. Нюммунис, шуис Веня Заваринлы да класслы:

— «Соль» — ноталөн сэтшөм ним. Сийөн шыд он солав. Тэнад мый нимыд?

— Веня! — збоя вочавидзис Заварин.

— А тайө ноталөн — «соль». Ноко сывлышт, кутшөмджык сийө, сола абу?

Заварин вомсө восьтылис сывлыштны, но тшөкмунис да яналөмөн ланьтис, гөрдөдис пель йылөдзис, юрсө увлань лэдзис.

Класс сералыштис да ланьтис. Куратов тшөктис пуксыны Венялы, шуис класслы:

— Вай сэсся шойччыштамө, челядь! Шойччигмоз кывзөй, ме висьтала библияыс дженьыдик висьт.

Виччысыштис, кор челядь ланьтасны, кутис висьтавыны водзө:

— Важөн овлөма-вывлөма Самсон. Некор абу юлөма вина, абу шырлөма юрси, вөлөма зэв өн. Коркө паныдасыөма сылы лев зверь да Самсон чашвартөма сийөс... Горш да наян филистимляна полисны Самсоныс, вежалисны сылы, көсийсны вины. Самсонлөн вөли гөтыр, филистимлянка Далила. Найө көсийсыны сылы сетны уна зарни да эзыс, төдмалас кө да висьталас налы, мыйла Самсон сэтшөм өн? Мудер да наян Далила меліалөмөн кутас юасыны верөсыслыс. Самсон ылас, висьталас сылы:

— Выной менам юрсиын. Шырны кө юрсисө, лоа кага кодь вынтөм.

Самсон кор унмовсяс, гөтыр гусьоник шырас шыранөн сылыс юрси, сэсся горөдас:

— Самсон! Вөрөгъясид локтоны, вины кәйсәны!..

Самсон уськәдчас вөрөгъяс вылө, но найө унаөнөсь, вермисны сийөс, личкисны, дорисны ки-кок, перъялисны синъяссө, тойыштисны пемыд му тюрьмаө. Дыр сәни видзисны сийөс.

Сәсся коркө кутасны пируйтны найө. Коддзасны, тшөктасны рабъяслы вайөдны Самсонөс, мед пө гажөдө найөс, арфаөн ворсө да сьылө.

Вайөдисны Самсонөс пируитанинө, ыджыд да джуджыд палатаө, көни гажөдчисны филистимляна. Синтөм багатыр кутис ворсны арфаөн да сьывны сьыланкыв, кодөс сылы ичөт дырйиыс сьывлис мамыс. Но код юра гулякаяс омөля кывзисны, сералисны сы вылын, тешитчисны да нартитчисны.

Самсон пыр терпитис. Некод эз төд, мый сылөн керсьө сьөлөмас, кыдзи вирыс пуө нартитысьяс вылө. Некод эз казьяв — бөр нин быдмөма сылөн юрсиыс да содөма важ выныс.

Отроклы, кодi вайөдис синтөм великанөс му тюрьмаысь, Самсон тшөктис:

— Нуөд менө, бур пи, столбъяс дорө, кодъяс тай пыкөны матичасө. Мышкөн ләдзчысьөмөн сәни кута ме ворсны. Ачыл мун өдийө татысь.

Отрок нуөдис Самсонөс столбъяс дсрө. Самсон сывйыштис кык медгырысь столб, горөдис:

— Варкалөй ставныд, мустөмъяс!

Быдөн повзьөмөн видзөдлисны синтөм великан вылө. А сийө кыдзи тай зөлөдчас, кыкыштас столбъясө! Варкмунис-пөрис коромина, ставсө личкис ас улас да виис...

...Класс шы ни гу олис, некод оз вөрзьөдчы, оз лолышт. Велөдчысьяс виччысисны, мый ещө шуас учитель. Сәсся Веня Заварин негораа юалис:

— Самсоныс нө ачыс мый лон?

— Самсон?— Куратов лөсьөдыштис кинас шылыд юрсисө, ышловкерис да шуис:— Кулис сәтчө.

— А мыйла сийө тадзи вөчис?— юалис кодкө школьникъяс пиысь.

— А ти кыдзи чайтанныд? Ноко, кодi медсюсь, кодi кужас висътавыны — мыйла?

Кисө ләптис Веня Заварин, сувтис да шуис:

— Самсоныс меным жаль: виис мустөм вөрөгъяссө, тшөтш и асьсө!

— Да, сийө вөли ыджыд сьөлөма морт, эз повзьы! Бурджык пө кувны, но не лоны рабөн, не терпитны нарт!

Кылис звөнок — урок помасис. Мөс джыньяно стөрөж болөдчыштис, кылө, өдзөс сайын. Челядь зэвтчисны котөртны гортө.

Учитель Куратов индис, мый лыддыны школьникъяслы гортын, кутшөм примерьяс решитны, шуис:

— Позьө мунны гортө!

Челядь араваөн петисны классысь.

— Досвиданье! — прөщайтчисны найө учителькөд да смотрителькөд. Недыр мысти дзользисны нин ывлаын, мачасисны лым маच्याсөн, вермасисны да дурисны, чукөрмөм вынысьө песисны.

— Челядь — челядь и эм. Быд школаын өткодьөсь. Асьным сәтшөмөсь вөлим, дурим и ворслим юр кольмытөдз!— серөктигмоз шуис Куратов. Сийө чукөртис пызан вылысь книгаяс, классной журнал, пукталис шкапө, игналис. Чужөм сертиыс төдчө — виччысьө, мый шуас смотритель?

Протоиерей Кокшаров кыкис пөдрасник зепсьыс ыджыд пу сынан, өшинь дорө сувтөмөн сыналыштис пөрысь нывбабалөн кодь гежөдман, еждыны нин лөсьөдчан кузь юрси лөзьяссө, пөлыштөмөн весыштис сы вылысь өшийөм юрси да кильсө. Сылөн юрыс вөли зэв кильөсь, кыкнанладор пельпомас пызыштөмөн куйлис, зывөклун петкөдлис Куратовлысь.

Иван Алексеевич тшөтш локтис сы дорө, кутис өшинь пыр видзөдны ывлаын дурысь челядь вылө.

Первой классын велөдысь Иннокентий Попов урок помасьөм бөрын восьтис классө өдзөс, кыйкнитлис-видзөдлис, мый вөчө смотритель, прөщайтчис юрсө улө копыртлөмөн, бөр пөдлалис өдзөс, мунис. Найө колины кыкөн. Стөрөж кытчөкө петөма жө.

Форменной школьной сюртук, гладитөм брюки, кокас щөблетьяс — ставыс кыз колө. Ачыс шөрпөлөс

тушаа, шылъыд, лӧсьыд чужӧма; юрсисӧ тшӧтшкӧртӧма, бритчӧма, крукасьны некытчӧ.

— Ме кывза, Вонифатий Георгиевич!— негораа шуис Куратов да кинас лӧсьӧдыштіс русыд юрсисӧ.

— Мый тэныд шуны, дона Иван Алексеевич!— мыйкӧ дыра мысти гӧллӧссӧ сетіс смотритель да бара пӧлыштіс гырысь пиня сынаныс вылӧ.— Урок дырйи уна сёрнитӧны комиӧн. Иннокентий Степанович меным висътавліс нин та йылысь. Талун ме ачым кывзі — уна, лишнӧй уна сёрнитан. Абу бур сідзи.

— Сэсся нӧ ӧти коми кыв не шуны, кӧть эськӧ челядь нинӧм рочнас оз гӧгӧрвоны? Мый оз гӧгӧрвоны, ме комиӧн налы висътала! Абу ӧмӧй сідзи бурджык, Вонифатий Георгиевич?— юалис смотрительлысь Куратов.

— Бурджык ли, абу ли, Иван Алексеевич, эм школьнӧй устав! Сідзи тшӧктӧма мянлы, быть кывзысь. Кывсяс кӧ Вӧлӧгдаӧ, лӧк вермас лоны и тэныд и меным,— тӧдчӧдіс гӧллӧснас Кокшаров. Куратов лэптыштліс пельпомсӧ, нинӧм эз шу. Сійӧ гӧгӧрвоис: мӧд ног вӧчны смотрительлы эз и позь, пыр эськӧ лэбыштіс ас местасьыс, а, вермас лоны, и протоиереялӧмысь. Кодлы нӧ окота шоныд да пӧтӧса места воштыны?..

Найӧ недыр чӧв олыштісны. Кокшаров сэсся сюся видзӧдліс Куратов вылӧ, юалис:

— Да, со мый ещӧ, Иван Алексеевич! Мыйла пение урок вылын друг думыштін Самсон йылысь висътавны?

— Мудзисны челядь, шойчӧдыштыны кӧсйи,— шуис Куратов.— А мый лӧкыс? Библейскӧй притча...

— Библейскӧйнад эськӧ, гашкӧ, библейскӧй, Иван Алексеевич, сӧмын сәні мӧдджык подулыс, религиозно-нравственнӧй.

— Вонифатий Георгиевич! Самсон жертвуйтӧ аслас олӧмӧн, медым вины нартитысьяссӧ — тайӧ ӧмӧй безнравственнӧйтор?

Протоиерей бара сюся видзӧдліс Куратов вылӧ, дорлӧдлыштіс юрсӧ, шуис дивитӧмӧн, велӧдӧмӧн:

— Аддза, век на семинарскӧй дур

мӧвпъяс ветлӧны юрад, зон? Кад нин и энотчыны. Ме аслам дур юра пины, Петрушалы, тадзи жӧ доля: дугдӧй, ради бога, том войтыр, дугдӧй! Мый кӧсьяныд, мый тӧянлы колӧ? Критицизм висъӧмыд зэв ӧпаснӧйтор! Мӧдысь жалитны кутанныд да сёр лоӧ. Матын пӧ эськӧ гыррдза да он курччы!.. Вот таысь, Иван Алексеевич, ме кӧсья вӧлі ӧлӧдны. Ладнӧ, ме, шуам, пель пыр лэдза, синмӧс куня, ог кыв, ог аддзы. Эмӧсь ӧд сюсьджык синма да пеля йӧз! Иннокентий Степанович, шуам...

— Тӧда,— шуыштіс Куратов.

— Тӧдан кӧ и бур. Вермасны и менам юр вомӧн Вӧлӧгдаӧ юӧртны. Да и асланым йӧз нин карын кутісны меным гарыштавны: учитель Куратов пӧ бӧръя кадӧ шоча кутіс вичкӧй волыны.

— Иннокентий Степанович, кӧнкӧ, сідзи зільӧ?

— И сійӧ, и мукӧд на,— дӧжыштіс Кокшаров да ышловкерис.

— Мыжа, Вонифатий Георгиевич! Войын дыр уджала гортын, грамматика кӧсья помавны ӧдӧджык, сэсся и узьсьӧ. Асывнас дыр ог садьмы,— серӧктыштӧмӧн дорйысьыштіс Куратов.

— Вот, вот! Менам Петруша... Петр Вонифатьевич,— здук дыра кезлӧ мытшасьліс смотритель,— сідз жӧ дольӧ: узьсьӧ пӧ, папа. А кар мян абу ыджыд, быдӧн тыдалӧ. Йӧзыс ӧд аддзӧны да шӧпкӧдчӧны: со пӧ кутшӧмӧсь найӧ!— Кокшаров ланьтыштліс, сэсся содтіс:— Духовно-приходскӧй школаса учительлы, Иван Алексеевич, быть колӧ ветлыны вичкӧй. Ачыл гӧгӧрвоан: быть!.. Мӧд ног, учитель вылӧ видзӧдӧмӧн и челядыс сылӧн дугдасны ветлыны да юрбитны. Сідз али абу?

— Гӧгӧрвоа, Вонифатий Георгиевич! Ньӧръялыштыны колӧ менӧ, ньӧръялыштыны...

— Мыйсюрӧысь кӧть и ньӧръялыштӧма! Висъталӧны — том войтыркӧд бурлачитан, сылан, йӧктан, чеччалан, качай вылын ганьялан.

— Ог соссы: чеччавлі. Вӧлі сәтшӧмтор. Оз позь?

— Иван Алексеевич! Думышт ачыл: учитель петӧма да тшемилӧ песӧ!

— Мый сэн лёкыс?

— Школьной устав оз тшөкты! Учитель эм учитель, и оз шогмы сылы прөстой йөзкөд гудрасьны. Ме зэв ёна кора өвсыштны!..

— А ме ёни ог эшты да гортысь ог петавлы!— шуис Куратов.

— Вот и бур!— ошкыштіс смотритель Кокшаров.— А ещө бур, кутар кө вичко хорын сьывны. Висьталёны, гөлөс тэнад мича, лөсьыд. Карса начальство, земской исправник эськө кутшөма ошкыштісны.

— «Многая лета!» славословитны? Көть мый вөчны тшөктөй, но не тайөс! Мездөй, пожалуйста, ёна зэв ксра, Вонифатий Георгиевич!

— Он кө и эн, мый тэкөд вөчан!— протоиерей паськөдліс княссө да мудзөмпырысь ышловзис татчө. Тайөн петкөдліс — налөн сёрни талун кезлө помасис. Шуис:

— Но, ладнө, ен тэкөд! Менам лор ставсө висьталөма, Иван Алексеевич! Некытчө нинөм гижны ог кут, но төд: мян лон сёрнитөма, сэсса ачюд төдан!— сёрнинысө гөгрөстөмөн шуис Кокшаров да лөсьөдчис мунны.

— Вонифатий Георгиевич, пояз юавны?— сувтөдіс сійөс Куратов.

— Кывза, бур пи! Мый ещө?— морөс вывсьыс эзысь распятиесө лөсьөдыштіс да учительлань бергөдіс юрсө смотритель.

— Карын өкмыс кабак. Видзөдлөй, мый вөчсьө тайө кабакъяс дорас? Туплясьоны код йөз, вөкыд петө видзөдны! Мукөдыс медбөрря лөпөтьсө нуө да юө. Төнлун паныдасис Иван Заварин. Дзикөдз юсьөма мортыд, а өд кутшөм төлка да сюсь морт вөлі?— сьөлөмяныс кутіс висьтаваны Куратов.

— Заварин янөдө вичко, ставнымөс мянөс. Ме тшөкті вөтлыны, матө не сибөдны!— югыд набалдашника бедьнас джоджө зутшнитіс протоиерей.

— Ме мөвпала котыртны карын трезвенникъяслысь общество. Благөслөвит, отче!— юрсө копыртлөмөн шуис Куратов.

— Общество?!— чуймөмөн юалис Кокшаров да бара сюся видзөдліс учитель вылө, дурө сійө али збыль шуө? Но учительлөн синъяс видзө-

дісны збыльсь, некутшөм тешитчөм эз төдчы.

— А мый кутас вөчны тайө обществоыс?— век на прамөя вериттөг юалис протоиерей.

— Йөзыслы кутам висьтавлыны, кутшөм лөк артмө вина юөмысь. Пояз вичкоын проповедь висьтаваны...

— Вичкоын ен нога проповедьяс колөны, а не вина юөм йылысь!— тшупыштіс Кокшаров.

— Но өд ачыс Христос ваысь вөчліс вина!— мудера дөжныштіс Куратов.

— Татчө тайө дзик оз лөсяв, мөд сёрни... Ог төд, мыйкө бур артмас оз сійө обществоыс?! Бурджыка думыштылыны колө!

— Петр Вонифатьевичкөд ми думыштім нин...

— Ти, со, думыштөмныд, а ме — эг на!— писө гарыштөмысь дөзмис Кокшаров.— Ог гөгөрво: мый тиянлы оз овсы мукөдлы моз?

— Лөктор али мый вина юөмкөд вермасьөмыд! Мыйта шог да синва вайө вина! Кымын морт сотчө вина юөмысь! Кымын семья жугалө! Сирөта кымын кольө!— пондыліс важ дорысь пөсьджыка на висьтаваны Куратов, но протоиерей паныдаліс:

— Ме нө шуи оз ков вермасьны? Тслкыс кө мыйкө лоө — видлөй. Сергам вылө мед оз лэптыны-а! Амины!

Кокшаров юрсө копыртлөмөн прөщайтчис Куратовкөд, мөдөдчис өдзөс дорө.

— Став бурсө тиянлы, Вонифатий Георгиевич!— вочавидзис Куратов. Смотрительлөн кушман юр пыдөсыс кытчөдз эз берд өдзөс сайө, пыр сулаліс вежавидзөмөн. Пөдлассис өдзөс да, бөр муніс өшинь дорө.

Өшинь пыр тыдаліс, кызди вичко дорө ворсны локтөмаөсь тшөтш земской школаын велөдчысьяс. Зыкыс да шумыс кык мында лоөма сәні. Кузь, ош ку пася протоиерей Кокшаров петөма нин ывлаө, аслас бедьнас тотшкөдчигтыр лөсьөдчис петны өграда сайө. Челядь аддзисны да ланьтыштісны, вежавидзөмөн чөв колльөдісны сійөс синъясананыс.

Протоиерей петіс вичко өграда сайө, соборлань чужөмөн бергөдчис да пернапасасис, тэрмасьтөг мөдөд-

чис гортлань. Талун кежлө удж сы-
лөр эшти.

«Гижас али оз Вөлөгдао ставсө,
мый меным талун висьталис?»— пыр
ылөджык отдальтчан смотритель-
лысь паськыд мышсө видзөдіс да
мөвпаліс Куратов.— Эз эськө шу
гижны, но... Иннокентий Степано-
вич, Иннокентий Степанович!»...

6.

Протоиерей мунөм бөрын Кура-
тов княссө морөсас кресталөма, пе-
льосысь пельсө ветлөдлышти клас-
сын. Тадзи сійө вөчлө, кор сьолөмыс
мыйыськө вөрзьялө, тэрыбджыка
заводитө пессыны. Смотрителькөд
сёрни збылысь шызьөдіс сійөс, көть
эськө сы дырйи нинөмөн эз көсйи
петкөдлыны ассыс дөзмөмсө.

Видзөдтө, школьнөй устав, оз пө
позь учительлы том йөзкөд сы-
лыштны, качайөн лайкъялыштны,
гажөдчыштны накөд! Мый нө сійө
вөчис лекторсө, чеччалан пөв вылө
кө сувтліс да чеччалышти недыр?
Абу өд сө арөса дед! Кор лоө сэтшө-
мөн, сэки небось сира гезйөн он
кыскы пөрысь мортөс качай пөв
вылө.

Аслас соборас церковнөй хорын
керө сывны. Аддзөма певчөйөс, ко-
ді кутас вичко тырөн равзыны
«Многая лета!» куш юра самодер-
жецлы да императорскөй семьялы.
Йёзыс кутасны шуны: со пө учитель
Куратов кутшөма зильө, кутшөм ен
төдысь морт!..

«Мудер пөрысь Кокшаров, ёна му-
дер!»— мөвпаліс Куратов, сөсся пук-
сис пызан сайө, листалышти класе-
нөй журнал, медым такөдыштны
сьолөмсө.

Ен төдысь морт... Увы! Коркө на
ичөт дырйиыс ёна юрбитліс да кев-
мыліс енлы сійө, Кебраса дяк пи.
Весиг прислужникавліс вичкоын.
Пасьталас парчаысь вурөдөм при-
служниклысь кузь дөрөм, нимкодъыс
вом тыр! Кадилө пестас, сэтшөм чөс-
кыд да лөсыд ладан тшын пурк-
йө!.. Ичөт да йөй вөлі...

Гортса вичкоын челядь кадө уна-
ысь сійө сулавліс пидзичаньөн, му-
көдъяс моз жө видзөдіс Христос лик

вылө, клёнгис-копрасис, шөпкөдіс
вомгорулас:

— Господьой! Прөстит менө, гре-
кө вөйөм мортөс!..

Тадзи кевмысисны да юрбитісны
гырысьяс. На вылө видзөдөмөн
тшөтш клёнгис-юрбитіс и сійө, өк-
мыс арөса детинка.

Быдөн гырысьяс мыйлакө коньорт-
чөны ен водзын, быттьө кутшөмкө
ыджыд мыжъяс вөчөмаөсь, корөны
енлысь прөща.

Быдмышти да өтпыр юалис ыджы-
д мамлысь:

— Ме некутшөм мыж эг вөч, а ко-
ра енлысь прөща. Мыйла нө колө
тадзи вөчны?

— Сідзи быдөн вөчөны. И тэ, ди-
тя, сідзи жө вөч!— шуис ыджыд
мам.

Тешкодъ кажитчис, но вөчис, кы-
дзи велөдісны гырысьяс.

Яренскын кутіс велөдчыны да та-
шөм мөвпясыс пыр тшөкыдджыка
кутісны локны юрас:

— Мыйла енмыс сэтшөм лек да
скөр, быдөн сыысь полөны?..

— Ставсө кө кылө да аддзө ен-
мыс, мыйла оз бырөд му вылысь
шөгсө да синвасө? Кымынөн тшыгъ-
ялөны, висьөны, кулөны, а ен видзө-
дө, оз отсышт налы...

— Мыйла гөльяс век мыжаөсь,
а коді озыр — сійө прав? Мый ен-
мыс видзөдө?

— Көні олө сійө, кымөръяс вы-
лын али көні оланіныс сьлөн?

Яренскөй бурсаын велөдчысьяс
мыйсө оз вөлі сөрны горш да наян
поп-дяк йылысь, кодъяс йөзсө гре-
көв повзьөдлөны, а асьныс видз
дырйи нөк чунялөны, йөвваа шыд
панялөны, шаньгаяс куснялөны.

А өтпыр сэтчөсса дякөн юөма садь
быртөдзыс, пырөма неважөн дзөбөм
поп гу весьтө вөчөм чом кодъ пытш-
кө да войбыд буалөма сэні, повзьөд-
лөма йөзсө...

Сэні жө, Яренскын, өтпыр кодъяс-
кө жугөдөмаөсь вичко өшинь, гусьөн
пырөмаөсь вичко пытшкө, быдлаті
ветлөдлөмаөсь, вөлтәрө волөмаөсь
и, кытчө поплы кындзи некодлы оз
позь весиг тувчыны. Лысьтөмаөсь
тай кодъяскө, абу повзьөмаөсь гим-
ньов лыйөмысь; прөскур сөйөмаөсь,
вичко вина юөмаөсь, кадилө пышйө-

дöмаoсь и быдтор. Мый корсисны, кодъяс сідзи лысьтöмаoсь вöчны, эз и сюрны. Обедня помö амвон выв-сянь поп висьталіс проповедь: ен пö накажитас мыжаясö, богохуль-никъясöс вичко пежöсьтöмысь.

Бурсаын велöдчысьясöс сэки став-нысö вайöдісны вичкоö, тшöктісны кывзыны проповедь. Сэсса поп кутіс дарйöдны быдөнöс торйөн, юасис:

— Тэ пыравлін?

— Эг!— шуалісны быдөн.

Бурсакъяс быдөн сэки сюся видзöдісны, оз-ö мыжаясö енмыс кыдзкö накажит вежа причастие во-маныс босьтігөн: гашкö, друг гы-мыштас да чардыштас на юр весь-тын; гашкö, кок ув муныс сыркмунö-вöрзяс; гашкö, ещö кутшöмкö чудö лöö.

Причастие ньылыштісны и мыж-тöмъяс и мыжаяс, но нинöм сэтшö-мыс эз ло. Некодлөн ки эз косьмы ни, кывйыс эз быр ни, кызди кöс-йысьліс аслас проповедьын югыд ризіа священник.

«А, гашкö, ставыс тайö ылöдчöм, сёрöм, повзöдчöм, лицемерие?»— думыштіс сэки том бурсак Куратов. Йöзыс му вылын мыйта! Кыдзи быд морт бөрся енмыс вермас видзöдны да кыйöдны, мый сійö вöчö!..

Ичöт дырйи Куратов зэв ещö вöлі енлы кевмысь. Чайтліс — мый оз вöч да мый оз кер, сыкөд орччөн век су-лалö аслас ангел-хранитель. Гы-рысьяс сійöс велöдлісны тадзи мөв-павны да эскыны. Мукöд дырйи вöлі сэтшöма кевмас-юрбитас енлы, дась кöть öні жö кувны да мед ангелыс лэбзьöдас сылысь ловсö ыджыд да вежа ен водзö..

Кымын быдмис да вежёрсявны кутіс, татшöм ен нога думъясыс пышйыны кутісны сьölöмсьыс, кы-дзи и челядьдырся мукöд ылöга иллюзияяс да чайтöмъяс. Вöлөгдаын велöдчигөн книгаяс, художествен-нöй литература, материалистиче-скöй философия да естественнöй на-укаяс дзикöдз восьтісны сылысь син. Олöм визулыс вочасөн пыркöдіс-ну-ис юрсьыс став дур чайтöмъяссö.

Вичкоса обрядьяс, висьтасьöм, дарьясьöм, молитваяс — ставыс лöж, ылöдчöм, лицемерие, син пёр-тöм. Öти паньөн дарйöдöны и лөк

висьöмөн висьысьöс и висьтöм мор-тöс. Тадзи нö позьö?

Ловсö лэдзас озыр купеч, коді ылöдчöмнас озырмöдчыліс. Быдөн тöдöны ловья дырйиыс кутшöма сійö нартитчыліс, йöзлысь вир юис. Кулас да сьылöдасны-колльöдасны бура да озыра, райö мөдöдасны, гуа-ласны вичко алтарь водзö, мича па-мятник сувтöдасны. А голь мортöс дзебасны кытчöкö ылöджык син вод-зысь, шойна пельсö. Сылы рай öдзöс пöдса.

И сідзи быдлаын, олігөн и кулöм бöрын, йöзыс некор абу öткодзьöсь ни вичко водзын, ни ен водзын, ни государство водзын.

Помнитö Куратов, семинарияын велöдчигас на ру локтіс юрас да ырьянитны пондыліс, эз мун дарьясьны. Настоятель казяліс, локтіс, юаліс сылысь:

— Отрок Куратов, мыйла он кöс-йы дарьясьны?..

Мый шуны сылы? Висьтавны весь-кыда — «Ог кöсйы лицемеритны, ылöдлыны ачымöс и мукöдъясöс? Кöсья лоны веськыд сьölöма, бур мортөн!..» Гөгөрвоасны öмöй сы-лысь сьölöм кылöмсö?! Шуасны: та-йö пö богохульство, крамола, ере-тиклөн сёрни. И ещö на быдсяма-торсö шуаласны. И не сöмын шуа-ласны, но и ёрасны, лөкджыктор на вöчасны. Татшöм мөвпьясьыс этша-öс öмöй вичко мыжаліс, судитіс, ве-сиг сотіс бипур вылын?! Коперник, Бруно, Галилей... А öд найö правöсь вöліны!..

И век жö сійö, бөрья воясö семи-нарияын велöдчигөн нин, шуис ас-лыс: тырмас ачымöс ылöдлыны! Лоа сэтшöмөн, кутшöм ме эм!

Шуис да дзикöдз тойыштіс сьölöм бердысь ставсö, мыйөн эз вöv сöглас. Та бöрын лов вылас лои кык лöсьыд да кокни. Сы бöрын бура нин тöдіс, кытчö, кодарлань сылы мунны да мый вöчны. Духовнöй карьеракöд лон дзикöдз помалöма сылөн. А кы-дзи водзö лöö — олöмыс петкөдлас. Сöмын öтитор öні тöдіс: оз ло кокни сылы. Да öд не öтнас сійö сэтшöмыс. Чернышевскийöс аслас идеяс вöсна Петропавловскöй крепостью йөртö-маoсь, каторга сійöс виччысьö, но мортыс оз копырт юрсö! Колö лоны

сы кодъ жö ёнön ловнад, муны сэт-чö, кытчö сьöлöмыд да вежöрыд корö...

Самсон! Тайö библейскöй образыс не первой лун нин желлясьöма сылы вежöрас. Самсон йылысь гижöны унаön. А сийö, коми поэт, кöсийö ас ногыс вежöртны да гижны, кулыштны религиознöй эждöсö сы вылысь, петкöдлыны йöзыслы дзик виль нога поэтической образ: медым позис сылысь велöдчыны овны! Самсон оз кöсийы лоны рабön, кулö, но оз пöкöритчы! Со мый медсяыс тайö образын!

И эз весь сийö талун пöрысь Кокшаров дырйи висьтав челядлы библейскöй притча. Сылы колö вöли тöдны, мый шуас уна тöдысь-кужысь Троицкöй соборса протоиерей?

Колö гижны Самсон йылысь кывбур, но сідзи, медым библейскöй притча виль ног кутіс шыавны: Самсон сувтö нартитысьяслы паныд! Кокшаров, пöрысь руч, гөгөрвоис, буракö, кытчö витö поэт. Но öд тайö библейскöй притча, он крукась...

Мöдтор ещö майшöдліс учитель Куратовöс: висьталас али оз смотритель Кокшаров асьыс мөвпьяссö вылынджык сулалась начальство-ль? Гижас али оз Вөлöгдаö, семинарияса правлениеö, кызди ачыс доньялö сылысь учительскöй удж?.. Эз эськö шу гижны, но код тöдас. Öти ног кö, сылön пиыс, Павел Вонифатьевич, Куратовлы матысса ёрт кодъ. Кутас-ö удтысьны морт вылö, кодкөд дружитö пиыс?

Мöдарсянь кö видзöдлыны, бать радейтö асьыс писö, коді кутшöмакö лякөссьöма нин крамолаön, полицейскöй надзор улын олö. Медым янсöдны кык другöс, водзö видзны лекторйысь писö — тайö чувствоыс вермас тойыштны смотрительöс удтысян туй вылö. Да ещö кок улын гартласьö Иннокентий Степанович, коді вермас вузавны, синнас оз лапнет. Көть эськö и сюйсьö другасыны, а бурджык ылöджык сыысь сулавны.

Куратов чувствуйтис, сьöлöмнас кыліс — бөръя кадö чукөрмыны кутісны сы весьтын кымөръяс: пöлöса кутісны сы вылö видзöдны и полицейскöй управлениеысь чиновникъяс.

Төнлун карса библиотекаö пырис штатскöй паськөмön Левицкий, видзаасис, шуис, быттьö книга кöсийö босьтны лыддыны. Лукйысьыштис кыгаяс сулалан шкапын, листалыштис öти-мöд книга. Син сертиыс тöдчö — эз книгала лок сийö. Видлаліс пызан вылысь журналъяс, газетъяс, сэсся шуис:

— Господин Куратов! Ме кöсья öтитор юавны. Позяс?

— Пожалуйста! Мыйön верма лоны пöлезнöйön?— юалис Иван Алексеевич.

— Ме видзöда да, пыр öтдортчаньд миян обществоысь. Мыйла?

— Кутшöм обществоысь?

— Миянысь, карса чиновникъясысь! Быд вöскресеньё ми чукөртчылам рытнас чай юны либö Михаил Николаевич Латкин ордö, либö окружнöй начальник Хаманетов ордö. Мыйлакö ме некор ог аддзывлы тянöс сэтысь. Оз во сьöлöм выланьд миян общество? Мый вöсна?

— Мыйла сідзи сёрнитанныд! Делöыс зэв прöстöй: меным нинöм сэні вöчны. Картіön ме ог ворс, анекдотъяс висьтавлыны ог жö куж!— вочавидзис сылы сэки, сэсся содтис серöктігмоз:— А чайсö ме и гортын верма юны пöттöдз...

Левицкий чöв видзöдыштис да шуис Куратовлы:

— Тöданныд-ö, ме кöсья висьтавланы бур сөвет: энö кедзөвтöй миянысь обществонымöс! Сийö оз вунöд, оз прöстит татшöмтортö!..

— Ме ог сы вöсна, абу кедзөвтöм вöсна. Прöстö меным некор, уджöй зэв уна!— шуыштис Куратов.

— Миянкөд онö эштöй олыштны, а мукөдкөд эштанныд? Кыдзи тайöс гөгөрвоны, дона Иван Алексеевич?

— Ме ог тöд, коді да кытысь менö аддзывлöма. Училищеысь да библиотекаысь кындзи ме некытчö ог ветлы, пыр гортын.

— А Войнаральский? А полякъяс?..

— Войнаральский мукөд дырйи волö книгала, но шоча зэв. Сийö господин Латкин ордын уджалö. А полякъяс, кодъяс Казаринова ордын, олöны шы ни тöv, некодлы оз дözмöдчыны...

— Политическӱ ссыльнӱяс найӱ, господин учитель!— гӱлӱснас тӱдчӱдӱс Левицкий да вӱрзӱдлӱс чуньяснас ассыс ӱс йыла гӱрдов усьяссӱ, сюся видзӱдлӱс Куратов вылӱ, мый сӱйӱ татчӱ шуас.

— Ме ог тӱд, мыйыс найӱс ыстӱмаӱс. Карса полицейскӱ магистрат тшӱктӱма налы овны Казаринова ордын. Ставыс законнӱ. Сӱсся ӱд найӱ асьныс олӱны, ме ачым жӱ. Тӱрам, жерка ыджыд. Ме кындзи Казаринова ордын врач Джебевский, учитель Кичин. Волӱй видзӱдлӱй коркӱ...

— Вот тайӱ мӱд сӱрни!— гажаа нин горӱдӱс Левицкий, быттьӱ учительлӱн бӱрря кывъяс воисны сылы сьӱлӱм вылӱ.— Вола, коркӱ дерт жӱ пӱрӱвӱла видзӱдлыны! Менам важӱн гаж петӱ бурджыка тӱдмасьны господин сочинителькӱд... Вай гижӱй меным ӱтайӱс,— тшӱктӱс Левицкий да мыччис «Весельчак» журнал.— Гӱтыр менам радейтӱ, дай ачым тшӱтш.

Левицкийкӱд библиотекаын тайӱ сӱрни мыйкӱ дыра кежлӱ колӱс дӱльквидзны сылӱн сьӱлӱм вылас. Сы бӱрын найӱ дыр кодъ ӱз аддзысылыны да, вунны нин кутӱс.

И вот смотритель Кокшаров выльыс шызӱдӱс талун сылыс сьӱлӱмсӱ.

Гашкӱ, сӱйӱ, протонерей, шуалӱс ӱлӱдӱм вӱсна. Но, а век жӱ мый водзӱ вӱчны? Ланьтӱдчыны, кыдзи тшӱктӱны сылы? Лоны мукӱдьяс кодъ жӱ шыльыд-мольыд обывательлӱн, пиньтӱм-гыжтӱм интеллигентӱн, тӱждысьны сӱмын ас вӱсна, аслад кынӱмпӱт йылыс, кыдзи и вӱчӱны мукӱд велӱдчӱм комияс, сӱдз шуана «образованнӱй йӱз»?.. Но татшӱм дуб олӱмнас оз вермы сӱйӱ овны, абу сӱтшӱмӱн чужсьылӱма да мый сӱсся вӱчан. Сӱтшӱмьяссӱ сӱйӱ синнас оз вермы аддзыны. Сьӱлӱмыс кыскӱ на дорӱ, кодъяс петӱмаӱс вермасьны лӱкыслы паныд, видзӱдӱны аскиа лунӱ. Оз, оз вермы сӱйӱ кежны аслас программаыс, кодӱс кӱсйысис матысса вояс кежлӱ.

«Смотритель Кокшаров мед колӱкӱ ассыс вӱчӱ-керӱ, а ме ас ног кута вӱчны!»— думыштӱс Куратов. Дум вылас усис Кокшаров батылӱн

чужӱмыс, кор гарыштӱс сылы вина юӱмкӱд вермасьыс общество йылыс. Дерт жӱ тайӱ, кыдзи шуласны шахматистьяс, «ход конӱм» сылӱн. Ас гӱгӱр колӱ котырты ас войтырӱс, кодъяслы оз во сьӱлӱм выланьыс тайӱ олан ногыс. Сӱтшӱм йӱзыс дерт жӱ сюрасны карыс: Назар Иван Лиза, земскӱй школаын велӱдысьяс, сӱйӱ жӱ Кокшаров Вонифатий, мукӱдьяс и. Ӳткӱн уджавны абу бур. Коми йӱзлы унджык колӱ пӱс сьӱлӱма прамӱй интеллигенция. Сӱйӱ жӱ вермас петкӱдны восьлавны цивилизация пос кузя водзӱ. А вина юӱмкӱд вермасян общество — сӱмын вывеска, мед ӱз крукасьны полицейскӱй управлениеыс Левицкий кодъ чиновникьяс...

Тайӱ мӱвпьясыс Куратовӱс торкис вичко стӱрӱж, ускӱн-тошкӱн тырӱм чужӱма Ӳнтип дядь. Сӱйӱ восьтыштӱс ӱдзӱс, аддзис учительӱс пызан сайыс да, повзӱм, чирӱм гӱлӱсӱн шуис:

— Господин учитель! Ъвлаын челядь косясьӱны! Завьяловлыс писӱ вирӱдз нӱйтӱмаӱс!..

— А-а, дзик пыр ме!— шуис Куратов, тӱрыба чеччис, игналӱс шкапӱ класснӱй журнал, кутӱс пасьтасьны.

* * *

Земскӱй уезднӱй училищевын да приходскӱй школаясын велӱдчысьяс ӱз лӱсъявлыны, пыр мыйкӱ юкисны ас костаныс, ӱльтчисны, тшӱкыда и кссьӱдз волӱсны. Ворсанӱнныс налӱн вӱлӱ ӱти, карса собор дорын. Танӱ гажа, лӱсыйд. Позьӱ и собор гӱгӱр котравны и ва дорӱ лӱччывлыны, шыльыд изъяс чорпӱдлыны — «блин сӱйны». Орчӱн карса сад. Лӱсыйд сӱнӱ дзебсясьӱмӱн ворсны.

Собордорса кушинын мачасьӱны, дзоллясьӱны, чиркӱн ворсӱны, паличӱн кыскасьӱны.

Джуджыд кыр йывсянь позьӱ видзӱдны шӱвк вӱнь кодъ Сыктыв ю вылӱ, кыр горув чеччавны. Став бурыс танӱ челядьлы.

Приходскӱй школьникьяс, танӱ велӱдчисны да, лыддисны асьнысӱ

ыджыдъясөн, көзьеваён, өтдортисны карса чиновникъяслысь челядьёс, нимтисны найёс «земчи-печенчиён» либё «чиль-чольён». Тадзи нимтысисны, гашкё, сы вёсна, мый батыясныс налён радейтисны «лысьтысьны». Лесничёй, казначей, судьяяс, подъячейяс, полицейской чукөр, мукөд гырысь и посни чиновникъяс калымтё кульны ёна сюсьёсь вёліны. А приходской школаын велөдчысьясёс земчияс эльтисны «куття сёйысьясён» либё «паки-какиён», мый ешё нин ёна дөзмөдіс поп-дяк челядьёс. Мукөд дырйи чукөртчасны урокъяс бёрын, заводитасны чужъясьны, ружтоны-кашкёны пёсявтөдз, кытчөдз кодарыскё оз вермы...

Отяслён и мөдъяслён вёліны асланыс юрнуодысьяс. Земчилён сэтшөмыс вөлі уездной судья Волоцкйёлён пиыс, Виталей либё Виталь, кьдзи шулісны асьныс челядь — кузь пиня, би кодь гөрд юрсиа, кузь тушаа зонка, дзик юр вундысь кодь. Сыысь быдён полисны.

Приходской школаын велөдчысьяс кывзисисны прёскурня пиысь, Карпёлысь, коді мастера кужис и петук ног горзыны, и кань моз нявзыны, и лёк пон моз увтчыны. Зэв жё сюсь зонка. Сувтавын кё чукөр на чукөр чужъясьны, Карпё век уськөдчө Виталь вылө, ськөд заводитө бордйысьны. Кок пөв йылын чужъясьёмыс карса школьникъяслөн вөлі медся радейтана ворсөм.

Яренскын велөдчигас Куратов ачыс неётчыдысь бордйысьліс тадзи бурсак чукөркөд. Молитватө помся назгыны дөзмөны челядь, колө налы кызкё выннысө песны.

Өні, стөрөж кор юөртис, школьникъяс пө зыкё воөмаөсь, Куратов сідзи и чайтис: бара челядь чужъясьёмаөсь да косьөдз воөмаөсь, колө янсөдавны найёс.

Но, вөлөмкө, мөдджыктор лоөма налён. Веня Заварин чужөмас кутчысьөма, бөрдө ыджыд ырөн, а чуньяс косттыс вир люзыгө. Челядь кытшалөмаөсь сійёс. Отяяс бурөдөны доймөм детинкаөс, мөдъяс тшетшйысьёны-пинясьёны судья пикөд, Виталькөд, коймөдъяс дорйёны сійёс, дасьёсь кось панны, кабыръяс лэпталёны.

— Челядь, лантьой! Мый лои тиян? — локтис да юалис ызгысь-горзысь школьникъяслысь Куратов.

Учительтө адзисны да, челядь тшөкөб лантьисны, полысьджыкъяс ылөджык вешйисны. Веня Заварин да Виталий Волоцкий колисны воча ныр сулавын. Төдчис, судья пи повзёма жө, чужөмыс блөдөдөма, ачыс оз төд мый вөчны — косясьны уськөдчыны пинясьысьяс вылө, али пышйыны, кытчөдз учитель эз на кватит сійёс шошаөдыс. Виталь лөсьөдчис водзсасыны ськөд.

Но учитель эз лөсьөдчы ськөд вынөн вермасыны, гөлөссө чорзьөдтөг юалис прөстөя, бурысь:

— Ме тэнө төда, Виталий! Висьтав, мый лои тиян?

Судьялён пи сулаліс копыра юра, бугзылясис люкасьысь өш моз, но вом эз восты. Сы пыдди кутис тэрыба висьтавын прёскурнялён пиыс, Карпё, зэв жө збой да сюсь синма шгет, Веня Заваринлён другыс:

— Этайө лёк Витальыс Венялысь парсө поткөдіс. Со тай адзан, господин учитель, сөз гырді!..

Куратов видзөдліс Заваринлысь парсө, тшөктис лымйён мыськыштны чужөм, кияссө; аслас зептысь кыкис сөстөм ныр чышқалан чышъян, сетис детинкалы, мед тупкас сійён доймөминсө. Сэк жө казяліс: судья пи лөсьөдчө утиртны, пышйыны сэтысь. Өдйөдзык кутис киодыс мыжмөм детинаөс, сувтөдіс, кутис юасыны:

— Кытчө тэ, Виталий? Энлы на мун, сулавы. Висьтав меным, кьдзи дойдін Заваринсө? Кучкин мыйөнкө?

— Эг жө... Ачыс тшөктис! — нурбыльтис судья пи.

— Ачыс тшөктис парсө поткөдны али мый? — водзө юасис учитель.

— Виталь көсийсис сакарөн лыйны, а пөръяліс! — бара скойсис висьтавын прёскурнялён пиыс, шег кодь ляпкыдик, но крепыд тушаа Карпё.

— Кьдзи пөръяліс?

— Лыйис этайө ыджыд, сьөкыд сканөн! Со сійө! — Карпё сетис учительлы ыджыд мөс скан.

Куратов ки пыдөсас бергөдлыштис мөс скансө, шуис:

— О-о, мый сьөкта! Пытшкас свинеч, али мый? Синмас кё тайөн весь-

калін, нэм кежлө вермис синтөмөн лоны Заварин! Со өд кытчө вермас вайөдны лёк ног дурөмныд! Нарошнө лыйин али кызди?

— Ачыс тшөктіс!— бара дөжныштис век на пышйыны видзөдысь судья пи.

Юасьом бөрын Куратов бөрья пом гөгөрвоис, кызди налөн артма тайө. Виталийлөн зептас вөлөма сакар тор. Шуөма Заваринлы:

— Колө сакар? Сувт вай, лья квайт воськов сайсянь. Инма ли, ог ли, все равно сакарыс тэнад лоө.

Заваринлы, тыдалө, сакарыд шоча ликмылө, вежыс петіс, шуис:

— Лый вай!

— Чужөмөн мелань сувт!

— Сувта, ог повзы! Лый вай, ме нам лоө сакарыд!..

Но судья пи пөрьялөма, эз сакар терйөн лый, а сканөн, коді зептас вөлөма. Скан колскөма парьяс Заваринлы, вир-сер вөчөма...

— Вот өд тэ кутшөм лёка вөчөмыд!— кутіс шуавны сылы Куратов.— Мыжыд тэнад кык пөвса: пөрьялөмыд дай парсө вирөдз поткөдөмыд! Бур нө тайө?..

Заварин нырсө чышкаліс да шуис:

— Сакарсө мед сетө! Ачыс көсийсис...

— На, босьт, колөкө!— букшасьыс Виталь кыскис зепсьыс да сетіс сылы сакар тор, код вөсна и лыбөма зык-шумныс налөн.— Зэв тай! Мсным мамө бара на сетас!..

— А тэ кор Заваринлысь прөща! Пөрьялін? Пөрьялін! Вирөдз дойдін? Дойдін... Кор вай прөща сы-

лысь!— велөдіс Иван Алексеевич.— Эк пов, ме тэнө ог кут нинөм вөчны. Мунаг гортад да висьтав папыдлы, мед сійө тэнө накажитас. Шу: учитель Куратов тшөктіс тадзи вөчны! Висьталан?

Судья пины некытчө воштысьны. Сылы колө өдйөджык мынтөдчыны татысь, пышйыны. Яндзим өд: земскөй судьялысь писө этадзи янөдөны уна челядь водзын.

— Висьталан?— эз лэдзчысь, пыр юасис учитель.

— Висьтала... — нурбыльтыштис ныр улас Виталь.

— Вот и бур! Водзө некор сэся тадзи эн ворс!— велөдөмөн висьталіс Куратов да тшөктіс разөдчавны, гортаныс мунны челядьлы. Ачыс нуөдіс доймөм Заваринөс больничаө. Сэні мыськисны дойсө сылысь, көрталісны, шуисны: черлыыс дзонь, сөмын кучикыс нөйкмунөма. Регыд бөр бурдас...

— А тэ, Веня, водзө, кытчө оз ков, юртө эн лөсьөд!— гортас колльөдігөг шмонитөмөн нин шуис детинкалы Куратов.

— Сакар көсийс да! Пөрьяліс да!..

— А тэ эн бөбъяв, эн ылав! Первсй бурджыка видзөдлы кок улад, сэся тувччы!—велөдіс сійөс Куратов.

Сэки сійө эз на төд, мый челядлөн тайө дурөмныс мөдысь аслыс чорыда мөрччас. Но тайө лоө сөрөнджык, юр весьтас кор ёнджыка кутасны сукмыны лёк, мисьтөм кымөрьясыс...

Водзө лоө на.

Александр АНУФРИЕВ

УНДЖЫК АС КӨРЫМ

«Ставыс, мый ми виччысям животноводствосянь — унджык яй, йов да мукөд прöдуктаяс,— тöдчö уна сикас да вылын качествоа көрымысь. Оз позь шуны, мый ми асланым уджын ичöt тöдчанлун сетам тайö вопросьяслы, но көрым вöчан проблемасö огö на решайтöй комплекснöя».

Л. И. БРЕЖНЕВ

Уна во сайын Ижма вожын колхозьясса öти председатель шулис меным: «Көрым вöсна колö тöждысьны сідз жö, кызди и нянь вöсна». Тайö абу весьшөрö шуом. Опытнöй веськөдлысь збыль вылö сёлөмсянныс тышкасис көрым вöсна. «Ме верма лöня узьны сöмын сэк, кор тырö көрым чукöртан план», — шулывліс председатель. Көрым йылысь уна бур мөвп ми адзам и кывйöзьясысь и шусьөгьясысь. Йöз кост сёрниись кывлывлан, мый ыжöс оз пасыс, а көрым шонтö; он верд вөвтö — ылöдз он мун; турунды зорöдын — скöтыд бура тövьяс да с. в.

Неважөн «Экономика сельского хозяйства» журналысь ме лыдди: «Көрым вöчөм содтөм да качество бурмөдөм народнохозяйственнöй тöдчанлун серти лоисны талунъя зев тöдчана могөн. Öни көрымыс колö сідз жö, кызди нянь, хлопок, сахарнöй свеклö...» Шуöма зев веськыда. Көрым проблема талун вөрзёдö быдөнöс — дояркаöс и министрöс, скöтникöс и овмөсса директорöс, зоотехникöс и партийнöй юрнуөдысьöс.

Частö меным ковмывлö волыны собраниеяс, совещаниеяс, заседаниеяс, семинаръяс да симпозиумьяс вылö, кодьясöс сиюма видз-му овмөс сөвмөдөмлы. И, пöжалуй, ог помнит сэтшöм мероприятие, көни эськө эз кыптив көрым йылысь татшöм сёрни: «Жеб көрым база падмөдö сөв-

мөдны животноводство», «Көрым тырмытөм да омөль качество вöсна оз сод продуктивность», «Ми эгö вермөй решитны көрым проблема» да с. в.

Шочджыка, но овлөны и мукөд сикас выступлениеяс. Öти республиканскöй совещание вылын ме кывзi Социалистическöй Уджыввса Герой, Көджпомса бригадир Октябринна Михайловна Вежеваöс. Медводз сийö сёрнитіс аслас овощеводческöй бригадалөн делöяс йылысь. А сэсся, водзынджык выступайтысьяскөд вензигмоз, шуис:

— Тані унаөн норасьöны, мый налөн öниөдз абу лөсьөдöма зумыд көрым база, весиг идзас вайöны страна лунвыв областьясысь. Миян татшöм проблемаыс важөн нин абу, уна турун да силос сетам весиг орча овмөсьяслы.

Да, көджпомсаяс оз омөля овны көрымьясөн. Öни му вөдитысьяс уджалöны сылысь качествосö бурмөдөм вылын. Кысь нö сы мында көрымсö босьтöны көджпомсаясыс? Воча кывйыс дженьыд: муяс да видзьяс вылысь. Но öд найö эмөсь быд овмөсын. Сідзкө, делöйс мыйынкö мөдтөрйын? И та вылö позьö вочавидзны дженьыда: му дінö көзьяйскöя матыстчөм. Быд гектар көдза улö (пырöны и кормөвöйяс) көджпомсаяс петкөдöны 50—60 тонна местнöй удобренияяс. Со и босьтöны 150—200 центнерөн веж кө-

рымсö, кодi мунö силос, сенаж да турун пызь вöчöм вылö. Быд гектар бурмöдöм видз вылысь чукöртöны турунсö 30 сайö центнерöн. Пöшти став видзьяссö отделениеын вынсöдöны минеральной удобренияясöн. Кöрым вылö мунöны и сёркниуловьяс, кодьяс сетöны урожайсö 600—700 центнерöн.

Колö индыны и сийö, мый Кöдж-помын пыртöны кöрым заптан прогрессивной технология. Кольöм во став турунсö прессуйтисны. Силос заптисны механизируйтöм отрядьяс. Тывыйö могмöдöны скöтöс ас вöчöм турун пызьöн. Кöрым рационис зэв озыр. Суткинас быд мöслы сетöны квайт килограмм турун, сы мында жö сенаж, 20 килограмм силос, вит килограмм корнеплодыяс. И ставыс тайö асланыс урожайысь. Таысь öтдор, мöсьяслы сетöны концентратьяс. Со и быд мöслысь йöв лысьтöмыс отделениеын матысмö нель тысяча килограммö.

Нянь вöсна моз жö кöрым вöсна тöждысьöны СССР-лы 50 во нима совхозын. Кормöвöйяс улö тырмымöн петкöдöны удобренияяс. Медбур срокьясö да вылын качествоөн нүдöны став кодза уджьяс. Тани оз вунöдлыны видзьяс бурмöдöм да выльмöдöм йылысь. Гожöмын Сто-рожевсксянь Богородскö мунигөн син водзад воссьöны сук туруна паськыд да шылъыд видзьяс. Унджыксö найöс лöсьдöма бөрья дас воён. Тулыснас машинаөн сибалана став видзьяс вылö коялöны минеральной удобренияяс. Кольöм во тани босьтисны быд гектар вылысь 35 центнер уна вося турунъяс, 165 центнер силоснойяс. Бур урожайыс картофелльöн, кодлысь ыджыд юкөн торйöдöны скöтлы. Любöй поводдя дырйи овмöс дасьтö тырмымöн пöтöс кöрым. Та вöсна и скöтлөн вылын продуктивностьс. Кольöм во быд мöслысь лысьтöма 3606 килограмм йöв, сдایتöма государственлыгырысь скöтсö 400 сайö килограмм сьöктаөн.

Оз норасыны кöрымьяс тырмытöм вылö Ухтаса совхозьясын. Тани паськыда нүдöны мелиорация. Дас воён косьтöма нюрьяс да весалöма кустарникьясысь тысяча сайö гек-

тар, кытысь чукöртöны озыр урожайяс. Сидз, «Ухта» совхозын кольöм во босьтисны быд гектар вылысь: сёркниулов — 426, веж кöрым вылö öти вося турунъяс — 184, силоснойяс — 154 центнер. Татшöм урожайяслы вермасны вежавны лунвыль районьясса унджык овмöсыс. А öд ухтасаяс уджалöны войвыв условиеясын!

Но республикаса совхозьясын зу-мыд кöрым база лöсьдöм кузя вöчöма этша на. Скöтлөн юр лыдыс содö, а ас кöрымьяс вöчöмыс — оз. Төвйöдчигөн турун да силос тырмö сöмын 60—80 процент мында. Этша сетöны пемöсьяслы картофель да сёркниулов. Продукция вöчöмыс öткымын совхозьясын медсясö содö концентратьяс тшöт весьтö. Бөрья дас воён республикаö татшöм кöрымсö вайöмыс содiс куим пöв да рационьясын босьтö шөркодья 35 процент, а «Гамскöй», «Усть-Вымскöй» да «Кедрöвöй шор» совхозьясын — 40—50 процент. Нормаяс серти тайö тöдчымөн вылынджык. Оз ков вунöдны, мый татшöмторсö лэдзыны оз позь. Медводз-кö, содö продукциялөн доныс. Мöд-кö, висьмöны мöсьясыс, содö тырсявтöм мöсьяслөн лыдыс. Рационö став сикас кöрымсö колö пыртны сöмын научной подувьяс серти.

Кутшöмöсь позянлуньясыс, медым быд овмöсын тырмымөн вöлины кöрым запасьяс? Колö содтыны вынсö быд гектар мулысь, видзлысь да пöскöтиналысь. Миян республика зэв паськыд, но видз-му овмöс вöдитöм могысь муясыс абу уна. Быд морт вылö став видз-му угодьöйс воö 0,35 гектар, а муясыс — тысяча квадратной метрысь этшаджык. Быд гектар выль му сувтö дона — 1,5—2 тысяча шайт. Сидзкö, ёнджыка колö тöждысьны продукция сетысь муяс да видзьяс вöсна. Но частö на овлö мöдарö. Быд во уна гектар видз да пöскöтина эндöны, тырöны вөрөн, нюрзьöны. Весиг идзас ваям лунвылысь, Уралысь да Сибириысь, а мый быдмö асланым — колям идравтöг. Кольöм во совхозьясын ытшкытöг колисны кодзöм да видзвывса турунъяс дас тысяча гектар вылын. 1978 воын «Коквицкöй» совхоз идра-

ліс турунсö 4980 гектар вылысь, а ксьлём во 4300 гектар вылысь нин. Кытчö вошис öти воөн 680 гектарыс? Вочавидзны абу сьöкыд: колис ытш-кытöг.

Совхозъясын став муяслысь 80 процентсö босьтöны кормövöй культураяс. Но налөн урожайсыс зэв ичötöсь. Силоснойяслөн шöркoдь урожайыс сöмын 90—110 центнер быд гектар вылысь, а Усть-Куломскöй да Усть-Вымскöй районъясын нöшта на этшаджык — 70—90 центнер. Да и урожайыс ёна тöдчö поводьяысь. Уна вося турунъяс öткымь-н воясö босьтöны 35 центнерöдз гектар вылысь, а мукöд воясö и 12 центнер. Сидзкö, унджык колö вöдитны картофель да сёркниулов. Натöг он вермы содтыны скöтлысь продуктивность.

Кормövöй культураяслөн ичötöсь урожайсыс медводз сы вöсна, мый тайö культураяс улас этша петкöдöны органической да минеральной удобренияяс. Ыджыд площадьяс вылын уна вося турунъяс быдмöны нин квайт-сизим воөн и муясыс эз кутны турунзыны.

Ыджыд проблемаясысь öтиөн талун жежлö лон и турун кöйдысьяс вöдитöм. Культурной видзяс да пöскöтинаяс паськöдöмкöд тшöтш татшöм кöйдысьясыс колöны унджык. А кöйдысьяс тырмытöм вылö норасьöны Луза и Печора вожын, Усть-Куломын и Койгородокын, Удораын и Емва вожын. Специалистъяслөн артыштöм серти, сöмын видз-му овмöс министерствоса совхозъяслы быд во колöны уна вося турунъяслөн кöйдысьясыс витсё тонна. Кольöм во чукöртлісны 265 тонна. Но шогыс абу сöмын таын: ми быдтам зэв этша сикас турун. 80 процентыс — тимофеевка. Клевер кöйдыс республика пасьта вöлі чукöртöма 2,7 тонна. Вывті ньöжйö рöдмöдсьöны ежа сборнаялөн, видз-вывса овсяницалөн, канареечниклөн кöйдысьяс. А öд найö сетöны ыджыд урожайяс.

Уна овмöсьясса веськöдлысьяс турун проблемасö зильöны решитны зэв кокниа: тулыснас мöдöдöны на-рошнойöс сэтчö, кытысь позьö судзöдны кöйдысьяссö. Либö татшöм

корöмөн жö мöдöдöны письмöяс Белоруссияö, Украинаö, Прибалтикаö. Всча кыв пыдди, дерт, воöны оз кöйдысьяс, а со кутшöм письмöяс: сетанныд вөр, мöдöдам кöйдысьяс. Öткымынъяслы корсюрö и мойвилö: аддзöны мыйкö мында кöйдысьяс, но лöсялöны-ö найö войвывса видзьяслы да муяслы? Дерт, оз век. Ковмывлö кöдзны кутшöм веськалö кöйдысьяс. Печораса овмöсьясысь веськöдлысьяс коркö висьтавлісны, мый налы вайисны клевер кöйдысьяс... Польшаысь. Сидзсö зэв бур качествoa, но сöмын абу войвывлы. Мöд вонас и клеверыс кынмаліс.

Кодлы колö тöждысьны сы вöсна, медым тырвыйö мoгмöдны овмöсьяссö уна вося турунъяслөн кöйдысьясөн? Та кузя öти кывйö абу на воöма. Совхозьясса веськöдлысьяс да специалистъяс шуöны, мый тайö уджсö колö нудны кöйдысьяс вöдитан специализируйтöм овмöсьяслы. Татшöм овмöсьясыс мян эм, но сöмын бумага вылын. Найö оз вермыны мoгмöдны кöйдысьясөн весиг асьнысö. Тайö вопрос кузяыс примитöма нин уна постановление, лэдзöма абу этша приказ. Но делöясыс öнöдз эз вежсьыны. Да, татшöм овмöсьяссö колö сувтöдны кок йылö, сетны налы став коланасö, медым научной подув вылын вермисны котыртны уджсö. Но сöмын-ö колö надейтчыны специализируйтöм овмöсьяс вылö? Практикъяс шуöны: оз! Уна вося турунъяслысь кöйдысьяссö быдтыны колö быд совхозын. Республикаын эмöсь овмöсьяс, кöні веськöдлысьяс да специалистъяс збыльысь тöждысьöны тайö уджсö бурджыка котыртöм вöсна. Пöшти тырвыйö мoгмöдö кöйдысьясөн асьсö «Сыктывкарскöй» совхоз. Кольöм во тани чукöртісны найöс 149 центнер — 2,5 пöв унджык план серти. Сыктывкарсаяс паськыд площадьяс вылын быдтöны канареечник. Бөръя кык воөн найö чукöртісны ыджыд урожай сетысь тайö злакövöй быдмөгыслысь матö комын центнер кöйдыс. Куим пöв вевтыртісны уна вося турунъяслысь кöйдысьяс чукöртан плансö «Пажгинскöй» совхозын. Тани тырмымөн дасьтöма овсяница, клевер, ежа сборная.

Быд совхозын, весиг специализируйтём овмёсын, став колана турун кёйдысьяс быдтыны он вермы. Специалистъяс тшөктёны вöчны тадз. Видз-му овмёс кузя Государственной опытной станция медым быдтис элитной кёйдысьяс, сёсса сетис найёс специализируйтём овмёсьяслы. Тасянь нин медым найё воисны совхозъяслөн кёйдысьяс быдтан участокъяс вылө. Тайё участокъясас колө быдтыны кунм-нёл сикас турун — сэтшөмъясöс, кодъяс лёсялөны татчөс условиясыслы. Паськыджыка колө пыртны уна вося турунъяслысь местной сортъяс. Учёнойяс шуöны, мый мян республикаын эмöсь уна вося турунъяслөн зэв бур сортъяс. Сöмын жаль, мый научной сотрудникъяс да специалист-практикъяс найёс быд боксянь тöдмалөм кузя уджалöны тырмытöма.

Республикаса лунвыв да шөр районъяслы медя лёсяланаөн лыддысьё люцерна. Но тайё культураыслысь бур кёйдысьяс ми быдтыны от вермой. Та вöсна колө лөсьöдны йитöдъяс Российской Федерацияса сийö областьскöд, кöни босьтöны люцернаыслысь бур урожайяс.

Оти кывйөн кө, турунъяслөн кёйдыс запасьястөг ми огö вермой пöртны олөмö көрым проблема.

Республикаын видзяс да пöскöтинаяс, культурнойясысь öтдор, артавсьöны кунмсё тысяча гектар. Татысь босьтöны совхозъяс став көрымлысь 70 процентсö, а водзöссö мынтöны этша. Та вöсна видзвывса турунъяс уналаын шочмöны. Видз-му овмёс министерствоса совхозъяс кольöм во шөркодя босьтисны быд гектарысь 9,8 центнер турун. А «Летской», «Палевицкой», «Кöрткерöсской», «Керчомской», «Усть-Немской» совхозьясын гектарыс сетис сöмын 5—6 центнерөн. Сэк жö «Мутницкой», «Цилемской» да «Ижемской» совхозьясын урожайыс вöли 15—18,6 центнер быд гектар вылын.

Веськыда кө шуны, видзяслөн öниöдз абу көзяиныс. Уна овмёсын специалистъяс омöля тöдöны ассыныс видзяссö да пöскöтинаяссö, налысь позянлунъяссö. Абу быдлаын лөсьöдöма найёс дözьöритан техно-

логия. Öткымын районъясын оз пидди пуктыны видзяссö веркөссяныс бурмöдöм. Эмöсь совхозъяс, кöни аслапыс вынъясөн эз бырöдны ни öти вутш ни кустарник. Весиг оз весавны ытваөн вайём лөп-өгсö.

Абу нин этша сёрнитöма да гижöма видзясöс вынсьöдан пöльза йылысь. Эмöсь индöдъяс, уна-ö да коркоявны минеральной удобренияссö. Но и тайё уджыс мунö тырмытöма. А öд удобрениясыс содтöны турунлысь урожайсö кык-куим пöв. Сэк жö пötöслунтём туруныслөн лыдыс чинö, а злакөвöй быдмөгъяслөн лыдыс содö.

Видз-му овмёс министерство унаысь индылис совхозьяслы, медым найё торйöдисны видзяс вынсьöдöм вылө минеральной удобренияыслысь джын мындасö. Но видзсö уна вылө сöмын 30 процентыс. А Усть-Вымской, Княжпогостской да Сыольской районъясын коялöны сöмын став удобренияыслысь 10—15 процентсö. Öткымын веськөдлысьяс ытысьöны сы вылө, мый оз вермыны нуöдны уджъяссö тулыснас ва сёрөн ямөм вöсна. Да, татшөм сьöкыдлуныс паныдасылө. Но наукаөн да практикаөн, видз-му овмёс кузя Государственной станциялөн опытөн тöдмалöма, мый минеральной удобренияссö, на лыдын и азотнойяссö, позьö коявны ойдлана видзяс вылө турун пуктысьöм бöрын, сентябрын. Урожайыс сэки лөö оз ичөтджык тулысын вынсьöдöм серти. Тайё советсö пыртöны асланыс уджö уна овмёсын. Кольöм арын «Пригородной» совхоз вынсьöдис минеральной удобрениясөн тысяча сайö гектар ытшкан угоддьö, пöшти став площадьсö.

Тырмымөн да уна сикасджык көрым заптöмысь öтдор, пыр колө тöждысьны и сылөн качество вöсна. Заптыны көрымсö сизз, мед сийö эз вошты пötöслунсö. Сöмын сэки позьö лөсьöдны скöтлы озыр рационъяс. Таысь кутас тöдчыны йöв да яй вöчөм содтём, продукциялөн качествоыс, да и скöтлөн дзоньвидзалуныс.

Фермаясö волигөн частö позьö кывны: «Кутшөм пöльза татшөм көрымсьыд, мыйта пуктан лясниас, сы мында жö и шыбитчö». Збыльысь,

видзодлан да туруныс съод, силосыс бакшасьома.

«Сысољьскöй» совхозос кольччысьон шуны оз позь. Видз-му овмös культураяслон урожайяс серти водзын мунысьяс лыдын. Воысь-во вевтыртö турун, сенаж да силос заптöм кузя планьяс. Но животноводствоса продукция вöчöмön ошйысьны оз вермы. Кык во нин дорвыв чинö йöv лысьтöм. 1977 воын кө быд мöслысь лысьтисны 2755 килограмм йöv, то кольöм во — сöмын 2649 килограмм. Мыйын помкаыс? Овмöсын лёка котыртöма племеннöй делö да стада выльмöдöм. Омöль көрымыс. Ми аддзысьлим öти фермаса дояркаяскöд. Казьтыштим, мый уна совхозын көрымön вердчöны гöльджыка, а лысьтöны унджык. Дояркаяс öтвылысь вочавидзисны: «А тi видзöдлöй, мыйön ми сёодчам». И нуöдисны миянös площадка вылö, көнi кызсюрö ректöмаöсь некымын додь турун. Збыльысь, сийö вöли зев омöль.

— Кытысь нö лоас бурыс, кор турун пуктöмыс нюжалö кык тöлысьöдз, — водзö висьталисны дояркаяс. — Бöрын пуктöм туруныс öд идзасысь на чорыдджык. Видзöдлин-ныд эськö зорöдьяссö!

Аддзылим ми тайö ляпкыдик, сьöдöдöм «зорöдьяссö». Оз ков лоны спортсменön, на вомön и сiдз позьö чеччыштны. Ваясны татшöм зорöдтö фермаö, пасьясны кык тонна, а скöt вомö джынсьыс унджык кө воас и то бур. Колясыс тшыкöма, сисьмöма.

Татшöм овмöсыс абу сöмын «Сысољьскöй» совхоз. Уналаын заптöны омöль качествоа турунсö. Помкаыс сыын, мый торкавсьöны турун пуктан срокьяс, уджьяссö нуöдöны важмöм технология серти — турунсö косьтöны лёдзьясын, видзöны сийös лэбувьястөг ичотик зорöдьясын. Көрымьяс тадзинад оз сöмын воштыны пötöслунсö, но и тшыкöны.

Көрымлön качествос медсясö тöдчö бригадаяслон уджысь. Сёрон петан видзьяс вылö — бур турун он нин босьт. Механизатор омöля топöдас траншеяын веж көрымсö — оз артмы бур силос. Сiдзкö, колö стрöга видзöдны көрым заптан технология бöрся. Танi зев ыджыд тöдчанлуныс уджысь мынтысьöмлön. Уна-

лаын удждонсö мынтöны сöмын көрымлön тонна лыд серти. Мöд ног вöчöны СССР-лы 50 во нима совхозын. Танi первой сорта быд тонна турунысь содтöд мынтысьсö 20 процент, мöд сортаысь — 10 процент. Та вöсна быд бригадир, механизатор, рабочöй зильö чукöртны бур качествоа көрым.

Ачыс олöмыс тшöктö, мый быд овмöсын мед вöлины көрым видзаниньяс. Чехословакияö волiгön ме тöдмасы öткымын кооперативын көрым заптöмön. Му вылысь идралöм став турун пыр жö иналöны сарайясö, везиг идзас видзöны лэбулын.

Кык во сайын миян республикаса специалистьяслон группакöд ме волi Уральскöй научно-исследовательскöй институтлön Свердловскса экспериментальнöй овмöсö. Аддзылим уна выльтор. Сiдз, витаминнöй турун пызь да гранулаяс вöчан агрегатьяс уджалöны природнöй газ вылын. Экономияыс таысь зев ыджыд. Аддзылим турун видзан сарай, кодös вöчöма пöвьясысь. Висьталисны, мый сэнi позьö видзны 500 тонна көрым. Танi активнöй вентиляция öтсöгön косьтöны турунсö. Ытшкөм клевер косьтöны 50—60 процентöдз, сэсся прессуйтöны и тэчöны рейкаясысь вöчöм решеткаяс вылö. Көрымыс артмö зев бур.

Турун видзан сарайяс да лэбувьяс босьтисны стрöитны и миян öткымын совхозьясын. Но вöчöма зев на этша. Сыктывкар — Обьячево — Летка шоссе кузя мунигön öтарысь и мöдарысь тi аддзанныд ляпкыдик зорöдьяс. Абу на быд совхозын лöсьöдöма и силослы да сенажлы капиталнöй траншеяяс, некöнi видзны турун пызь да гранулаяс. Воськыда шуöны öткымын специалистьяс, мый скöt видзан выль помещениеяс стрöитöм колö заводитны кормоцехьяссянь да көрым видзаниньясянь.

Некымын кыв уна вося культурнöй пöскöтинаяс йылысь. Быд гектар татшöм пöскöтина вермö сетны вит-квaйт тысяча кормövöй единица да нельсё-квaйтсё килограмм протеин. Тайö 1,5—2 пöv унджык сы серти, мыйта сетöны пötöслунсö мүкөд сикас культураяс. Сэсся, куль-

турной пёскотинаяс сетёны донтём веж кёрым. Та вылө видзөдтөг, бөръя кык воён татшөм пёскотина-сё вөчөма сөмын витсё гектар. Но ыджыдджык юкөнсө оз позь шуны культурнойон. Помкаыс уна сикас. Отилайн оз тырмыны турун кёйдысьяс, мөдлаын — колана техника. Дас өтиөд пятилеткаын индысьё лөсьөдны 11 тысяча сайё гектар культурной пёскотина. Могыс ыджыд да сьөкыд, но сийёс олөмө пөрттөг оз позь и сёрнитны уна йөв лысьтөм йылысь.

Кывывлан сэтшөм сёрнияс, мый омөль сенаж серти колө заптыны унджык бур силос. Мый позьё шуны та кузя? Колана технология серти вөчөм сенаж, кыв шутөг, бур кёрым, сыын дыр олө свежөй веж турунлөн кёрыс. Но уна овмөсын торкёны сенаж вөчан технологиясө, мукөдлаын некөн сийёс видзны. Овлө и сідз, мый псводдя торкө бур сенаж вөчөмсө. Ставсө тайёс колө кутны төд вылын и заптыны сийё кёрымсө, кодыс бурджык. Дерт, сенаж вөчөмысь дугдчыны оз ков.

Миян условиясын медбур веж кёрымөн лоё силос. Медым эз вош сылөн качествоыс, пыр паськыдджыка пыртёны силосуйтчан углекислотной метод. Веж кёрымсө топөдигөн трубаяс кузя траншеяас

пөльтёны кадысь кадө углекислота. Межадорса молочной комплексын куим вося опытьяс петкөдлісны, мый углекислотаөн шоммөдөм силос пөтөсджык, этшаджык воштёны протсин, каротин да углеводьяс. Скөт татшөм кёрымсө сөйё зөв азыма.

Республикаса овмөсьясын выгөднө заптыны и турун пызь, гранулаяс да брикетьяс. Найёс вөчан **виль** технология лөсьөдісны опытной станциялөн экспериментальной овмөсын. Гранулаяссө да брикетьяссө тани озырмөдөны минеральной совьясөн, микроэлементьясөн, мясо-молочной промышленностьлөн колясьясөн. Видз-му овмөс министерстволы коліс эськө котыртны опытной станция бердын передөвөй опытысь школа, велөдны тани кёрым заптан прогрессивной технологияө унджык специалистсө да механизаторсө. Рөмыдзтысь скөтлы унджык колө сетны и шырөм турун сідзи кисьталөмөн да брикетьясын. Белокөн да витаминьясөн татшөм кёрымыс весиг озырджык турун пызь серти.

Кёрым вөчөм — видз-му овмөслөн төдчана юкөнъясысь өти. КПСС ЦК-лөн 1978 вося июльскөй Пленум тшөктіс кыпөдны кадрьяслысь кыв кутөм животноводствоөс кёрымөн мөгмөдөм вөсна. Торъя ыджыд төдчанлун колө сетны ас кёрым вөчөмлы.

Яакко РУГОЕВ

Чужліс 1918 воын Кемскӧй уездса Суоярви сиктын, крестьянин семьяын. 1939 воын помаліс Петрозаводскын учительскӧй институт, сэсса уджаліс школаын. Великӧй Отечественнӧй война дырйи вӧлі партизанскӧй отрядын. Наградитома Краснӧй Звезда орденӧн. Печатайтчыны заводитіс 1935 восянь. 1944 восянь — писательяс Союзса член.

Я. Ругоев — тӧдчана поэт. Финскӧй да роч кывъяс вылын лэдзӧма кызь сайӧ кывбур чукӧр. Гижӧ и прозаическӧй гижӧдъяс, вуджӧдӧ роч кыв вылысь кывбуръяс.

Литературнӧй уджысь сійӧс наградитома Трудӧвӧй Краснӧй Знамя да «Знак Почета» орденъясӧн.

Став олӧмыс водзын

ВИСЬТ

...Сержант Алекси Васаралӧн группаыс нельӧд сутки чӧж нин ветлӧдліс противник тылъясӧд. Найӧ лючки-ладнӧ вуджисны фронт, но аскинас, кор кывзисны телефон пыр финнъяслысь сёрни, на вылӧ зурасис куим морта финскӧй патруль. Заводитісны лыйсыны, противниклысь кык салдат виисны, а коймӧдыслы удайтчис пышйыны. Ӧти виӧм салдат сумкаысь аддзисны карта. Но «язык» босьтны сідзи эз и удайтчы, да сэтчӧ жӧ кык лун чӧж ковмис кытшлавны да дзебясъны на бӧрся вӧтчысь противникысь. Сёяныс кутіс бырны.

Сэсса виччысьтӧг друг найӧ веськалісны кутшӧмкӧ ты дорӧ, коді водзын лӧзаліс пожӧмъяс костӧд.

Лэччисны ва дорас и сӧмын сэки аддзисны мӧдар берегсыс чери кыйысьясӧс. Кык финскӧй салдат буретш шыблалісны спиннингӧн кыснӧпъяс. Найӧ казялісны жӧ воысьясӧс. Васара первойсӧ шӧйӧвошлікодъ, сэсса нӧжӧйӧник шуис аслас ёртъяслы:

— Ковмас, буракӧ, чери кыйны жӧ заводитны...

— Коді сәні черисӧ повзӧдлӧ?— горӧдісны мӧдар берегсянь.

— Ас йӧз! Сэтшӧм жӧ Ермуяс¹, кызди и ті,— на моз жӧ вочавидзис Васара да вугыр шатинас кутіс кӧр-тавны леска.

Разведчикъяс, быттьӧкӧ нинӧм эз и ло, заводитісны вуграсъны, а асьныс сюся видзӧдлывлісны мӧдар берегас.

А сәні, мӧдар берегас, мыйкӧ гӧгӧрвоисны ли эз ли, кутісны петкӧдлыны ӧта-мӧдыслы кутшӧмкӧ знакъяс. Кузь тушаа салдат босьтіс автоматсӧ, кодӧс вӧлі сувтӧдӧма пожӧм пу дорӧ, да горӧдіс:

— Локтӧ татчӧ! Ми кофе пуам!.. Ёкышъяс жаритам!..

Берег дорас налӧн збыль ӧзйис бикур, сысянь енэжас качис вӧсньыдик лӧз тшын. Бикур дорас пукаліс налӧн коймӧд салдат.

— Дзик пыр!— горӧдіс Алекси Васара.— Кыям ещӧ некымын чери и...

¹ Ерму — тадзи нимтісны финскӧй салдатъясӧс. Вежӧртасыс сійӧ жӧ, мый и «Швейк».

Разведчикъяс, кыйсигтыр, мөдөдчисны берег пөлөн, корсюрө лэптавлісны черияс. Финнъяс дорөдз лоис век матынджык и матынджык...

Разведчикъяс вөліны маскировочной халатаось да кузь гөлена финской сапөгаось. Морөсаныс өшаліс «Суоми» автомат. Мунісны найө спокнойө, ньөти майшасьтөг, и финской салдатъяс, буракө, эскисны, мый найө финской салдатъяс жө. Ыджыд тушаа капрал бөр өшөдіс автоматсө пожөм увйө. Алекси сувтис сылы воча.

— Кытысянь да кытчө мунаннды?— юалис капрал.

— Ми — капитан Корхоненлөн интендантской взводись. Капашка ыстис йөра лыйны... Йөраясыс татчө частө волывлөны.

— Да, налөн трөпа нин весиг артмөма...

— А ті мый тані вөчанныд?

— Да ми полевөй караулкаыс. Шуөны, роч Иванъяс пө бара нин фронт вуджөмаось.

— Ёвсьы!— серөктис Алекси.— Чайтанныд сійө тіян дорө кофе юны лөгтас?

— А миянлы и натөг тадзи лөсьыд тані лытайтны...

Ставөн өтлаын мөдөдчисны бипур дорө. Капрал весиг автоматсө вунөдіс пожөм пу ув вылас. Гырысьджык ёкышьяссө мыськалісны да тэчисны шом вылө.

Тошка салдат лэдзчысис поп улө да кутис серам сорөн лыддьөдлыны:

— О, господи, офицер мундира миян батюшко, сот менсьым паськөмөс, эн сэсся ысты караулө, лэдз менө, господи, гортө! Прөстит миянөс став грекьясыс, сідзи жө, кызди ми прөщайтам грекьяссө налыс, кодъяс миянөс шыблалөны ловъя вылыс гуө да тшыкөдөны кынөмьяссө лёк сөянөн! Амины!

— Сөяныд, салдат, бур. Вөв яйыс бурис нинөм абу! — пөжасьөм ёкышьяссө сямөд вылө тэчигмоз нурбыльтіс мөд салдат.

Регыд мысти ставөн нин сөйисны чери да юисны кизьөриник кофе. Өзтісны вөсньыдик донтөминик папирөсьяс да кутисны видны гырысь начальствоос.

Алекси зілис веськөдны сөрнисө

сідзи, медым финнъяс сөрнитисны фронтөвөй олөм йылыс. Но тошка салдат, коді неважөн на локтөма отпускыс, сьөласигтыр висьтасис:

— Терпитны ог вермы немецьяссө... Мый сөмын оз вөчны? Рөс-путничайтөны, гусьясьөны... Ме ньөби ведра да пукті кильчө помө. Эг на удит син вештыны,— видзөда да абу нин. Буретш сәки миянө кык салдат, «выль Европа лөсьөдысьяс» волісны...

Мөд салдат, кодлөн веськыд нимтөм чуняс вөлі чунькытш, коса воча-видзис тошкаыслы:

— Йөз муын салдатөс дивитны нинөмла, көть и олөны миян нывьяскөд... Немецьяс — миян союзникъяс и оз лёка кутны асьнысө, вокьяс нег...

— Вокьяс моз ворсөдчөны тэнад пөдругаыдкөд...— эз лэдзчыс тошка салдат.

— Дерт нин сідз, пөди,— шуис Алекси да мигнитис капраллы.— А мый, кап, мунны кө миянлы вөрса гвардеецьяс дорө?

— А коді нө пограничной столбьяссө Уралын кутас сувтөдлыны?!— тэрыба сувтис кок йылас чунькытша салдат.

— Ыджыд аттьө бур сөветсьыд да гөститөдөмсьыд!..

Алекси босьтис киас автоматсө, сылөн ёртьясыс сідзи жө. Финской салдатьяслөн уси кияссьыс кружканыс.

— Вай энө дурөй!

— Мөдім сувтөдлыны пограничной столбьяс Уралө!

Капрал уськөдчис автоматыс дорө, но Алекси конйыштөмыс сійө уси. Чунькытша салдат косьыс перйис нин кузь пу ручкаа граната. Но миян разведчик Яковлев эз лэдз шыбитнысө: кватитис да шымыртис салдатсө, мырддис гранатасө. А тошка салдат ачыс лэптис кияссө.

Разведчикъяс пыр жө мөдөдчисны туйө. Мунісны кутшөмкө туй кузя, и бара паныдасисны патрулькөд. Финнъяс кутисны вөтчыны разведчикъяс бөрся. Алекси мөдөдчис веськыда фронт линиялань.

Колө вөлі писькөдчыны кык дікостса векни перешеекөд. Водзын вөліны миян войска.

Бөрвылын кыліс лыйом шы да кутіс увтчыны пон. О́ддзодісны воськовьяссө. Тошка салдат, буракө, ёна нин мудзөма. Сьёкыда лолалігтыр найо которталісны, сэсся водлісны да бара котортавлісны. Колө вөлі регыджык вуджны кушин... Но эз удитны: вөр дорсянь сяркөдны кутісны автоматьяс. Разведчикьяс водісны да воча кутісны лыйсьыны.

— Лесонен, Карху, Егоров! Со карта и планшет! Пленнойясөс да разведданнойяс колө нуны быть, мый көть эз ло!— Алекси кисө пунктис Кархулөн пельпом вылө.— Карху, инда тэнө старшойөн. Яковлев кольчас мекөд.

— Менө кольөд жө, Алекси,— шыасис Карху.

— Младшой сержант Карху! Марш!— скöрысь горөдіс Алекси.

Карху босьтіс планшет да йоткыштіс капралөс. Капрал кутіс кыссьыны перешееклань, кутіс вуджны из вомөн. Но друг тракнитчис да уси кымыньөн. Көсичаөдыс сылөн визувтіс вир. Автоматёсыс мөдіс сяркөдны и Яковлев. Алекси лыйсис тэрмасьтөг, бура метитчөмөн. Алекси да Яковлев кутісны финнъясөс, а сэк кості куим разведчик да кык пленной финн кыссисны пыр ылөджык и ылөджык. Оні противник бисө сувтөдіс Алекси да сылөн ёртыс вылө. А разведчикьяс сэки вуджисны нин перешеек сайө. Кад вөлі бөрыньтчыны Алексилы да Яковлевлы.

Бөрыньтчисны найө сьөрсьөн-бөрсьөн — өтиыс кыссьө, мөдыс лыйсьө. Изйө веськалөм пуля рикошетөн ранитіс щөкаас Яковлевөс. Сійө ляскис щөкаас нитш да бара кутіс лыйсьыны. Кор Алекси бара заводитіс кыссьыны, сійө кыліс лыйсьөм шысө шуйгавывсьыс, ты дорысь. «Кытшалөны»— вирдыштіс сылөн юрас. Алекси лыйсис из сайсянь то вөр дорышлань, то тыланьыс. Кор сюрө вешьяліс өти из дорсянь мөд из дорө. Сэсся казяліс, мый сылөн юрас абу пилоткаыс. То ли воштіс, то ли пуля нөбөдіс...

Из гу дорын, кытчө удитіс нин саймовтчыны Алекси, Яковлевөс бара ранитіс. Сержант петіс да кыскис сійөс чөмйө. «Ставыс... Босьт менсьым гранатаяс!»— шөпкөдіс сі-

йө. Здук мысти сійө кулі нин.

Алекси босьтіс кулөм ёртыслысь гранатаяссө, торпыригөдз жугөдіс сылысь автоматсө.

Кывзысьыштіс. Пуксис чөв-лөнь, оз нин лыйсьыны, сөмын чорыда тігкис аслас сьөлөмыс.

И друг, дзик орччөн кыліс финнъяс ногөн:

«Русс, китө лэпты, юрид дзонь кольө!» Сэсся сідзи жө рочөн шуис. Алекси босьтіс кольөм кык граната да пунктис ас водзас.

Метра комын сайын кустьясыс кутісны вөрны.

— Эй, нидзув, көні тэ? Кытчө кысин?— бара кыліс гөлөс.

— Сылөн, буракө, бырисны патроньясыс,— вочавидзис сылы мөд.

— Китө лэпты!..

Алекси помнитө, кызди сійө шыбитіс кустьясас өти бөрся мөд кыкнан гранатасө. Сэки жө некымын дас пуля швичйөдлісны изьяс весьті. Сэки жө, друг кытысянькө боксянь, финнъяслань лэбисны-швичкисны уна-уна пуля...

Алекси эз нин аддзы, кызди бөрыньтчисны фашистьяс. Бой мунаніө Кархулы воча локтісны красноармеецьяс. Найө аддзисны Яковлевлысь шойсө да думыштісны, мый гранатаяссө шыбитіс сійө. Кутісны корсьны сержант Васараөс, но аддзисны сылысь сөмын пилоткасө.

Алекси воис ас саяс көдзыдысла тіралөмысь. Сійө куйліс эжөр пиын нуйтө сибдөм керьяс вылын. Лэччьсь шонділөн көдзыд югорьясыс югзьөдісны пуяслысь йывьяссө. Эжөрыс шувгис, ты весьтө өшйис ру.

Первой, мый сылы воис вежөрас,— кызкө петны берегөдз. Но мыйөн сөмын вөрзьөдчыліс, дойыс йиджліс сьөлөмөдзыс, войтөв топөдліс став сөнъяссө. Шуйга коксө позьё вөлі муртса вөрөдыштыны, көть и пидзөсыс биөн сотчис. А веськыд кокыс нинөм эз кыв — быттёкө вундөмаөсь.

Сійө чукөртіс став вынъяссө, кыпөдчыштіс, и вильдіс да уси ваө. Киясыс вөйисны нуйтас, но дыр, немортнога мучитчөм бөрын, век жө ассьыс кын телөсө петкөдіс берегө.

Сы син водзын сулаліс мыйкө гөрдовсяма... Ньюжөдіс кисө: вөлөмны пув розъяс. Алекси копыртіс юрсө да паръяснас кутіс корсьны ягөдсө. Нёняліс. Шома-юмов пувйис веськөдіс горшсө...

Сэссия сійө кыліс мыш вывсьис мыйкө сьөкыдтор, нюжөдіс кисө — автомат. Кыскис сійөс бокас, видзөдліс дисксө: ни өти патрон абу. Алекси гугөдіс зепъяссө, и нитш вылас усини лязалөм истөг көрөб, кык нильзьөм сукартор да некымын патрон. Патронъяссө пуктіс автомат дискас, сукарсө гаровтіс носөвик пытшкө, но көть и зэв окота вөлі сүйны вомас, век жө сүйис зептас. Көейис пөрччыны веськыд коксьис сапөгсө, но дойысла муртса эз вошты садьсө. Кокыс, буракө, вөлі чегөма... Сэссия сійө ньөжйөник нюжөдчис ловпулань, чегис кык ув, пуктіс кок бердас да зэлөдіс тасмаөн.

Колө вөлі думыштны, мый водзө вөчны. Мөдар берегас — мян войска. Лөсьөдны пур? Он вермы, выныс оз тырмы... Кыссьыны ты берег пөлөныс?

Кольччыны татчө—сідзкө, кувны. Алекси мурч курччис пиньяссө, кабыртіс кулакьяссө, и видзөдліс на вылө. Кык ён ки! Шыбитіс автоматсө мыш вылас, кутчысис матысса пожөм увйө да кыскысис сылань. Бөр йөткыштчөмөн, кокъяссө да тушасө му вывті кыскигтыр, сійө кысис берегеянь ылөкодь.

Алекси важысянь нин төдіс вөрсө, кыйсьысьлысь да вөр лэдзысьлысь сьөкыд уджсө, и өні ас вежөрсьыс вөтліс быдсяма лөк мөвпьяссө. Мөдарө, тайө руа асывнас сійө гөгөрвоис, мый олөмыс вөсна колө тышкасьны. Сэні, ты сайын, ас йөз. Сідзкө, кыссьыны, кыссьыны, кыссьыны...

Корсюрө ковмыліс кыпөдлыны юрсө, медым видзөдлыны, кытчө кыссьыны. Эбөсыс бырлі... Сійө шлөпкысьліс-усьліс вижөдөм нитш вылө, сись увъяс вылө, чорыд яла нитш вылө... Кыяссө шевкнитөмөн сійө дыр куйліс да апаліс сынөдсө.

Корсюрө вөрса рөмыдас сійө кывліс еісь дук, син водзас сувтліс аслас челядь дырыс, чуман тыр мырпома мамыс... «Став олөмыс... во-

дзын»,— кызкө шытөг вом доръяснас шөпкөдіс Алекси да мөдөдчис кыссьыны водзө.

Өтчыд сійө кыліс тусяпулысь шарөдчөм шы и, мыйөн сійө лэптис юрсө, кодкө быттьө тувкис сылы. Синьясыс чашкалісны, киясыс асьныс кыскисны автоматсө. И мый чайтан-ныд? Сы кокъяс дорын куйліс буретш сійө финн капралыс! Сійө куйліс кынөм вылас, и лов шысьыс кыпавлісны сөмын кыкнан лөпаткаыс. Со сійө бергөдіс юрсө, синьясыс паныдасисны, и сійө төдіс Алексіөс, дрөгмуніс да кутчысис сылы кокас.

Сьөлөмсө вундан дойысла Алекси кысьыс уськөдіс автоматсө и ачыс тшөтш уси.

— Лэдз, дьявөл, либө ви!— горөдіс сійө, кутчысис тусяпу бердө да крута бергөдчис.

Өні найө вөліны чужөм на чужөм. Дөйысла да скөрысла кыкнанныслөн чужөмьясыс вежынтьчөмаөсь. Кыкнанныс сьөкыда лолалісны, но эз вөрны, быттьө чукөртісны вынъяссө уськөдчыны өта-мөд вылас.

Капраллөн чужөм вылас косьмөма вирыс, көсичаас — бөрөзда — пулялөн туйыс.

«Төрыт сійө сөмын садьсө воштылөма,— думыштіс Алекси.— Сылы лөк... Оз вермы юрсө кутны. Сулавнысө сійө оз вермы...»

Алекси кыпөдчис гыррдзаяс вылас. Капрал кыссьыштис бокө, тусяпу кустьяс пиө.

— Сулав!— мырдысьөн горөдіс Алекси.

— Кывзы, вай торйөдчам бурөн,— ышловзис капрал.

Алекси босьтіс мыш сайсьыс автоматсө.

— Тайө тэ весьшөрө!.. Магазинад өд абу,— спокойнөя шуис капрал.

Алекси ки пыдөснас малыштис лөжасө да ёрччыштис.

Капрал удитіс нин кыссьыны сажень кымын. Алекси кыкысь чорыда йөткыштчис кинас да суөдіс сійөс... Капрал кутіс мездысьны, кисө нюжөдіс пуртөс дорас, но сэні финкапуртыс эз вөв. Медбөрын Алекси удитіс кватитны сійөс килутшөдыс. Кыкнанныс сьөкыда лолалісны.

Капрал неуна сайкалыштис, щөканас мыджсис изйө.

Алекси аддзис сылысь балябж-сё, и киясыс сылөн асьныс личалисны, и сідз жё ляскысис му бердас.

Кылө вөлі, кызди берег дорас көн-кө матын, тыас чечыштлис ыджыд чери. Выліас шувгисны пожомьяс.

— Но, мый?— юалис капрал. Ачыс век на вөлі топөдчөма му бердө, быт-тёкө кывзысис.— Вай куритчам! Менам, буракө, эм.

Алекси нинөм эз шу, сөмын видзөдіс, кызди капрал гугөдалис зепьяссө. Перйис чукрассьом көрөб-ка истөг да ставсө пуктіс сержант водзө. Ачыс өзтіс папирос. Тшыныс Алексилысь гильөдіс ныр розьяссө. Откажитчыны эз вермы, и сійө босьтіс көрөбкасыс папирос, медбөрьясө. Табак тшыныс кодздөдіс, но здук мысти ставыс прөйдитіс.

— Миянлы юкнысө нинөм,— бара шуис капрал.— Торйөдчам.. быдөн.. кызди кужас...

— Тэ пленнөй.

— Сэтшөм жө, кутшөм и тэ...

— ...И мунан сэтчө, кытчө нуө-дасны.

— Мучитчыны?

— Миян пленнөйяссө оз мучитны.

— Төдам ми...

— Омөля төданнды, — Алекси мырдысөн пуксис, өвтыштіс кинас.— Вөрззы...

— Ог вермы... Вынөй абу...

— Верман!

Куритчигас кө лолі ичөтик надея мирнөя торйөдчөм вылө, өні бөр воши.

— Ог вермы. Юрөй бергөдчө.

— Кыссы.

Кияснас курасигтыр, капрал заводитіс кыссыны.

— Эн тэрмась. Кутан отсавны меным!— и Алекси шашаритчис чуньяснас сылөн сапөг гөленьө.

Тадзи найө кыссисны өта-мөд бөр-сяис. Некымынысь йөткыштчасны и шойччөны.

Кутшөмкө ичөтик эрд вылын, көні куйлісны сісь пуяс, капрал друг ланьтіс. Алекси тракнитіс сійөс көкөдыс, но мөдыс эз вөрззы. Алекси өтвесьтасис сыкөд и гөгөрвоис, мый капрал воштөма садьсө. Көсичаса ранасыс войталіс вир. Юр весьтас жуисны уна-уна гагьяс.

Алекси кыссыліс ловпу дорө, не-

тшыштіс кымынкө кор да ляскаліс найөс капраллөн рана вылө. Сэсся ачыс нюжөдчис орччөн. Эбөсыс вочасөн бырө, и прөстө эз вермы кыпөдчыны муысь.

Кор сійө садьмис, вөлі сөр рыт. Гырк пытшкас быттьө кисьтөма свинеч, сьөкыд бергөдны юрсө.

Капрал куйліс орччөн, мыш вылас. Гудыр синьяснас енежас видзө-дігтыр, сійө мыйкө думайтіс.

А думайтіс сы йылысь, быттьөкө кодлыкө ньөжйөнник висьтасис: «Судалө-ө водзө овны? Төдмаласны кө, мый ме лейтенант Солкинуора отрядысь, тайө тырмымөн лоө. Виасны. Көть и ме ачым ни өти мортөс эг вилы. Виалис лейтенант Солкинуора. Мышкуас вундаліс звездаяс, петкөдліс быдөнлы красноармеецлысь керыштөм юрсө... И сюри аслыс. Асланым жө йөзыс сетөбтісны балябжас. А код винтовкаысь? А эз-ө менам винтовкаысь? Тайөс некод некор оз кут төдны. Но мый дыра ми терпитім тайө пөж ловсө...»

Капрал бергөдіс юрсө.

Алекси кывзысьтөм кияснас зыра-ліс кокьяссө.

— Чеччы, водзө кыссыны колө.

— Ме ог вермы... Ви, бурджык лоө...

— Эн сөр нинөмсө. Колө кыссыны водзө,— шуис Алекси, сэсся кисө сюйис зептас да перйис носөвикө гаревтөм кык сукар. Босьтіс өтисө, шөри чегис.

— На, босьт...

Капрал нинөм эз шу.

— Босьт, босьт!

— Мыйла?

— Сөй!

Капрал босьтіс. Кыкнанныс ньөж-йёсник, тэрмасьтөг йирисны сукарсө. А капраллы и йирнысө, буракө, вөлі сьөкыд.

— Доймө?

— Юрын быттьө паськыд розь, көть и вемыс эз на пет...

— Кызди тэнө шуөны?

— Пекка Хювяриненөн.

— Кытысь?

— Каяниысь...

— Вот кызд...— Алексилы окота вөлі шуны, мый сэтчө, Каяниө, яр-марка вылө коркө карельскөй му-

жикъяс нульвлісны додь тыр пѳтка-
яс, но Хювяринен шуис:

— Плѳтник ме.

— Рабочѳй.

— Оз ѳмѳй тыдав?— капрал пет-
кѳдліс ки пыдѳссѳ.

— Кутшѳм дьявѳл нѳ тѳнѳ татчѳ
вайѳдіс Карелия вѳръясас? Али ас-
ланьд этша?

— Салдатлысь оз юасьны... Вой-
на...

— Уна-ѳ миянлысь йѳзсѳ ви-
ліл?— скѳрысь юаліс Алекси.

— Эг артав...

— Пѳж лов. А ещѳ рабочѳй... Сѳ-
тшѳм жѳ фашист, Гитлерлысь пука-
ланінсѳ нюлысь...

Капрал дугдіс йирны сукарсѳ. Не-
тшыштіс рана вывсьыс ловпу коръ-
яссѳ да пинь пырыс сѳдзѳдіс:

— Тѳ... кывзы... Ёнасѳ эн...— щѳ-
каыс кутіс тіравны.— Менсьым ба-
тьѳс дас кѳкъямысѳд воын лахтаръ-
яс виисны... ѳнѳдз на менѳ шуѳны
краснѳйѳн.

Алекси чѳв оліс. Сѳсся ньѳжйѳник
шуис:

— А менсьым батьѳс аслас му
вылын лыйлісны. Граница мѳдарас.
Карелияын. И со ті, краснѳйяслѳн
пияныс, локтінныд татчѳ лыйлыны
миянѳс, краснѳйяслысь пиянсѳ.

— Война... Закон... Быдѳнлы олѳ-
мыс дона... Лѳдз тѳ менѳ, зонмѳ...
Аддзѳдлыны окота гѳтырѳс, пиѳс...
Мыйла менѳ нуѳдан виѳм вылѳ?

— Кыссьы, олѳмыд кѳ дона,—
мургыльтіс Алекси да нюммуніс.—
Виѳм вылѳ... Войнаыс тѳныд помас-
сис, другѳ... Рѳч нянь паѳк да ола-
нін тѳнад лоас... Локтан кѳ, дерт,
местаѳдз...

И бара налѳн заводитчис сьѳкыд
уджалан лун. Да и шуны кѳ, эз лун,
луннас найѳ шѳйчисны, узисны,—
личкис шонді жарыс. Садьмылісны
рытнас йирмѳгысь, няклявлісны су-
картор да кыссьылісны водзѳ. Частѳ
мудз да ранаяса телѳыс эз кут кыв-
зысьлыны налысь, и сѳки налы ков-
мыліс шѳйччыштны, чѳжны вынъ-
яссѳ...

Алекси следитіс ты берег бѳрся,
мед не ылавны мунан визьысь бѳкѳ.

Воштан сійѳс — ылалан. ѳні Алек-
си надейтчис аслас синъяс вылѳ.
Кор сійѳ ляскысьліс чужѳмнас чо-
рыд му бердѳ, сійѳ быттьѳкѳ кыліс
орудиеяслысь ылісянь гыпкѳм.

ѳтчыд ѳти увтасінын найѳ зура-
сисны ключа гѳптѳ. Алекси казяліс
сійѳс, а сѳтысь ассьыс вуджѳрсѳ.

Сійѳ дрѳгмуні: васьыс видзѳдіс
сы вылѳ тѳдтѳм чужѳм — синъясыс
да бан бѳкъясыс вѳйѳмаѳсь, дойысла
чужѳмыс вежыньтчѳма... Сійѳ эз
вермы кутны асьсѳ и кутіс лѳкысь
шѳпкѳдны аслыс: «Коді тѳ сѳтшѳ-
мыс? Морт шѳй! Кытчѳ кыссян?
Мыйла? Вѳрыс век жѳ нин лоас тѳ-
ныд гуѳн! Сісьман, кыдзи тайѳ пѳ-
рѳм пуясыс. Эновтчы, медым лы-
сьсѳмыд шѳйччыштас...»

Алекси чорыда кучкис кулакнас
ваас: вуджѳрыс воши, ваыс гудырт-
чис... Но ваыс бара сѳдзалис, лѳнис,
и мый сѳтысь аддзис, ѳні эз нин вѳв
сѳтшѳм страшнѳ. Мѳдарѳ, ыпнитіс
надея. Алекси ляскысис ва бердас,
кутіс юны пиньяссѳ ѳнтысь кѳдзыд
васѳ — ньѳжйѳ, дыр, кѳр моз чур-
йѳдлігтыр...

А сыкѳд орчѳн ляскысис ключ ва
бердас мѳдыс, сідз жѳ азыма юис,
веськѳдіс косьмысь горшсѳ, кѳдзыд
ваыс такѳдіс телѳсѳ. Сійѳ ѳні вѳлі
дзик нин мѳд морт, коді дась вѳлі
кыссьыны орчѳн куйлысь зонмыс
бѳрся, сетны сылы ассьыс олѳмсѳ.

Алекси видзѳдліс Хювяринен
вылѳ.

— Мѳдѳдчам водзѳ, Пекка.

ѳні Алекси кыссис водзын. Пекка
сы бѳрся. Колѳ на вѳлі уна, неморт-
нсга вын, эбѳс, колѳ сетны вѳлі став
вынъяссѳ, медым кольны бѳрѳ ты-
лысь берегсѳ.

Кор сержант Алекси Васара руа
водз асылын петіс веськыда асла-
ныс позицияс вылѳ, сійѳ эз нин тѳд
йѳзсѳ. Сы бѳрвылын, нюрысь, казя-
лісны косясьлѳм паськѳма ещѳ ѳти
мортѳс. Салдатъяс кияс вылас нуис-
ны Алексиѳс землянкаѳ, сійѳ садьтѳ-
гыс ѳвтчис кияснас да вомгорулас
броткис:

— Пекка, эн кольчы... вошан...
Став олѳмыс водзын.

ВЫЛЬ КОМИ РОМАН ЙЫЛЫСЬ КЫВ

Гижысьёс аслас творческой визьяс вайёды эпической жанрысьёдз. Ас ногён сылён ёкмёны-чукёрмёны олём пасъяс да съёлём кылёмъяс, медым сасся позяна лонс вёчны гырысьджык подулалёмъяс, эпика сяма кывкёрталёмъяс. Тайёс пыр жё казалан, босьтчач кё видлавны-туявны комиён гижём романъяс, кодъяс некымын дас во сайын на миян эз и вёвны. Збыльысь ёд, сёрнитны кё Василий Юхнин йылысь, то сійё «Динъельса вёрпункт» ассые первойя повестьё эштёдом бёрын пыр жё босьтчиче да гижис медводдза коми роман «Алёй лента», повесть йёзёдомсяныыс куим во мысти.

Мёд ногёнджык роман гижны босьтчёмыс артмис мёд тёдчана гижысь Геннадий Федоровлён. Сылён медводдза коми повесть — «Сиктса асыв» — петём бёрын (1931 во), кызди важ йёз шулисны, уна ва визувтис. Комын во сайё исковтис-мунис: воддза пятилеткаясса вунёдлытём кад, Велёкёй Отечественнёй войнадырся фронтон туйяс, войнаён кисьтём-жугёдём овмёс кок йылё сувтёдём вояс. И став тайё героической кад чёжыс гижысь зила уджалис, видлис ассые вынъясё уна пёлёс литературной жанрысын, гижис. съёлёмё да вежёрё колян кывбуръяс, очеркъяс, висътыяс, повестьяс. И сёмын та бёрын коми лыддысьсыясы Геннадий Федоров козналис ассые медводдза романё — «Кыа петигён».

Ас ногён артмис роман гижны босьтчёмыс и коймёд ыджыд таланта коми гижысь Геннадий Юшковлён. Романёдз на сійё гижис съёлём вёрзёдана мича лирической кывбуръяс да сыланкывъяс. Артмисны сылён и театры лёсьёдом пьесаяс — «Макар Васька — сиктса зон», «Кыськё тай эмёсь» да мукёдыяс. А коляс-ё кодкё веськөдён сылыс «Конё Семё», «Ёшинь водзын бурёвой», «Тёлысь карын» висътыясё да «Пияна ош», «Ловъя лов», «Югыд вой, кёка вой» повестьясё лыддьём бёрын. И со миян национальной литературыын лонс бара зэв ыджыд тёдчантор — «Войвыв кодзув» журнал йёзёдис Г. Юшковлысь «Чугра» нима роман. Дерт жё, ги-

жысь тайё журнальной вариантё торъя книгаён йёзёдтёдз ёна на уджалас, вермас лоны — торъя лист бокъяс весиг дзикёдз вежас, торъя персонажъяслысь пытшкёсса джудждасё озырмёдас на. Но ёни нин позьё нимкодпырысь висътавны, мый Юшковлён произведениеыс лонс коми литератураын тыдалана тшупёдён, мый коми гижысьлён литературной сямыс воссис нёшта выль боксянь.

Прёста кад воштан, кутан кё көрсьны ёния коми словарьсысь «чугра» кывсё. Абу веськалёма сійё ни коми диалектыслён сравнительной словарё (1961), кётъ наё кыкнанас пыртёма 25 сюрёён коми кыв. Колё чайтны, Печора вылё, романын петкёдлан местаясас уна пёрийё волёгыясё гижысьыс ачыс вайёма тайё кывсё сэтсыс. Ёд Г. Юшков век зэв сюся кужё кывзыны йёзкостса сёрнисё, көрсьны да пыртны гижёдыясас ёния лыддысьсылы пёшти тёдтём нин кывъяс, пемёсыясысь да быдмөгъяслысь нимпасъяс, топонимъяс, омонимъяс, синонимъяс, фразеологизмъяс, шусьбёгыяс-дэчкывъяс. Гижёд панасас нин автор висъталё миянлы, мый сэтшём «чуграыс»: «Быттьё муыс вощыллёма коркё таті, и пёсьыс ыльбётёма ортсё да ёдийё кымёма швичкан кёдзыд вылас. Сюра-пеля чугра, изъя мыльк, зумбырвидзё ёни гежёдик сус пуа нюр шёрын». А роман помланьыс нин гижысь бара на бергёдчывлё тайё кывйыс динё, медым стёчмёдыштны мыйсюрё. Автор висъталём серти, Чугра нимыс, стёчджыка кё шуны — топонимыс, тёвнас на сюри коми геолог Самаринлы, шёр персонажъяс пёветысь ётилы. Шойччан кадё казалис сійё кызд пуанныс таръясё — муртса на кыпёдчёмабсь репасъяссые, кокалисны гарёй. Таръяс бёряс вётлысигён сійё паныдасё ёти кыйсыськёд, шойданник паськёма мужичёйкёд. Самарин юасё сылысь, а кыйсысь, тыдалё, вёлі йёзысь дзебяссысь Ардалён:

— А тайё нё, Урал мусюрыс нин татшём матын?

— Абу. Чугра тайё.

— Мыйся Чугра?

— Отка из. Чугйон мусьыс быдмөма, сийон и Чугра.

Чугра гөгөр и гартчө сюрөсыс, став драматическөй лоомторьясыс, кодьяс топыда йитчөмабсь КПСС-са XXV съездлөн индөмкөд, миян талунья ыджыдыс-ыджыд народнохозяйственной могкөд: вильмөдны страналыс ылі Войвыв, Тимано-Печорскөй комплекс сәні сөвмөдөмөн.

Бура төдса, мый тайо уджас медводдза босьтчысыенас вөліны геологоразведчикьяс — мупытшкөсса озырлун корсысыяс. Найо уна во чөж корсисны да аддисны Коми АССР-ыс ыджыд промышленнөй комплексы колана подувсө — уна нефть — му сир да газ. ТПК кышөдөм кузягырыс уджьяс сөмын на пансьоны, но нао босьтчөмыс инмис нин эз сөмын озырлунсө аддыс геологьяслы, бурөвикьяслы, мукөд ылыс воөм йөзлы. Чугра дорын пансьөм уджыс вөрзөдө олөмсө, а мукөдыссьө и вуж выйөнөдзыс вежө-бергөдө тшөтш и сәтчөс йөзыслыс — Печораса важ олысыяслыс.

Роман действиеыс мунө то бурөвикьяслөн столицаын Угдымын, то бурөвөйын, то сыкөд орчча Югыд-Лягаын да Горвадін сиктын. Топыда йитчисны Чугра вылын бурөвөй да ичөтик Горвадін. Географическөй карта вылө тайо кык пасйөтөм ичөтик чутьясыс пыр тыдовтчө миян паськыд да ыджыд страналөн напряжённөй олөм: өд олөмыс тані дзик жө сідзи дзулькйөмөн пуө, кызди и миян помтөм-дортөм страна пасьтала. Вужьясисны тані и талуньяыс, и миян ыджыд народнөй овмөслөн аския луныс виль петасьяс.

Коми гижысыяс важысянь нин сюся видзөдөны, кызди миян йөз Великой Октябрьскөй социалистическөй революция бөрын В. И. Ленин водзмөстчөм серти да Коммунистическөй партия да Сөветскөй правительство юрнүөдөм улын сөвмөдөны Коми мулыс войвыв пельөс. Разнөй кадө да разнөй жанрьясын сёрнитисны та йылыс төдчанаджык коми гижысыяс. Ас ногөн та йылыс гижисны «Тундраса мойд» поэмаын В. Латкин, «Тиман предгорьясын» драмаын Г. Федоров да «Тундраса бияс» романын В. Юхнин. И со ассые кыв шуөма лөи та йылыс и Г. Юшковлөн.

Романлөн паськыд эпическөй формаыс отсаліс авторлы, сетіс сылы поэзанлун муртавын-петкөдлыны мыйта думыштны позьтөм удж панөма коми войвылын, кызди тайо уджыс уна дас во чөжөн вежис татчөс му-васө, кызди бергөдіс олөмсө йөзыслыс — локтысыяслыс и татчөс олысыяслыс. Олөмад моз жө, гижөдын абу өткөдөсь тайо йөзыд. Геологьяс Иван Самарин да Варнаков, профессор Тихомиров, бурильщикьяс Бажуков да Куштанов, Горвадінса

олысыяс — Ревекка, Яков, Ардальон, Виринея, Ангелина, Стакей, Гурей, — ставныслөн характерьясыс разнөйөсь, абу өткөдөсь налөн чайтөмьясыс и виччысьөмьясыс, олан туйясныс налөн лөкыс и бурьыс падвежасьлөны. Олөмсө и йөзсө быдөн ас ногыс доньялөны. Ставнысө найөс төд вылад кутөмөн казялан, кутшөм уна бурьыс и лөкыс олөмас, кутшөм топыда ордны позьтөг найө йитчөмабсь өта-мөдкөд.

Абу кокни Иван Самаринлы, сылөн велөдысыяслы да ученикьяслы дорйысыны, эскөдны йөзсө, тшөтш ассыныс прөтивникьяссө сыын, мый эм Коми АССР-ын ыджыд газыс и нефтьыс. И тайо Юшков романын абу сөмын «производственной конфликт». Тайогырыс учөнөйяслөн да труженикьяслөн быдсяма карьеристьяслы да кокниа овны велалөм йөзлы паныд нем миритчөтөм тыш. Автор бура петкөдлө геологьяслыс уджсө. Дерт, кокнөдыс вөлі жө сылөн: том дырйиыс ачыс видліс велөдчыны геологас, а сәсся литературәо кыскөмыс вермис — муніс Москваө велөдчыны А. М. Горький нима Литературнөй институтө. Бөрынджык, роман вылын уджалөгөн автор унаыс сёрнитіс — аддысыліс Ухтаса да Усинскса геологьяскөд, СССР-са наукаяс Академиялөн Коми филиалыс учөнөйяскөд. Ставыс тайо отсаліс авторлы джудждөдны шөр производственной конфликтсө, эскөдана восьтыны сийөс. Вочасөн төдмалам ми: куйлөдьяс, газлөн да нефтьлөн зэв ыджыд куйлөдьяс виччысьөны йөзөс Печорскөй джумгөрас. Тайо озырлуньясө эскөмөн олөны Угдымса геолог Самарин да сылөн велөдыс профессор Тихомиров, кодөс мыжтөг, Варнаковлөн донос серти войнаөдз на вайөдісны Угдымө эз ас вөляыс. Паськыда нималыс академик Губкинлөн збылыс революционнөй теория вылө мыджсьөмөн, Тихомиров да Самарин подулалөны ассыныс шөр мөвпсө тадзи: му сир да сыкөд тшөтш овлыс газ вешьялөны — мигрируйтөны кө, сідзкө колө корсыны найөс оз сөмын важья куйлөдьясыс, оз сөмын Угдымыс, кызди лыддөны Варнаков кодь перестраховщикьяс. Колө повтөг ылыстчыны Угдымсянь, корсыны ыджыд му сирсө өна паськыдджыка, и не сөмын нималана Тюменьлань (бара жө тадзи көсийө вөчны Варнаков, медым перестрахуйтны асьсө), но войвывлань, торья нин Печорскөй джумгөрас, Чуграас.

Самарин гөгөрвоө да чорыда эскө, мый Чугра муткырө писькөдан скважина оз вермы тыртөмавын. Өд сийө вәжөн нин воис Тихомировкөд өти кывйө. Оз вермы сийө вунөдны велөдысыяслыс кывьясө, кодьясөс шуөма вөлі сьөкыд война кадө на: «комбинатлөн геологическөй службалы вәжөн нин колө вөлі босьтны нырвизь, но

не кытчо гаж, а джуджыда ставсö артыштöмөн, и вочасөн ылыстчыны тасянь. Ме думысь кö, войвывлань. Мыйла буретш сэтчань? Да кöть сийөн нин, мый ю вожъяслөн ковтысысь веськалö Урала — Тимана костö, и юясыс, кодъяс визувтöны лунвывсянь войвылö, артмöдöны бурсьыс-бур геологической профиль. «Тихомировлы эз сюр адзыны ас синмөн тайö пророческöй кывъяслысь збыльмöмсö. Варнаков кодь лёк йöзкöд чорыд венласьöмъясын Самарин пöртö олöмö тайö научнöй прогнозö. Медся сьöкыд кадö, кор быттьöкö Варнаковлы удайтчис нин вештыны Самаринöс, Самарин гижö министерствоö кузь докладнöй, кодöс помалö татшöм кывъясөн: «Мы не сомневаемся в том, что в глубоких горизонтах Чугры возможны огромные запасы полезного ископаемого... Мы верим в Чугру!»

Но оз вугравны Варнаков да сылөн другъясыс, сы ног мөвпалысьясыс да сы ног олысьясыс. Варнаков быд ногыс торкö Самаринлысь уджсö, геологической партияслысь коресьясьöмъяссö. Öд тайöс сылы вöчны абу нин ёна сьöкыд — Варнаков öти кадö кыпöдчывлис комбинатса юралысьлөн вежысьöдз. Ставыс сы кыин. Но сыын и мян советской олöмлөн выныс, мый некутшöм ыджыд чина морт оз вермы падмöдны выльсö. Самаринлы отсöг вылö локтöны ставныс, кодъяслы абу веськодьöсь государственнöй могъяс — министерствоса уджалысь геолог Бутаковсянь Печораса прöстöй зон Павел Бажуковöдз. Варнаковлөн позиция йылысь бура висьталö ачыс Самарин. Аслас друг геолог Горынин водзын, а сыкöд тшöтш и Павел Бажуков водзын Самарин тадзи эрдö вайöдö Варнаковлысь гуся мөвпъяссö: «Сылөн позицияыс öнi сэтшöм: абу Комиын ыджыд нефтыс да газыс. И ми сöмын джибöдам государствосö. А сийö, кызд шуласны, видзö мян кодь шыръясьясыс. Вот кысянь шондыс кучкö».

Тихомировлөн научнöй веськöдлöм улын Самарин аслас удж серти да мөвпалöмъяс серти быдмис ыджыд перспективнöй георетик-геологоразведчикöдз, то мöд коми зон бурмастер Павел Бажуков мукöд кывъяса йöзкöд öтвылысь пöртö олöмö Самаринлысь научнöй прогнозъяс, писькöдö Чуграсö, адзö озыр куйлöд.

Юшков бура да стöча тöдмöдö мянöс угдымса бурöвикъяслөн сьöкыд, но йöзлы зэв колана уджөн, налөн быд лунья олöмөн, петкöдлö, кутшöм сьöкыда шедö мупытшкөсса озырлуныс. Та йылысь романын позьö адзыны паметьö йиджтысян уна серпас. Кужöмөн петкöдлöма уджалысь йöзлысь водзмöстчöмсö. Со бурöвикъяс бырöдöны лöм авария, со найö пьськöдчöны му пытшкö, взривайтöны сийöс, медым взрыв отсöгөн унджык тöдмавны мупытшкөсса

куйлöд йылысь. Со мудзöм йöз кыскалöны ылысь вайöм сөй лятисö бурöвöйö, медым ас кадö вöчны цементысь тампонаж. Бурöвöйын оз тырмыны öчкияс ни респираторъяс. Йöз тöдöны, мый кадыс оз виччысь, мый петан туйыс сöмын öти. И найö оз няргыны, оз нюжмасьны, уджалöны. И вермöдчисны авариятöг ас кадö «посйыны» скважина пыдöсьясыс восьсаинсö. Дерт, тайö ичöтик подвиг, но татшöм ичöтик подвигъясысь чужö ыджыд вермöм — Чуграсö пöкөрйтöм. Тайö ыджыд подвигсö Юшков петкöдлö романтической да лирической серпасъяс отсöгөн.

Чуграсö пöкөрйтöм, сылысь пытшкөсса озыр куйлöдъяс советской йöзлы пöльза вылö восьтöм лоис романын шöр сюжетнöй визьөн. Тайö визьыскöд топыда йитчöма мöд сюжетнöй визь: бурöвöйкöд орччөн, Горвадин сиктын да матысса вөръясын пуöмөн жö пуö аслыспöлöс олöм. Тайö сюжетнöй визьыс не сöмын йитчöма водзасыскöд, но ёна содтö, подулалö сийöс, артмöдö романсö збыльысь эпической слямаөн, масштабнöйөн. Колö содтыны, мый Горвадинса олöмлөн серпасъясыс артмисны романас нöшта нин лöсьыда, поэтичнöя, эскöдана. Позьö висьтавын, мый татшöм поэтической серпасъясыс ми бура адззам аслыспöлöслун. Важ да öнiа коми олöм, важ да öнiа коми история восьсö то кыккуим дженьдык серпасторйөн, то тэрмасьтöг, джуджыда, эпическöя. Печораö, Горвадинö медводдза овмöдчысьяс йылысь гарыштöма некымын пöсь кывйөн. Уськöдöма тöд вылö, мыйла унджык коми сикт топнимъяс — нимъяс öткодя помасьöны «дин» вылö либö «вом» вылö. Автор стöчмöдö: «Унджык коми сиктыс öткодя пукалö: ыджыд юö ичöдджык юлөн усянинын... Ыджыд юыс колö йöзö петавлöм вылö, пыжөн ли вöла доддьөн кад сертиыс, а ичöдджык ю кузяыс пармаас позьö ылысьысь-ылö водзвыв катлысьны вөр керкаад. Тадзи жö коркö ыджыд вежöра коми морт медся водзсö поздысьöма Горвадин сиктö. Нималö сиктыс уджач йöзөн, сюсь тёлка кыйсьясысөн. Но тöдiсны и тшыг пыкöм, кач сөйöм, няньтöг олöм, торъя нин гöль йöзыд. А сөсся Октябрь бöрын гөрда-еджыда костын тыш лыбис, уна вир киссис. Гижысь некымынысь бергöдчылö тайö кад дiнас. Драматическöя петкöдлöма Горвадинса кулакъяслысь мятеж, Ляпинö няньла обозён ветлöм.

Уна серпас тöдчöдö, мый тани, Печора вожын, ловъя на важ олан ногыс. Вынаöсь абу сöмын выль олöмлы лöсялана традицияс. Татчöс ен тöдысьяс ёна пыдди пунктöны Гурейöс. Миян кадö нин Гурей веськöдлö Горвадинса «истиннöйясөн» — старöверьясөн, висьталö налы быд пöлөс лöжсö «мирскöйяс» йылысь, зильö песты-

ны-пöльтны на костын лөг. Та могысь тайö «святойыс» разöдö «истиннойяслы» бурö-вигъяс йылысь, налөн олём да удж йылысь, налөн мөвпгъяс да кöсиймгъяс йылысь небыличаяс, падмөдö, мед «истиннойяс» эз лысьтны отсавны бурöвигъяслы, повзöдлö печорасаясö став пöлöс грекъясөн. И сэк жö яндысьтөг нартитö пикö воём Ардальонöс, мырддö сылысь став кыйём-виёмсö, суклялö Павелöс Куштанов водзын, вузалö Куштановлы гуся прöмыссö. Гурей кужомөн мыджсö сылы лöсялана да туяна важ традицияс вылö, мед кöть тайö важ колясъясыс ёна дöзмöдöны йöзöс, торкалöны найöс, оз сетны сöвмыны олёмыслы водзö. Гурей кодъ йöз — горвадинасяслөн тöрытгъя луныс.

Но такöд тшöтш Юшков тöдчöдö и мөд-тор: печорасаяс, кызд и мукöд комияс, кужöны пыдди пуктыны важся бур традицияс: велöдчыны важ йöзлысь гөгөрвоныкывны ывла вывсö, сылысь мичсö да озырлунсö. Тайö мөвпсö автор торгъя нин кужомөн да уна колана детальяс тöдöмөн востö сэки, кор гижö коми ногөн вöралём либö чери кыйём йылысь, коми кыйсьысьяс йылысь, налөн обычайяс йылысь, кужанлун йылысь. Рөмдан верхыдöдз собалö понийскöд том кыйсьысь, ас чомланьыс matka-компастьөг нырвизь бостö. Но со друг понийс эз кут кывны-тыдавны. Морт шутөвтö, а сэся аслыс оз ло лöсьыд: дум вылас уси, кызди вежавидзлсны вöрас важ кыйсьысьяс, ловгъя ловöс моз пыдди пуктылсны вöрсö, полсны вöрас мортлы лöсявтём ним сетöмысь. Дерт, эськö и вомдзалöмысь-керöмысь полсны. Но тайö нин мөд сёрни.

Уна лист бок сйöма коми кыйсьысьясяслөн искусстволы. Шуам, со колö мортöс велöдны, кызди бөрйыны бурджык кычанöс. И Ревекка индö Яковлы понийслөн пиньяс вылö: вöлөмкö, понпияныслөн ан вомöныс мед ледзьясыс вöлины да мед эз гозгья-гозгья вöв лыдыс, мед чукыльбөс, оръяснабөс вöлины ледзьясыс. Сöмын татшөм пон зверь вылö кутас мунны.

Сэтшөм жö стöч приметаяс бөрйö автор, кор гижö комияслөн чери кыйём йылысь. Некумын кывгъясөн висьталöма, кызди печорасаяс вөдитчöны гырысь синма куломөн либö ас путшкөм куломөн, кызди сырпөн кыйöны найö тувсовгъя ытва дырйи гырысь чери. И бара сюрöны стöч серпасгъяс — этнографическойяскöд тшöтш и психологическойяс. Чери кыйгөн Ревекка перьялö шедөм комгьяссö, шыбалалö пыж нырас. Друг сылы веськалö сьбд чутöсь лөсталан гөрд кульмыны катысь лен. Ревекка абу нин первойысь тані, тöдö мый колö вöчны. Сйö чер тышөн колскö ленлы юрас, кыскö няклялём куломсö. Ас науканас да энгьякыс вылö видзöдöмөн Ре-

векка унаö эськö нин, велалис, кужö чери кыйны. Но, вöлөмкö, уна на сылы колö велöдчыны, медым тöдны сы мында, мыйта тöдö Виринеясыс. Мынтысьны ковмис ас вирнас тöдтöмлунсыс. Некод эз висгав на, ачыс эз жö казаяв, мый горш черилөн век пытшлангö кусынягöсь, а оз веськыдöсь овлыны пиньясыс. Суйис тöдтөгыс кисö чери вомас, чайгис эштöмаөн ленса, а сэся — «вежон ветлöдлис кöртöда киён».

Авторлөн стöчлун бура тыдалö горвадинсаясылөн гортгөгöрса удж, турун пуктём, турунсö тыкта пыжгъясөн кылöдём да мукöд пöлöс вöчанторгъяс петкөдлгөн. И татшөм сценагясын сйö зильö мынтöдчыны ковтём общöй кывгъясысь да бөрйыны стöч серпасгъяс, этнографической детальяс, тöдмавны бурджыка, кызди сйö либö мөд удж вöчлсны комияс — печорасаяс, горвадинсаяс. Вöлөмкö, бара туйяс абутём вöсна горвадинсаяс турунсö ылыс видзгяс вылысь кылöдлöмагöсь ас ног вöчём тыкта пыжгъясөн — неыджыд костөн орччöдöны кык пыж, пуктöны вомöныс тыкта потшгъяс да топыда кöрталöны найöс. А сэся вылас дзонь зорöд сөвтасны да зибгьясьöмөн кылöдасны. Дерт, тані автор эз вунöд содтыны бара жö, кымын пöсь киссьылис тайö уджсö вöчигөн. «Вомынöдыд, — гижö сйö, — майбыр на кылöднытö. Вөркөс визулыс нбöжйöник исковтöдö, и отсаян нöшта зібнад, кызди тай төвнас койбеддён. Но коді тэныд кузяла вомынсö лöсьöдас, кор ачыс юыс оз вермы, а сикöтшö мольяс моз сöмын öкталö джуджыдингьяссö, сюрöсыс муртса и кольлö косгяс вылын».

И быд пöрийö, гижö кöть вöралысь йылысь, чери кыйысь йылысь, турун кылöдысь йылысь, Юшков, кызди и аслас медводдза висггъясын, аддзö ошкана кывггяс коми уджач мортлы, тöдчöдö сылысь морттуйсö, киподтуйсö. Колхозса председатель Яков йылысь öтчыд пасйöма вöли: «Быдлаб вöли Яковлөн морттуйыс». Тайö кывггясыс лöсялöны унджык коми вöралысьлы, му вөдитысьлы, кодгяс йылысь талунöдз гижлис Юшков. Такöд йитöдын автор радейтö вайöдны öти композиционнöй приём: сувтöдö орччөн кык крестьянинöс — кужысьöс да кужтөмөс либö сідзтадз лун-вой сөйысьöс, көзьяинöс да браконгёрöс. Уськөдам тöд вылö кöть нин Конö Семö да «кык чунгөн уджалысь» Петыр Öньöос («Конö Семö» висггтысь), Микулайöс да Емельöс («Пияна ош» повестысь), Поликарпöс да Педөрöс («Ловгъя лов» повестысь). Виль романысь ми бара аддам тадзи паныдөн сувтöдöмсö. Татшөмөн петкөдчöны Бажуков да Куштанов, Ардальон да Турдö Мишка. Дерт, сёрнитны кө бөргъя пара йылысь, ковмас содтыны, мый Ардальонöс некуызди он сувтöд Конö Семö, Микулай да Поликарп динö орччөн. Но век

жэ өти бур визьтор серти позьё кутшэмакэ өткодявны и найёс. Нельнансэ найёс лёка вөчөм уджыс дойдө, оз сет лолавны, овны. Быд крестьянскэй уджэ велалёма и Ардальоныс, быдлаө тырмылө сылөн морттуыс — чери кыйны и зверь-пөтка вины, пес вөчны и турун заптыны-вайны. А сылөн суседыс Турдө Мишыс быдлаө йөрмөма, мыйö оз босьтчы, помөдз вайөдны нинөм оз куж. Сөмын и кужө шышавны да суклясьны. Öтчыд мунисны найö кыкөн колхоз му йөр потшны. Ардальон, кызди бур крестьянин, нөбъялөмөн нуис аслас öшинь увсьыс водзвыв дасьтылөм коз пу нёр. Мөд ногөн кутө асьсө Турдө Миш — му вылас локтө ёна сёрөнджык да и нёртөг, куш чер тасма костас суйыштөма. Ардальон кык да куим майөг удитас муас сутшыны, Турдө Миш öтиксө век тилө. Ардальонлөн нёрйид бура гаровтчө, шы весиг оз кыв, Турдө Мишлөн — перчка-ратшкакылө. А сэсся яндысьтөмыд войнас и гусялис аслыс вылө Ардальонлөн дасьтөм да му вылө кольөм нёрсө. Коньөрөн петкөдчывлө Ардальон и мөд сценаы — бара «кык друг», Ардальон да Турдө Миш öтлаө веськалисны, öтлаын кылөдөны колхозлы заптөм турунсө. Джынсьыс унджык быри зорөдыс, кор ножмасьыс Турдө Миш локтө Ардальонлы өтсөг вылө. Кор тыкта пыжнас вөрзисны кывтны, ныр кутысьнас, медея кывкутана да сьөкыд уджас босьтчис ачыс Ардальоныс, а бөжас сувтөдис ёртсө, велөдис бурөн, мый вөчны косьяс вылас. Но со кось горувланьын медея мустөм чукулинын, кор Турдө Мишөлы буретш колө вөли выныштчыны, ёнджыка йөткыштчыны, медем тыкта пыжсө туруннас и ставнас эз ляску изьяс, буретш сэки мортыс жуийлө, повзьөмысла оз төд, мый вөчны, а медбөрын кольө Ардальонсө öтнассө да ылөджык пышйөмөн пышйө.

Ардальонлөн образкөд төдмасигөн казялан, мый Юшковлөн гижан сямьы мыччесьө выль боксянь. Ми шулим нин, мый Юшков важкьясьн радейтө гижны сэтшөмтьяс йылысь, кодьяс йылысь висьталө фра-

зеологизмьясьн, йөзкостса шусьөгьясьн — «пыкөд пыдди», «ловъя лов», «олөм шыкөд», «олөм олысь». Романын олөм олысьясьн лоисны и горвадинсаяс — Ревекка да Яков коддьөм, и бурөвөйсаяс — Павел Бажуков, Иван Самарин коддьөм. Такөд тшөтш романын кужөмөн и эскөдана тэчөма мөд пөлөсджык литературнөй тип, психология боксянь сложнөйджык. Ардальон кодь йөз вермисны эськө лоны збыльсь «олөм пыкөдьясьн», «олөм олысьясьн», найö весиг лыддьөны асьнысө татшөмьяснас. Но збыль вылассө трагическөй помкаяс вөсна эз лоны и эз вермыны лоны олөм олысьяснас. Олөмыс кусыньтис найёс сы вөсна, мый олан сюрөсыс налөн эз вөв веськыд, сы вөсна, мый нэмсө төждысьлисны-мырсисны найö куш ас вөснаыс. Нь та йылысь сёрниыс лоас неуна бөрынджык, статьялөн мөд юкөнас.

Лыддысьыс водзын романын вөссө вель кузь кад — пөшти нэм джын, войвылын гражданскөй война, Великөй Отечественнөй войनावодзвывса пятилеткаяс, колхозьяс котыртан кад, Великөй Отечественнөй война дыр да войнабөреса кызкымын во. Шөр конфликтас кыскөма зэв уна йөзөс: геологоразведчикьясө, бурөвикьясө, инженерьясө, министерствоса уджалысьясө, комбинатса юралысьясө, колхозникьясө, öтка олысьясө, комсомолецьясө, коммунистьясө, активистьясө, Печораса старөверьясө, белогвардеецьясө, гөрд салдатьясө. Кыпөдсьөны уна выль, зэв колана актуальнөй проблемаяс — ыджыд нефть корсьөм, вөр-ва видзөм, öния нечерноземнөй сиктлөн шөр могьяс да с. в. Ставыс тайö сідз. И век жө, гижөдлөн медшөрыс — öти коми рөдысь куим поколөние: Виринея — Ардальон да Ревекка (Виринеялөн пыис да моньыс) — Павел Бажуков (налөн быдтасыс). Бажуковьяслөн частнөй история пыр гижысь сяммис вөстыны-серпасавны миянлысь кадсө, коми национальнөй характерын вежсьөмьяссө, сяммис бөриыны колана аслыспөлөс композиция да поэтика.

Водзэ лөб на.

Нёбдінса Виттор — журналист

Уджалис уездной ЧК-ын, тышкасис контрреволюциякөд; вөлі РКП(б) укомса секретарён, тышкасис революциялысь вермөмьяссө дорйом вöсна. Вөлі комын арөс — индисны газет удж вылө. Водзти некор сәни эз вөвлы, некөд сәтчө эз велөдлы. А босьтчис, сы вöсна мый сийө вөлі коммунистөн да бура гөгөрвоис, кутшөм ыджыд кыв кутана удж вылө индө партия.

1918 вося август төлысын том коммунист Виктор Алексеевич Савин гижө йөзс пызьөдысь кывбур «Гөрд звөн». Сийө чуксалө:

Чеччы, төварыш, да палбөдчы.
Ассьыд вөлятө дорйыны лөсьөдчы.

Тайө вөлі Виктор Савинлөн публицистикаө медводдза воськов. Коммунист төдіс: капитализм кутас водзсасыны, кутас усьласыны ортысянь, кутас зильны пытшкөсса контрреволюциялөн вынъясөн пөдтыны Сөветской власть, мырддыны Россияса уджалысь йөзлысь Октябрьской революцияын шедөдөмторъяссө. Сийө чуксаліс лоны дасыөн водзын ыджыд тышъяс кежлө.

КПСС Коми обкомлөн партийной архивын видзөны Виктор Алексеевич Савинлысь послужной список. Восьтам сийөс.

«1.8.1918 во: ВЧК-са секретарь да председатель; уисполкомса член-секретарь; 1918 вося ноябрь төлысянь дженьыд кад кежлө вежсылөмөн газетса редактор.

1918 вося августсянь декабрөдз — уездной ВЧК-са делопроизводитель-секретарь.

1918 вося декабрьянь 1919 вося февральөдз — уездной ВЧК-са председатель.

1919 вося мартсянь июнь төлысьөдз — уисполкомса секретарь.

1919 вося декабрьянь 1921 вося январь төлысьөдз — Центропечатьлөн уездной отделениеса заведующой.

1919 вося июнь төлысянь 1921 вося июль төлысьөдз — РОСТА-лөн уездной отделениеса заведующой. 1921 вося июль төлысянь 1923 воөдз — РОСТА-лөн уездной отделениеса заведующойөс вежысь.

1919 вося июньянь тайө жө вося декабрөдз — уездной продбюролөн президентумса секретарь.

1923 вося сентябрь 11 лунсянь — газетлөн редколлегияса член.

1925 вося октябрь 20 лунө РКП(б) обкомлөн бюро шуис: «В. А. Савин ёртөс мездыны став мукөд уджъясысь да ипользуйтны сийөс сөмын творческой удж вылын». Тайө постановление бөрас декабрь төлысьөдз вөлі «Югыд туй» газетлөн редколлегияса членөн. Сэсся:

1928 восянь «Коми просвещенец» журнал редколлегияса член, нуөдіс сәни культура отдел. Облонын деткомиссияса член, сиктыясын художественной удж нуөдөм кузя инструктор.

Тайө жө вося июль төлысянь «Ордым» журналса редактор.

1929 восянь — пролетарской писательяслөн Коми ассоциацияын правленияса член; «Ордым» да «Коми просвещенец» журналъясын, «Югыд туй» газетын редколлегияса член.

Быдлаө судзсывліс тайө ыджыд вежөра зиль мортыс — художественной литератураө, общественной уджъяс вылө, чуктөдліс кад ветлыны тундраө, кайлыны Эжва йылө, Висерө, Сыктылө, петавны Коммуө, пыравны Чибьюө, котырны театр, гижны сыланкывъяс...

Но ме көсья петкөдлыны сийөс кыз журналистөс.

Октябрьской революция пуктіс подув национальной коми гижөд да печать сөвмөмлы. 1918 вося апрель 27 лунө петіс «Известия Яренского уездного Совета крестьянских депутатов» газетлөн первой номер, а кык төлысь мысти, июнь 10 лунө — Сөветьяс Усть-Сысольской уездной исполкомлөн «Зырянская жизнь» газет. Сы вöсна, мый 1918 волөн первой джынйын уисполкомъясөн юрнуөдісны эсерьяс да буржуазной националистьяс, местной газетъяслөн редакциясыс вөліны налөн киясы жө. Тайө төдчис и газетъяс вылө: сәни йөзөдөм гижөдъяс пөръявлісны уджалысь йөзөс, революциялысь шедөдөмторъяссө петкөдлісны гугөн, паськөдісны буржуазно-националистической видзөдласьяс.

Большевистской организацияса чужөм бөрын газетъясөн веськөдлөм вуджис коммунистьяс киө. Гражданской войналөн сьөкыд лунъясө «Зырянская жизнь» газетө редакторөн воис В. А. Савин. Кызди Яренской «Известиялөн» (сийөс кутіс редактируйтны большевик С. И. Покровский), сідз жө Усть-Сысольской «Зырянская жизнь» газетлөн содержаниеыс сәки ёна вежсис. Редакцияса лөсьөдісны крепыд йитөдъяс ылі сиктыяса коммунистьяскөд, демобилизуйтчөм воиньяскөд, красноармейской отрядьяскөд. Уна материал йөзөдісны Сө-

ветьяслон, местной партиячейкаяслон удж йылысь. Ёсьмис газетной кыв.

1918 вося гождом помын интервенция паськалис водзё. Ленин сэки лыддис: Войвыв фронт лои торйон нин опаснойон, сы вёсна мый неприятельлон сэни вёлины медся выгодной условиеяс, сылон вёли морской туй. Петроградской партийной организация мододис татчо ассыс медбур коммунистьяссё. На повстын вёли тшотш Ф. С. Чумбаров-Лучинский. 1919 вося мартын сийо воис Усть-Сысольскё.

1919 вося апрельын «Зырянская жизнь» кутис петны «В Зырянском краю» ним улын. Тайо газетсё отлаын лэдэсны Пинега-Печорской крайса войскалон политотдел, Советьяслон Усть-Сысольской уездной исполком да РКП(б)-лон уездной комитет. Газетса редакторон вынсьодисны биа посё сёлёма агитатор, пропагандист, организатор, журналист Ф. С. Чумбаров-Лучинскийсё. В. А. Савин нэм чожыс казтывліс тайо ыджыд сёлёма большевиксё, коді сетіс сылы газетын уджалан сям, велодіс гижны, котыртны газет гогор лыдысьсысьясёс, гижысьясёс.

Ф. С. Чумбаров-Лучинский газетсё редактируйтис 29-од номеродз. Партиялон индод серти Усть-Сысольскянь сийо муно Мурманской фронт выло да Мурманск мездом борын борйоны РКП(б)-лон Мурманской укомса первой секретарон. Сэсса Лунывса фронт, Архангельск. Татысь губернской партийной организация Чумбаров-Лучинскийсё, 22 арёса коммунистсё, борйон партиялон X съезд выло. 1921 вося мартын Кронштадтской мятеж подтигон сылон оломыс орё.

Газетлон тиражыс вочасон пыр содо: «Зырянская жизнь» заводитчыліс 400 экземплярянь, «В Зырянском краю» вуджис тысяча сайо, Комины гражданской война борын, 1919 вося май толысянь, кор газет заводитис петны «Зырянская жизнь» важ ним улын, тираж воодчис 1.300 экземпляродз.

В. А. Савин, кыз редактор, газет уджо кыскис уездысь медбур вынъяссё: писатель да поэт М. Н. Лебедёвсё (гижліс Сидор Безземельный, Юсь да уна мукод псевдонимьяс улын), муртса на армияысь петом учитель В. И. Лыткинсё, ас дінас велодіс Н. П. Поповсё (Жугыльсё). Редакцияын йоз эз вёвны (быдса газет выло редактор, секретарь да информация отделон веськөдлысь), но мездісны селькорьяс. Некутшом опыт налон эз вёв, зато озийомыс, газет діно муслуныс быдөвлон ключон пуис.

1918—1919 восяын «Зырянская жизнь» газетын очеркьяс, портретной зарисовкаяс, репортажыяс эз на вёвны, но кор листайтан сылысь вёсни подшивкасё, сёлөмыд ышнитло: газетыс ышодё, озийодё лыдысьсысьясёс. Газет чуксалё бурджыка нуодны гора-кодза, майшөдло йозос лосьодны туйяс, вочны кирпич, дасьтыны школаяс велөдчигкежло. Газетын совмо выль жанр — сатирической фельетон. Тайо жанрас водзмөстчыснас вёли медводз ачыс, газетса редактор В. А. Савин.

«Зырянская жизнь» газет лоис коми поэзиялы заводитчаніон. В. А. Савин сэтчө вайодіс Ф. В. Поповсё, В. Т. Чисталевсё, А. А. Маеговсё, востіс налы туй гижны, большевистской посё кывъясон чуксавны коми уджалысь йозос дорйыны революциян вермөмьяс, тэчны выль олом, велөдчыны.

1921 воын петісны «Вой тов шувгом» да «Горд полян» литературно-художественной сборникьяс. Найо юортісны сы йылысь, мый чужо ыджыд коми литература. Тайо сборникьяссё лосьөдөмас эм ыджыд пай и поэт да редактор Нёбдінса Витторлон.

1921 во заводитчөмсянь «Зырянская жизнь» пыдди кутис петны «Удж». Коми автономной область котыртөм борын (1921 вося август) тайо газетыс бостіс выль ним — «Югыд туй».

Областьса периодической печатьлы водзё уджалан туй индіс РКП(б) ЦК-лон «Местной газетлон программа йылысь» 1921 во апрель 4 лунся циркуляр. Сэни төдчөдөма, кызди колё петкөдлыны меставывса газетьясын партийной олом, видз-му овмөс кышөдөм, Советьяслысь удж, йозос велөдөм, висьталөма, кызди гижны, кызди верстайтны газетьяс. «Массөвой газет бура пунктөм выло медводдза да медся главной условие — медым редакциялон вёлины пыр кадся, креныд йитөдыс лыдысьсысьяскөд», — тадзи висьтавьсё РКП(б) ЦК-лон циркулярын.

1923 воын март 20 лунся номерсё «Югыд туй» востё «Мый йылысь гижны миян сиктса корреспондентьяслы» передөвой статьяон, кодос гижис В. А. Савин. Неважон на помасис гражданской война, эз на бырны колясьясы Поволжьяса тшыг вөлон, и тайо сьокыд каднас зэв колана вёли панны тыш народлон медся ыджыд озырлун — нянь видзөм вёсна. Со мый вёсна передөвойыс заводитчө самөкур пуысьяслы паныд ёсь тыш паськөдөмсянь. Автор чуксалё паськыджыка гижны Советьяс йылысь, петкөдлыны медбур Советьясёс. Югдодны газет пыр партийной организацияслысь да профсоюзьяслысь удж. Висьтавны, кызди сиктьясын төждысьёны школаяс да учитель вёсна, вайөма-ө налы пес, эм-ө карасин, чернила, тетрадыс. «Корреспонденты оз позь вунөдны, кутшөм ыджыд кыв кутөм сийо нуо газетлон авторитет вёсна, — төдчөдо автор. — Газетын кө ми кутам йозодны гогорбок прөвериттөм, ылөдлысь гижөдыс, сийо, газетыс, воштас йозсянь вежавидзөмсё. Сідзкө, гижны бостычтөдзыд колё бура прөверитны».

Газетлон честь вёсна төждысьөм, медым быд шыпас, быд лыдпас вёли ас мөстаас — Нёбдінса Витторлон, кыз редакторлон, вёли вирас. Ми видлалим уна вочөжся газетьяс и дзик некытысь эг адзылой ни оти веськөдөм. А од, кызди гижө ачыс водзё номерын (1923 вося март 23 луно — «Кызди ми вөчам газет» статьяын), редакцияын сэки вөлөма сөмын нель уджалысь: ответственной редактор, секретарь, информацияной отделон веськөд-

лысь да корректор. (Газетлөн ыдждаыс öнiя районной газет кодъ. 1923 вося март 15 лунöдз петавлис быд вежонын нельысь, а тайö лунсяныыс лои быд лунся газетөн.— Н. П.). Тани колö вöли тэрыблун, удж радейтöм, газетсö сьölöм дiнын кутöм. А тайö, кызд ми висьтавлiм нин, Нёбдинса Витторлөн вöли. Коми писатель, В. А. Савинлөн ичöтджык ёрт, сылысь талантсö выlö донъялысь морт И. В. Изъюров «Нёбдинса Виттор, кутшöмөн сийöс тöдлi» казтылöмъясын гижö: «1927 воын... газетса редакторөн Нёбдинса Виттор эз нин вöв, вуджöма творческой удж выlö, но газетын удж эз вунöд. Эз вöвлы лун, кор эськö Виктор Алексеевич эз пыравлы редакцияö ли издательствоö».

1923 вося июнь 10 лунö ассыыс передöвöй статьясö «Югыд туй» сийö Коми муын газет котыртöмсянь вит во тырöмлы. Редактор сэнi гижö: «Бöртя кадö кö мян газетным бурмыштiс, таысь колö эз ыджыд аттö висьтавын уджалысь йöзлы, кодъясöс ми лыддям асланым газетлысь медся бур сотрудникъясөн. Юбилей лунö ми сям, медым печать уджын водзö выlö участвуйтiсны уна-уна йöз».

И збылысь газет озырмö выль авторъясөн. Номерсянь номерö редакция нуöдö «Мияны гижöны» вель ыджыд подборка. 1923 вося августын «Югыд туйлөн» тиражыс вöдчö 2100 экземплярöдз. 1926 воын сылөн вöли нин 240 рабселькор да содтöд 20 корреспондент гижисны учреждениеясынь.

Уна селькоркöд, лыддысьыськöд Нёбдинса Виттор вöли ачыс тöдса да пыр öз-йöдлiс найöс гижны водзö, гижны паськыджыка, мичаджыка. «Югыд туйын» «Сьöд Яков» медводдза висьт йöзöдö Алексей Александрович Чеусов. Периодической печатькöд сийö, кызди и унаөн мукöдъяс, вöли тöдса важысянь нин, губернской газетö да «Известия Архангельского общества изучения Русского Севера» журналö гижавлис 1907 восянь. Тайö мортсö öтлаын удж серти Виктор Алексеевич тöдлiс 1918 восянь нин.

1924 воын газетö воис Ичöт Иван (И. Н. Сажин), Чухлöмса медводдза комсомолец да сэнi жö первой коммунист. Областной парторганизация восьтiс сылы велöдчыны туй. 1925—1927 воасын Ичöт Иван вöли Н. К. Крупская нима Коммунистической академияын. Пемыд вöршöрса сиктысь петавлöм том мортлы эз вöв кoкни йирны наука подувъяс, но сьöкыдлунъяс водзын сийö эз бöрынтьчы: велöдчис и гижис. «Ордым» да «Коми му» журналъясын пöшти быд тöлысь йöзöдö висьт, кывбур, уджалö «Ён тыш» первойя коми повесть вылын.

1923 воын «Югыд туй» газетлөн май 20 лунся номерын редакция йöзöдö некодлы дзик тöдтöм, 18 арöса зон Сизь Пашлысь «Югыдлань» кывбур. Та бöрын матö комып во чöж П. А. Шеболкин служитiс журналистикалы да литературалы.

Нёбдинса Виттор дырйи газетö вооны Шыладорса Миш (М.Доронин), Акись пи (З. А. Старцев), Анпим Костромин, Тикöн

Ольöксан (А. Старцев), Тит Паш Вань (И. П. Титов) да унаөн мукöдъяс. Неуна бöрынджык нин, 1927 воын, «Ордым» журналын уджалiгөн Нёбдинса Виттор казялiс Типö сиктса Иванöс да пасйис: «Надея сетö, бур гижысьöн лoас». Бöрынджык Типö сиктса Иван вуджис журналисткöй удж выlö да ас йывсыыс Иван Комсомольский (татшöм псевдонимөн гижсьывлiс И. Н. Габов) колис эзв бур казтылöмъяс. Политрук Габов усис Великой Отечественной войнa вылын.

1924 воын «Югыд туй» газет йöзöдiс медводдза ичöтик гижöдтор ыли Удораса том зон Николай Максимовлысь. Нёбдинса Виттор восьтiс Николай Павловичлы ыджыд журналистикаö туй. Сийö вöли медводдза редакторөн Усть-Вымской районса «Водзö» газетын, вель дыр веськöдлiс Усть-Куломской районса «Вөр фронт» газетөн, матö дас вит во чöж вöли редакторөн республиканской «Вөрлэдзысь» газетын.

1938 воын öти арся лунö ме волi Дмитрий Семенович Горчаков ордö. Сийö сэки вöли редакторөн Сыктывдинской районса «Колхозник» газетын.

— Со тадзи и уджалам, земляк,— чолöмасис мекöд.— Татчö менö «пыртлiс» Нёбдинса Виттор да редакторөн, буракö, нэмöс лoб коллявны.

Дмитрий Семенович, кызди и другыс Иван Комсомольский, усис фронт вылын.

Газет уджö Виктор Алексеевич кыкис тшöтш Поэтыкерöсысь 16 арöса зонкаöс, кодöс вöли шуöны Изъюр Иванөн. 1926 вося медводдза аддзысьлöм бöрын Иван Изъюровöс сийö эз вунöд да мöд онас том зонмöс корис уджавны Коми книжной издательствоö. А неуна водзынджык, төвнас, «Ордым» журналлөн мöдöд номерын Виктор Алексеевичлөн отсöгөн жö йöзöдiсны сиктса зонкалысь «Сельсöветъяс бöрийгөн» медводдза кывбур. Тадзи жö сийö сетiс олöмö путёвкаяс Сим Ваньлы (И. Н. Симаковлы), Биа Öгырлы (Я. И. Чупровлы). Найö куиманнныс сölънитчисны художественной литературакöд, но эз янсöдчывын и газетъяскöд. Я. И. Чупров вöли «Сыктывса ударник» газетса редакторөн, И. Н. Симаков уджавлiс издательствоын, но кор чукöстлiс газет, Иван Николаевич вöли пыр дась петны кузь туйö. Найö кыкнаннныс усисны фронт вылын.

Кузь война туй вуджис и И. В. Изъюров. А кор ланьтiсны пушкаяс, воис газетö. Сийö век кежлö колис журналистөн и писательён.

Нёбдинса Витторлөн послужной список серти кö, газетной удж вылын сийö вöлöма сöмын сизим во. Но кор видзöдлан сюсьджыка, лукйысян газет подшивкаясын, сёрнитан сийöс тöдлысь йöзкöд, вежöрад воö мöдтор: 1925 воын журналистикакöд сийö эз ордö. Виктор Алексеевич век кежлö коли публицистөн. Сийö вöли поэтөн, драматургөн, лэдзис аслас произведениеяслысь кык том, уна торъя книга, уджалiс Коми театр котыртöм вылын, но сэк жö гижис 11 газетной очерк, лыдтöм-тшöт-

төм посни материал, лунгаръяс (быд лунъя темаяс выло сатирической кывбуръяс). Век на важ моз төждысис выль журналистской да литературной вынъяс быд-төм вöсна.

1929 вося март 20 лунö печатникъяслөн клубын воссис селькоръяслөн коймод областной совещание. Кыдзи юөртисны сэни, 1927 вося июнь төлысь кежлö став селькорыс областын вöломá 564 морт, 1929 вося февраль 1 лун кежлö — 1.405 морт. Тайö висьталö уджалысь йöзлөн водзмöстчöм, налөн активность кыптöм йылысь. Селькоръяс пöвтысь уна бур ёрт быдысны да сэки уджалысны советской, хозяйственной, профсоюзной, кооперативной удж вылын.

Совещание вылын вöлины сиктыясыянь 36 делегат да карсянь — көкъямысөн.

Тайö совещание вылас сёрнитис тшöтш и Нёбдинса Виттор. Сийö шуис:

— Коркö вöвлины совещаниеяс да некодлы вöли сёрнитны. А öни! 52 морт пысь гижесбöмабсь комын витөн. Активность содö, селькоръяслөн лыд паськалö, гижöдъяс вооны сюрс лыдөн, а оз öтгөн.— Сэсся индис:— Колö бурмодны гижан техника, уджык мөдöдавны кывбуръяс, висьтъяс, фельетонъяс. Татшöм жанръяса гижöдъяссö крестьяна кокниа лыддьöны.

Сийö эз вöv газетын, а газет вöсна сёлöмыс век висис. Сылы любö вöли, кор 1933 вося февраль 4 лунö «Вөрлэдзысь» газет пасйис «Зырянская жизнь» газетлөн первой номерсянь 3 тысячаöдз номер тырöм. Газетлөн передöвой статьяын выло донъялöма журналистской уджсö первой партийной газетысь редактор В. А. Савинлысь. «Чумбаров-Лучинский да В. Савин ёртъяс котыртисны коми уджалысь йöзсö большевик партия лозунгыяс гөгөр, котыртисны гражданской война выло, классöвой врагкөд кось выло».

Тайö жö номерас Виктор Алексеевич гижö: «Кыдзи ме уджалä газетын» статья. Сийö казтылö: «Нельсö экземпляр тиража «Зырянская жизнь» газетсянь «Вөрлэдзысь» воис 5 тысяча тиражөдз. Со кутшöмось мяян воськовьясным!» Областын сэки петис куйм областной газет, 8 районной газет, 2 журнал. Ёнмöны йитöдъяс

уджалысь йöзкөд, содö рабселькоръяслөн лыдыс. Коми литература лэдзöм содi 1928 восянь 8 пöв, 1920 восянь — 45 пöв.

Вöли мый выло радлыны первой коми газетчиклы!

1929 воын КАПП-лөн правление шуис ёнмодны йитöдъяс Коми-пермяцкой округса писательяскөд. Нёбдинса Виттор муно Кудымкарö да вайö «Коммуын» очерк. Тайö жö вонас гижö мод очерк — «Бöрынть-чигөн».

1931 воын Эжва йылö ветлөм бöрын «Ударник» журналын йöзöдö «Медводдза туй коми театрлөн» очерк.

1932 воын ВКП(б) обкомлөн бюро шуис мөдöдны медся ыджыд стройкаяс выло, медгырысь леспромхозъясö, сиктыясö писательяслысь бригадаяс. Нёбдинса Виттор да Егор Колегов муноны Ухтаö, П. Шеболкин кайö Палаззяö, И. Вокан лэччö Пальö... Татшöм ногөн коми писательской организация сетö ассыс пай первой пятилетка олөмö пöртөмö.

Тайö жö во пом кежлö Ухтаö ветлысь ёртъяс вайöны ыджыд очерк «Ухта — Войвыв Баку». Сийö помасьö кышнд публицистической кывбур строфаөн:

«Пемыд парма
Зумыштчөмөн шувгис нэмсö,
Некод сылы некор
ловзян удж эз вай.
Öни вөрзьөдöма
морөссö и вемсö —
Кыптö выль индустриальной
Войвыв край».

Комынöд вояс заводитчигөн Нёбдинса Виттор гижö уна стихотворной ораторияяс, оратория-монтажъяс («Иналам став вөр» — кылöдчан оратория, Гөрд Армиялы сиом оратория да с. в.). 1933 вося «Ударник» журналлөн 2-öd номерын йöзөдöма «Воча кыв» оратория.

Лыддысысь казялис «Домна Каликова» очерк («Вөрлэдзысь», 1933 вося февраль 23 лун). Тайөн Нёбдинса Виттор медся водз висьталис коми йöзлөн нэм вунöдлытöм героиня йылысь.

Татшöм вöли публицистикаыс медводдза коми большевистской журналист Виктор Алексеевич Савинлөн.

Техн. редактор *И. Оплеснин*.

Адрес редакции: 167610 г. Сыктывкар, Дом печати, комн. 26.

Телефоны редакции: 2-47-52 (гл. редактор), 2-51-52 (отв. секретарь).

Сдано в набор 23/IV-1980 г. Подп. к печати 21/V-1980 г. Формат 70×108¹/₁₆. Печ. лист. 4+0,125 п. л. вклейка. Приведенных печ. листов 5,6. Тираж 6100 экз. Ц01311.

Заказ № 3165. Цена 20 коп.

Республиканская типография Государственного комитета Коми АССР по делам издательств, полиграфии и книжной торговли. 167610, г. Сыктывкар, ул. Коммунистическая, 20а.



Некодос абу вунодома.

Снимаітс Ю. О с е т р о в.



Печора юлӧн вож — Уса.